

抱
冲
齋
詩
集

抱冲齋詩集卷八

長白 斌良 笠耕

江南量移集一

過宿遷

古縣枕河埂深林雉堞穿樓臺迴蜃氣檣櫓接魚天麥借輶軒綠曦園繖蓋圓障泥須護惜明發上江船

順河集遇雨

風鬢鬢髻雨爲沐勢比傳郵奔騎速樹頭雲擁正披縣蓬背聲喧如撒菽征衫非瓦滴欲穿小市衝泥且駐轡買春拌醉茹檐底洗足關門放膽眠

雨宿順河集征衣爲偷兒竊去數事感成四絕

故物何存子敬氈穿窬狗盜起無端征衫失卻添惆悵累我驅

車耐曉寒

誰使飢驅困汝曹
穴鑽有道亦雄豪
平生傲骨嶙峋甚
不願逢人慨贈袍

縫掖深衣服未侔
不衷第恐集愆尤
杏花僻店無人徑
好去提壺喚醉休

在笥衣裳須自慎
怒顏漫向僕奴遷
嚴局卻爲他人計
怯篋南華悟內篇

仰化集

終朝倏變兩暄寒
晨起衣絛暮著單
沙路只愁投足輒
棘叢每歎置身難
野谿澄澈魚多活
灌木陰深鶻易盤
一自東山鞅掌困
蛙聲紫色盡名官

途中有感又成

寒燠相乘理數環因時出處意常閒棘能護壁無妨薜蘿縱當
門亦待刪天趣愛看魚撥刺靜機惟聽鳥聞關養心淡泊聊乘
化萬壑支筇任往還

眾興曉發

鐙檠剔復明衣裳急顛倒虛白紙窗生昏黧經遠道暗塵逐馬
蹏續紛訝雲繞路脩樹影深天高月光小倏焉朝霧昏公超技
何狡不見崢嶸利但聞格磔鳥溟濛細如雨無聲溼袍襖非絮
亦非煙眯眼白縞縞晴曦一以耀陰霾淨疑埽遠邇指邨墟參
差列城堡恍若沈睡醒人健晴光杲回首憶南樓鞅塵浹旬擾
攀衣奉板輿慈帷幸康好我僕未云痛我馬猶壯佼蒼穹鑒愚
獨錫福不待禱陟岡與涉川跬步神惠保殷勤戒童僕扁舟明
發造放溜指金陵蒲帆順風飽

魚溝

泥塗散厥壤滑滑妨行輶田塍冒沮洳貫以陂塘流依稀柳影
倒鏡裏修眉浮風和藻蘊亂日暖姬隅游悠然想濠濮魚樂還
知不

王家營

一綫金隄屹似牆緯蕭舊俗水雲鄉語多態染揚輕習衣少幫
拖魯儉妝北轍南檣分咫尺去鴻來燕各奔忙明朝放櫂清淮
口還聽鈴聲十里長

渡黃

萬古洪流接混茫導源雍豫走徐揚澄清誰可千年俟洞潮吾
欣一輦杭忠信守身能利涉魚龍有道總深藏宣防河上慙奔
走膺服諸公善挽狂

清江浦登舟

廿年清口別猶記景依稀
闌曲花依岸波漣綠映帷
客驚隄似壁童訝屋能飛
解纜鳴鈺發乘風願莫違

漂母祠

情殷聊一飯報豈望千金
特識荆釵具高蹤竹杖尋
草香通徑古波碧俯橋深
十萬封齊戶何如簞食心

淮陰

鐘室千秋恨淮陰一飯同
漢家雙老婦終始一英雄

寶應湖阻風

風水雨撞激花翻雪浪濺
草青微見岸湖白遠浮天
釣艇輕於葉煙邨小似拳
漫嗟屏翳阻北舫卻聯翩

寶應道中晚眺

萬綠寂不搖
倭風停向夕
水蒲唳歸禽
墟煙帶暝客
金隄直如
弦湖河一綫
隔蒼波瀚無
痕瀾漫界天
白

寶應縣

國以賢爲寶
嘉休少信徵
殷繁淮右部
辛苦驛邊丞
雉堞齊隄
埠漁舫俯塔
層此鄉卑溼
甚保障益冰
兢

露筋祠和王漁洋韻

玉立天人仰
肅然偶遺芳
躅枕湖煙此
身清淨妙無
染門外澄
波不種蓮

高郵道中

舟壓層波健
有稜薺葭搖
影落魚簪阻
風滋味今年
乍聽雨情
懷昨夜增一
片青迷深埭
樹數星紅透
隔湖鐙竹西
臺館揚州
路明日蒲帆
到未能

詩稿失去徧尋不得戲成一律

畱待他年覆瓿看窮搜篋笥太酸寒情同敝帚千金享敢說純
鉤百鍊難人笑杜陵堆飯顆自憐長吉嘔心肝鴛鴦繡出分工
拙一樣精神翠綺紈

舟中望高郵湖

一白渺無際蒼穹似蓋銜滲金明夕照點墨指歸帆蘆短容窮
目風涼欲透衫濱湖漁者眾晚飯飽羹臈

雨泊邵伯湖

潑墨濃陰隱夕陽跳珠碎點響菰蔣一痕煙影黏天碧萬頃波
光帶雨涼浪白草青潑鷺激斷雲疏樹入漁鄉篙師倚榜還相
語今夕維揚定繫航

泊舟揚州小五臺感成

崇岡蒼翳擁訶林魚板經寮此重尋
頭白老僧應默契刹那頃
厯去來今

帆背斜陽暫繫船晚風吹落磬聲圓
綠陰依舊江城路只有心
情不似前

四月七日偕程蘊齋師黃子芳冷雲岳可盦弟泛舟紅
橋篠園看芍藥得絕句六首

餞春舟掠小紅橋花影簾波韻更饒
一笑篙師偏解意衣香影
裏暫停橈

瑣窗虛閣望玲瓏四照花光曲逕通
夏淺寒輕剛愜意遲開香
豔各當風

櫻筍江城薦及時打篷梅雨正絲絲
聯翩羣展行來緩竹粉黏
衣自不知

留窰香移客乍尋倚闌無處不花陰黃鬢粉瓣渾難覓一片紅
雲竹外沈

婪尾杯斟風信晚鴨頭綠暖漲痕新廣陵佳話欣初睹金帶圍
標宰相春

篠園花市傍湖開酒舫尋芳次第來不是聞言多態出渾疑人
尚在豐臺

泛舟紅橋十二絕句

丁谿

碧玉貫東西橫流北趨疾海津舊有沽其名與之一

紅橋修禊

蘭亭久荒蕪俯仰思前賢相將幾褰屐禊祓惠風天

致遠樓

層構展遐矚好景羅繽紛甯靜以致之千里胡足云

桂陽

淮南小山叢馥郁發香氣分明金粟堆芝蘭罔同味

潤竹亭

葉碧非關雨風微靜有香檐虛超象外君子近徜徉

辛夷樹

朱楯圍紫辛厥號木不律問奇仰青天書空穎卓立

柳湖

拍岸麴塵微刪盡依依柳罟師發長歎實壤名不朽

長廊

逶迤千步廊巧具般倕思人面隔紅窗宛轉莫能致

致佳樓

憑欄爽氣迎嵐光耀翠紫人間重晚晴詩思斜陽裏

篠園

名園綠水傍涼雲映書幌夜雨長籊龍影出青霄上

瑞芍亭

嘉種三十二花瑞舊有徵試問灌園叟帶圍開未曾

牡丹臺

翠尖蜀葉披紅芽鵬觜嫩天然富貴姿涵濡在方寸

晚泊舟高明寺夜抵京口

疏鐘一杵墮昏煙瓜步微忙草色連蕭寺僧歸鐙照塔空江客
渡雨涼船廿年舊事盤胸次萬里濤聲落枕前高挂蒲帆建康
去觚棱睽隔路三千

舟中望金山

浮圖突兀插雲間，雪浪奔騰擁翠鬟。
放眼空中有樓閣，寄懷天下此江山。
乘風樓艦驚濤簸，聽講魚龍白晝閒。
蕭寺辯師應笑我，瘦筇何事阻躋攀。

新開河

一汊下京口，澄波膩似油。
峯平青喚客，篠細綠依舟。
吾性靜而逸，人家秀且幽。
頓忘行役苦，盡室訝清游。

泊舟新開河，一路風景幽。
秀人家半掩，映於茂林修竹間。
舟行鎮日，宛似清游，題六絕句。

碧螺一點聳銀盤，山寺回頭路渺漫。
喚取奚童拓窗子，愛看嵐翠忍輕寒。

濃陰深處鶻鵒鳴，欸乃聲中日已西。
新筍半竿籬外影，每於林隙見山低。

遠村深住罨溪煙水柳風篁繞舍圓牧豎貪游嬉隴上任他穿
鼻牯牛眠

清和時節尙微涼杭稻青青大麥黃正是三眠浴蠶候桑陰青
出布裙娘

碧波不動待行舟歷盡風濤客少愁一舸全家看共載恍疑歸
去鹿門遊

前舟已過板橋南出沒雲帆樹影參笠屐閒中須檢點筍輿明
發入龍潭

晚過棲霞

艤舟巖際集昏鴉來訪蕭梁釋子家松氣撲衣涼似雨竹香通
鼻妙無花久驚名詠難題句已入經寮且喫茶聞說徵君遺勝
蹟他時笠屐極幽遐

繖峯圓抱寺樓高，迤邐訶林步匪遙。
驛路塵埃慚未滌，名場熱惱快俱銷。
雲沈深廠參千佛，僧指殘碑話六朝。
游興正酣山月上，夜鐙紅處認歸橈。

登最高峯

引勝行穿萬壑松，扶筇衣袂颯高風。
聲聞直與諸天接，塵濁休教下界通。
隴畹稻畦金錯落，江搖林罅玉玲瓏。
江南羣岫青千笏，盡入騷人俯首中。

幽居庵晚歸

筍輿暗度翠微層，幽邃巖阿畫未能。
雲罨香龕淒佛火，林穿江影露漁燈。
屐聲響接偏驚鶻，磴道昏行卻遇僧。
錦幄煎飧酣卜夜，萬松孤月見何曾。

游罷發舟棲霞夜抵龍安驛

夕覽景收奇清游旅停泊登陟好山川智仁饒壽樂稅駕遠塵
寰解綬修天爵幽邃竟日賞襟期頓然廓暮鐘送歸人檣竿集
乾鵲纓煙雜山氣崦嵫望依約天末閃佛鐙雲中認僧閣排空
松似鍼凌霄客疑鶴當境危罔知回看意猶愕天光漸向曠峯
容睡寂寞河帶冰練拖霞綺綵繒錯輕燒疾如駛瞥過幾巖壑
風起燭影颭夜涼衣袂薄忽聆犬吠聲知己近墟落

京口阻風

蒲帆高挂翦江行屏翳無端滯客程藉訪山川開眼界閒偕鷗
鷺訂心盟鐙圍畫障光難掩舟激洪濤怒有聲去舫稍遲迴棹
速細參物理自均平

偕黃子芳冷雲岳游惠山寺試第二泉

艤舟傍惠麓禪關筇竹叩入寺折而東枕崖妙結構灌木翳曦

炎蒼苔點石瘦翠斧鑿深坳披縣暗雲逗潭空大鏡圓檐虛一
亭覆中冷品題外名泉此爲又闌短不盈尺珉玉周道翫風漚
如菽發百琲噴乳竇澄澈鑒毛髮幽冷不敢漱匏尊汲取嘗淪
漪綠微皺鳳髓瀹月團螭眼伺火候雙頰回芳甘輕圓無出右
緬彼眉山翁茶禪參早透腋下清風生玉川同領袖頻年困塵
滓胸次積濁垢會當攜都藍松厂烹相就

游寄暢園寄懷秦小峴侍郎

藏

菴裘近倚惠峯椒高下虛廊引步遙溪水照梅宜仁月磴雲盤
逕不通樵山靈福我天風定

是日大風入園後忽止

石介如臣

御翰標

園中有美人石乾隆丁丑南巡特賜名曰介如

投老少游還健否幾時相訪挂詩瓢

過無錫縣

地古傳無錫行遲阻石尤映田青負郭小港曲通舟泉近人第

釀風嫵俗善謳柁樓聞輓語前路是蘇州

邀黃子芳冷雲岳醉蝦侑酒戲成

大烹貴養生蔬食還安恬飲啄各有數口腹營沾沾何曾侈美
饌萬錢意未厭郇公精庖廚珍錯羅高檐余今待祿養尸位幸
遠嫌鱗介入筵肆享客母乃廉心交脫畦畛物薄意自謙水族
雖細微罟師勞取擣草履窺沮洳紅鐙影蒼兼笱簖歎空屢難
獲同黃鮎蓬頭買初至翠荇筐筥黏其徒實繁有沫吐疑魚噉
鬚長怒戟張頭銳卓筆尖紛拏振八跪瘦勁開雙鉗咄嗟付庖
人芋火爲燔燔調之以醢醢芼之以辛蕪深濡竹葉釀細糝晶
色鹽堆盤看錯落香味霏疏簾青疑寶玦碎赤訝珊瑚卷蠕蠕
含動意簞簞還須苦撥刺時忽躍滷汁面目霑咀含吐其殼饒
舌時甜醴殘甲羅几席瑣碎銀刀鋤饜餹河豚肥老饕嗤蘇髯

吾聞水母盲賴爾廣視瞻云胡慕糟味頓使身爲殲小人善羅織菹醢膏釜鬻食淡安性命大壑深韜潛魚龍有時化鬻鬻揚鬚鬚不謂鼎扇微投箸感慨添

唐陶山觀察

仲冕

見招偕陳香谷方伯

桂生

龔闇齋廉

訪

麗正

泛舟石湖登天鏡閣率成疊韻四律

山塘簫鼓厭煩囂掣得閒身訪寂寥靈岫青濃昏畫墨層波縠縐拓冰綃風傳豔曲來杯面雨釀輕寒入櫓腰話久忘機鷗鷺共相窺蓼岸不須招

夢漁亭蹟半荒蕪退隱名賢有賜湖鏡影煙鬟猶寫翠篷敲碎點亂跳珠衝泥訪覓苔碑古倚醉登臨畫檻扶簪盞清游冠蓋少他時笠屐待披圖

淡沱湖天靜不驚漁榔響度亦蕭寥桃花隔隔沈紅雨菰葉灣

迴舞翠綃藥玉舟深長在手金魚佩重漫垂腰頗思結夏安禪
誦塔影隨人似見招

吳宮羅綺化靡蕪森爽清華數石湖浪闊神魚拋玉尺夜涼老
蚌耀明珠馬纓零落空詞掩紫茜惺忪一徑扶我亦棲遲耽小
隱水雲活脫輞川圖

游滄浪亭

小有濠梁意虛亭俯碧深餘芳猶可誦舊蹟劣難尋白水游魚
會青雲倦鳥心節麾曾小住淒絕此園林

丙辰秋先大人讞
事會館於小滄浪

游獅子林

半畝莫釐秀割來藏市塵紆迴出意表崦嵫雲巔世路亦如
此文心恐未然獅林善王吼頑石本通禪

過虎阜

綠楊如薺夾通津
棹入山塘碧水粼
畫舫笙歌朝鼎沸
朱樓鐙火夜然春
女閭何止開三百
義俠今猶說五人
松色嵐光無客賞
山靈誰惜汙埃塵

舟行官塘達潯野關

酒醒猶潯墅
愁重壓扁舟
竹樹疏堪畫
風光豔入樓
波迴帆影折
人倦櫓聲柔
不是投閒暇
如何逞俊游

舟中遇雨向晚晴霽感成

變化唯真宰
陰晴意莫量
孤颿纔急雨
深樹忽斜陽
鳥雀飢求食
魚龍道善藏
雄風解蒸潯
獨立感蒼茫

黃婆墩

解綬意偏適
宦游如旅游
迎賓無庠馬
窺客只沙鷗
風起濤聲壯
橋橫帆影收
滔滔復誰挽
天地一扁舟

夏日有懷青谿僑寓

山色六朝餘
誅茅暫寄居
投閒新僕散
調外舊交疏
啟甕歎無
酒壓囊還有書
青谿荷萬柄
翠蓋過橋扶

丹陽道中

非旅亦非宦
栖栖何所求
身閒依甕醉
腹空借書饒
么鳳翹思
越涼蜚語帶
秋江山如有
約到處碧凝眸

過丹徒有感

跨漢金輪影
半傾精藍迴
憶不勝情心
輸翠秀橋邊
水流向空
江勢漸平

丹徒道中感成

絳冕天雖定
丰裁要獨持
學深常作達
病久漸知醫
江闊神魚
抃天長去鳥
遲蘆中有窮
士歌嘯繫人思

晚抵京口

岷峨萬里走江聲
高挂蒲帆截浪行
兩點金焦開地戶
一規鐵甕鑄城荒
目斷南朝壘
酒勁胸羅北府兵
艤榜又來京口驛
鄉心暗逐暮潮生

同懷弟法良校刊

男崇福謹校重刊

抱冲齋詩集卷八

長白 斌良 笠耕

江南量移集二

金陵途中雜題

陰森灌木亂雲橫
烏犢高眠早罷耕
門外兒童喧晚飯
斜陽籬落槿花明

膩漲如油拍小橋
秧田水滿翠雲撩
夏畦農父渾忘苦
手障蒲葵看黍苗

暖翠周圍四抱圓
石麟無語鎖蒼煙
紀功多少豐碑臥
畱與村翁當榻眠

一規斜照落松杉
鍾阜椒深結草庵
舌挂壁閒聊啜茗
升沈何必問瞿曇

池上

磯頭垂釣藉青蓑
雲影潭空足芰荷
收拾絲綸還歎息
曲鉤重餌獲魚多

贈孫淵如觀察

星衍

清修似鶴愛公和
忽漫相逢鬢已皤
爲詠循陔輕紱冕
非關高隱戀煙蘿
雄文班馬薰香久
小篆冰斯肆力多
白下耆儒零落盡
魯靈光殿獨嵯峨

偶成

雨餘白袷尙嫌單
壯歲光陰付倚欄
爲政始知名宦苦
憐兒追憶得親難
秋來時漸炎涼判
學到心能寵辱安
海微會須三載住
連鰲拋卻舊漁竿

初至金陵賃居青谿里巷偶成

韓子辛勤卜築初半庭荒穢未全除商量竹裏泥茶竈珍重樓
頭整 賜書生客入門孤鶩似人奴就舍亂蜂如布帆千里今
纔到卻喜平安奉板輿

庖涵庭移位置詳果然僑寓費評量城南詣客夫何遠方外論
交未是狂巷隘都無羅爵地園荒喜有種魚塘蓬樞難迓高軒
過枉道桓伊號野王

繞舍清谿玉一條戟門聽鼓路非遙朋儻積漸疏東魯風景從
教訪六朝通客填門投短刺應官逐日累輕輶周防僮僕嬉游
近絕迹秦淮舊板橋

周北張南好結鄰兒童笑語一家春風塵猶說連朝苦金粉思
探往迹陳白下羣山真繞郭淹中四序最宜人巖花汀草知吾
佚閒醉高吟暫寄身

初秋閒居疊前韻

忽忽流光放桂初無聲秋氣入庭除洗塵已謝冰堂酒掃葉重
繙善本書風趣清癯梅較瘦襟懷古澹水爭如浮嵐翠約登臨
去分付輪人製筍輿

耳食名區考漸詳都籃攜取共商量賞奇眼界疑胡賈歌嘯心

期異楚狂懊惱笙簫北里低徊風雨泥橫塘昨游吳門偕唐陶山泛舟石湖

條已年來居士惟耽靜時禮精藍散粟王昨偕程蘊齋黃子芳舍弟意亭游清涼寺

偏覽江山諸勝

昨夜新霜拂柳條鄉心隨雁共迢遙白門秋老愁騎宦京邑塵

紅夢早朝一笑胡盧休鑄錯三年瓠子獨乘輶子自甲戌春頻年防河曹南工

次丙子冬始奉命改官江左幾時尺五容歸去驅馬桑乾古石橋

天許隨園作比鄰草堂寂寞自冬春簡齋先生化去已廿年矣惜未一見名山綯

舊還推謝古井紅溼尙屬陳揮塵論文偕舊雨每晤繼蓮龍方
論竟瓣香接武愛詞人汪白也茂才工詩涼蟬節序香純興慚
詞見寄居隨園愧雲霄早致身

再疊前韻

虛廊桐葉報秋初韜養潛教結習除取不傷廉求作畫文能爲
富借鈔書自烹葵藿心偏嗜人耕園林意不如魚鳥樂觀嫌約
束出門每令屏騎輿

爾雅山經注未詳小窗觀化細斟量寒蛭帶雨聲微澀瘦蝶迎
秋態減狂刈惡褊心芟蔓棘治河餘勇濬陂塘平生射虎龍騰
手收拾閒摹大小王

貪話紅燒燭幾條統如漏鼓隔街遙炊經酌史推前輩鉤黨徵
兵感勝朝觀政何方持簞節息肩邇日駐星軺倚閭敢累慈幃

念侍膳晨昏席奉橋

閉戶青山滿四鄰
畫中花木自長春
迎涼葛帔飄飄舉
隨分魚餐頓頓陳
來日未知焉置我
壯年猶是不如人
芭蘭易腐庸樗
壽第一癡頑自在身

借園雜詠偕宋星浦上舍

瑤作兼懷盧容齋給諫

兒童下學課初停
煙帶茶香隔竹青
雲埽太虛澄不滓
好風吹月上西亭

松宛幢張草似茵
慣攜蠻榼薦時新
春蠟夏荔論滋味
一任旁嗤飲食人

應官聽鼓日紛紛
書梔茶鎗鎖碧雲
一曲青谿幾拳石
朝朝吟賞卻輸君

繭絲保障百無能
置散還如退院僧
六代遺蹤供嘯傲
詩人端

合住金陵

錦雲深處簡編橫
董子書帷少客行
一桁晶簾涼似水
藕花風度讀書聲

數弓地窄占幽偏
掩曖樓陰與水連
風軟波平匳鏡展
釣絲輕拂碧淪漣

鳳尾扶疏窅以深
孤亭遠占碧波心
一痕乾雪向空起
抵掌狂談驚水禽

暫借鷓鴣棲得靜
便往年畚鍤事河堧
賃居歎我依人庶
君又因吾似拊駢

酒醒相與憶心盟
子諒烏臺藉甚名
漕轉青天歸奏績
絳騶應作潞河行

風廊四面敞罍罍
涼浸疏鐙欲夜時
滿耳吟螿秋意味
宜都詞

客最先知

游江天一綫閣和壁間孫淵如韻

石城西畔路迂斜，藍筍延緣水一涯。
夾道笙篳凝翠雨，梯空羃屐帶煙霞。
三秋佳興供游客，六代殘山屬梵家。
滿眼詞鐘羅綺地，廢塍零落麝囊花。

捲空白浪小窗斜，萬綠黏天望少涯。
江影睫邊橫雪練，樓陰榻下散朱霞。
山公嬾入林中侶，瘦可幽尋竹裏家。
誰道吾師本無隱，木犀未破一分花。

偕程蘊齋師黃子芳可齋弟游清涼山登江天一綫閣
朋儕商略領秋光，茶具都籃檢點忙。
白社雋游宜嘯詠，綠天清聽夾松篁。
探奇屐齒滑尤好，引步羣腰遠不妨。
石馬銅駝已陳迹，空山蘭若有蕭梁。

榭葉藤梢引逕遙，鞭催梭翠亂峯椒。疏鐘一杵煙橫閣，密竹千竿暑頓消。畱客殷勤逢道曷，慕人棲遯笑邠超。市聲吹斷天風颭，小坐看經侍者寮。

枕崖閣子架雲層，白鳥行邊遠目凝。嵐氣雨餘青對佛，江光空際淡於僧。畏人心迹遮方麴，覽古襟懷付瘦藤。漫道高寒攀未得，翠微直上我猶能。

淩虛欄檻湧孤亭，周覽瀛壖小八溟。雲氣低連江水白，峯巒近接石城青。臙脂零落迷陳井，瓦礫荒寒失魯靈。六代周唐殷鑑炯，誰誇天塹作藩屏。

溪亭漫興

板屋彎跽影碧潺，清谿暗導玉迴環。竹緣當路容遲翦，窗爲看山每怕關。解印何妨三月住，讀書要補十年閒。論交方外今偏

廣採藥分茶約往還

秋初感懷

昨夜填橋烏鵲忙斜河樓角送微涼竹搖四面客衣綠桂老一枝佛日黃瘦句每于行飯得快游未免著書妨新秋鴻報霜天信江北橫飛字幾行

水上舊有亭閣令僕人埽除爲晏息之所偶偕程蘊齋師黃子芳冷雲岳宋星浦夜話漫題

水上虛亭淨埽除旋排几榻閣琴書幾拳礪硎當門秀雨面果
恩繫舫如坐久廊腰蟾影墮吹來檐角桂香疏明朝擬作山廚
會分付園丁摘蔬蔬

嬉笑談諧宛醉顛興高真欲發天詮菊團雨露花遲好筠耐風
霜節倍堅孟飢墮來君莫惜沈腰瘦到我猶憐時冷生雲岳病起故調之坐

中佳士欣簪盞只盼南皮季重旋

吳淵尊進士未至

老婢

楚腰圍減額消黃靜女偏多老大傷眉樣幾曾隨俗改嫁衣空
自爲人忙慣招嫉妬妝梳儉怕惹猜嫌出處詳不是十年貞乃
字阿侯應已及肩長

石闕深街語向誰短檠坐對意遲遲標梅已是頃筐候鷓鴣愁
看比翼時孤影支離明月共幽懷甸綫繡衾知珍珠盈斛金裁
屋充下陳羞鄭曼姬

新秋城南卽事

節屆孟蘭暑漸蠲閒街社火競喧闐

金陵風俗於七夕後數日門前張鎧設簫鼓奉法華

經作佛會土人名曰社火畫堂巧挽同心髻蕭寺看燒大願船打槳爭尋桃
葉渡踏歌齊唱柘枝顛白門簫鼓迎秋早振觸騎愁一惘然

晚出太平門偶詠

零落龍標想佛奴城闔策府迹全蕪黏天蒲稗秋陰薄猶是當年舊練湖

鍾椒依舊翠雲蒸瓦脫夢橈冒野芳石馬摧殘金雁冷牧兒高唱過山陵

鬢髻參差接短牆煙林那更管興亡鍼拋浮巧閑兒女打槳來

燒十廟香

是日七夕

崇黎密葉障籬樊界斷紅塵遠市喧寫出定林蕭散趣寒花瘦蝶半山園

讀唐書偶題

詩歌名未震長安願老談諧薄峻寒吟到一篇原上草才居天下諒非難

青眼憐才世胃中主司未免誚冬烘藉人門第登龍早僥倖顏
標仗魯公

夜艾人稀露溼衫芙蓉鏡卜聽誦謁蓬門犬吠爭投骨古語分
明協必銜

新進條疏紀會昌勒停局席附門牆杏花空發慈恩晚說到春
游惱贊皇

小亭晏坐用唐劉得仁韻

寥落一孤亭檀欒四照青橋心環半月樹頂露疏星漲落森魚
簷霜寒拂雁翎坐來嫌偏仄鵬化想雲溟

隋興隆寺瓦當硯

有序

余觀察兗州時過隋興隆寺佛殿半圯墮瓦徧榛莽
間愛其陶質澄細可當硯材不數秦中長樂瓦當也

製爲硯函以髹漆題短句以誌之

屏風巖塞紫雲涼
陶硯紛紛鑿瓦當
蕭寺問禪閒拾得
晉祠何必覓香姜

花靑手撫姿猶嫩
麝劑輕磨汁易濡
寶鼎梭騰劍龍化
小窗牘爾伴殘書

一規仁壽搏沙細
媿美文山玉帶生
解得研朱知守黑
石交大可訂心盟

觚棱回憶覆螭頭
零落榛蕪歷幾秋
但得甄陶堅品格
果然離石拜鄉侯

初秋借園述懷廿四韻

庾園閒賦就
龐老索居頻
下位才原拙
高譔興有神
繭蠶愁自縛
蕉鹿夢無因
竹落辭河伯
旄頭遠介臣
昌黎蛟鱷避
司馬螭

蛇曠去魯爭投縞游吳豈爲尊量移 優詔許祖道故交親白
下剛停棹青谿早卜鄰殷勤通慰問出處困適迺節鼓高牙聽
殘書短榻陳米鹽籌乙乙袍笏晏申申得遂棲遲願聊安汗漫
身解裝非綠野乘興卽蘭津日涉多成趣匡居但隱淪小山圓
似甕板閣短于囷紅墮安榴熟香吹老桂辛劇談偕謝偃轟飲
泥陳遵詞賦南朝麗尊爵北海醺真成尋別墅况乃久風塵匏
繫過炎夏鶯遷待好春昔年驄馬使猶是繡衣巡竿木慙如戲
狶膏薄轉輪足恭殊落落落真怯意遼遼軼掌誠何事徒勞說憚
人

秋夜

默坐成癡鈍鐙花自放春睡遲詩過夜視短字欺人瀉露高荷
靜吹香小桂新白門秋漸好買棹約齋鄰

華吉雅

冠

爲余寫照詩以贈之

晉代顧陸工繪事翟陽設色尤絕倫先生變法擅奇技不貌往
古圖今人世人寫真但寫貌梁翰疏庸難逼肖先生寫貌能得
真不惟寫真傳其神毫端信是超流俗活脫風裁豔心目殺粉
調鉛盡屏除白描一味隨心欲雙睛腕底點欲飛三毫頰上添
猶足

高廟南巡曾引見鳳詔傳呼來便殿小臣何幸近依光咫尺
龍顏容覲面敬瞻日表姿超特左右黃門皆動色畫院羣欽
待詔榮馳聲自此無南北金貂許史爭求友屏幃輝光推妙手
平津炙燭約探花金谷遮春招門酒日下論交殊落落瘦策寬
鞵走臺閣得錢買醉與巖豪襜褕依舊垂空橐一言不合惱元
載撇袂長嘯游東海塵中變滅浮雲多三徑歸來松菊改向平

心願時悠悠桂薪珠米添牢愁廿年不作輓紅夢艤榜尋徧江南秋我昔春明驚傾倒白門把臂開懷抱剡谿數尺煩作圖伸紙舒毫勞指爪凝神屏息靜揣摩如戟鬚眉新脫稿捧茶匿笑應門童不問便識主人翁繞膝稚子驚攢指圖中之人是夫子如何意態酷相似丹青擅場有如此無聲畫勝贈題詩襍穢真吾欣見之雖非虎頭燕領飛而食肉相可是翔鸞野鶴秀削超塵姿嗚呼瀛州圖淩煙寫勛著旂常震朝野愧我無聞雨不能但坐看雲恣瀟灑寥落心期識者寡對此能無顏爲赭

雨中過清涼寺

雨三笠屐入清涼隔竹泉聲聽轉忙似夢峯高昏雨氣如塵雁遠入江光乳花香溢茶甌白金粟風飄桂蕊黃聞說瘦權工繪

事

僧墨顛善畫

可能圖出老坡狂

新秋青溪雜興

深深楊柳不知門
楹帖紅綃半露痕
知是夜來秋雨急
荷渠新漲漫籬根

一枝瘦塔矗城南
滅沒雲光影半銜
社火貪看歸較晚
無聲露暗溼秋衫

白蘋葉蔽藏魚滬
水茜紅扶鬪鴨闌
堪笑罟師愛魴鯉
終朝相傍幾曾看
閒摘花枝供膽瓶
靜聞檀味讀心經
小窗拓處都如畫
恰對鍾山一角青

秋霽過宋星浦齋閣用半山訪方秀才韻

秋霖歇連縣霽景媚
朝煦幽尋竹裏館
曲繞巖邊路薜垂生
隱心蘚蔓妨遽步
戶外屨未停書聲出
深樹

詠茉莉花

誰翦瓊葩霧帳熏新涼吹墮月紛紛
颭絲朵碎穿珠似媚夜香幽傍枕聞
脂面有時蒸玉露夢回幾誤認梨雲
素馨小字名難匹冶草初從越嶠分

細纈筠籃製雅工晶毬銀蝶拗玲瓏
低徊粵客田邊雨消受吳娘鬢底風
未合熏衣冰麝共端宜貯茗茝蘭同
荷香鬢子梳偏稱雙貼烏雲粉滴融

和宋星浦感懷詩韻

一棹鱸江發囊書竟枉過秋聲前夜到
鄉夢亂峯多有酒飲須暢無田歸奈何
潛虬媚幽獨坐久出松蘿

又詠茉莉

朱架斜牽翠蔓柔枝枝圓樣玉雕鏤
素心旖旎期深院涼意分

明記小樓南海移來清沁骨炎天開盡不知愁堪憐冰雪鬢華
品吹墮風輪宴娛頭

豈是前身萼綠仙凝酥暝殺小青蓮悄依象簾檀心獨暝破花
房磬口圓霧縠深函涼勝雪湘簾低亞淡於煙珍珠密意無憑
寄芳訊偷將小扇傳

生紫嫣紅意盡消天然皓質韻偏嬌露團嫩蕾擎花市風掠餘
芬度板橋蓬戶誰看薰亦減金閨多買價尤饒折枝圖入荃熙
譜活脫崔徽總白描

送吳澗萼出宰秦中

欣聞注籍下 彤廷柳拂宮袍纔莫停勤牧好登循吏傳縱談
悉本碩儒經河山四塞分猷壯華嶽三峯刺眼青莫改初心修
厥職行看製錦播芳型

夙欽國士品無雙射策明光健筆扛過夏幾經探學海防秋昨
共禦奔瀧廿年心事駒過隙一夕離悵月滿窗喜擢巍科愁遠
別兩般情緒卻難降

嚴鎮曾分駐陝疆關中形勝故能詳氣涵河岳風濤撲地入雍
涼士激昂宿學自來推鮑謝循聲此去邁龔黃運斤小試恢恢
手慙愧哥舒半段槍

髫年回憶共青瑣纔賦驅駒便黯然忽漫相逢驚老境欲期重
晤是何年祖筵酒醞鴛桑落秋圃香遲愛菊斑只盼恩綸移
絳節與君跋馬會秦川

小九華題僧樓

秣陵秋老屬誰收又著寬鞵過石頭涼意獨爲羈客峭清談閒
對野僧幽黏雲帆影青移樹潑雪江光白上樓金粟有情剛綻

蕊天香吹破一襟愁

宗派曹溪許獨攀
齋鐘引客入松關
頻分茶串禪心悅
參到清涼佛意閒
雨勒枝頭花半瘦
泥香杖底草新刪
翠微亭小秋聲大
人在夕陽紅處還

登翠微亭寫望

大聲警欬動星文
謾謾松風傍鳥聞
天本無涯嵐影隔
井甯易畫稻畦分
鱗皴萬瓦煙成海
黛沅鍾椒翠入雲
金粉樓臺睇古畫
指筇下界任紛紜

小樓昨望枌橈羈
松際微茫卽此亭
今日登臨舒遠目
亂峯合沓見眞形
蒼江似帶黏天白
晚稼如雲繞郭青
人到上方觀盡止
漫誇巨眼略滄溟

同懷弟法良校刊

男崇福謹校重刊

抱沖齋詩集卷八

長白 斌良 笠耕

江南量移集三

贈冷雲岳茂才

烜

催人筆札不從容
纔展芸籤意便慵
病起閒身如鶴瘦
靜中鄉思比秋濃
黃金書寄酬空藥
紅友香燒破悶胸
恰喜雁行吹不斷
江南山莫壓重重

閒中

閒中歲月易蹉跎
忽漫吹香到桂柯
耳鑒難名汾鼎贗
心收深記竹書多
律嚴苦束詩無膽
愁重頻教睡有魔
賸得良朋時過我
塵談飛屑愛羊何

示僕

強住神先阻愁窮氣不驕酒杯花裏少囊囊坐中消瘦馬隨聽
鼓飢鷹漫繫絛韓盧爾須效奔走幾嗷嗷

板橋

柳色借溟濛橫陳水閣東雨痕黏屐綠波影聚魚紅荷蓋高難
沒瓜皮近可通闌干如我嬾鎮日臥薰風

竹塢

曲徑萬簣簷蕭森老屋藏無風香益細未雨氣先涼聲夏過絲
竹幽棲老鳳凰絲笳高會處都作綠衣郎

小山

峯巒聊具體乘興晚登臨大可展遐矚因之生隱心長松無曲
榦老桂散秋陰咫尺清涼勝休煩策杖尋

方沼

分得清谿碧低徊玉鏡明
練搖簾影倒縠縐釣絲輕
折葦蜻蜓立幽塘活菰生
風前聞笑語小住舉家清

夜話

非敢矜能口微言要闡揚
如將書簡策都是妙文章
笙簫侵人暖風鐙近水涼
興高驚四壁蟋蟀語深藏

夜坐借園西軒

卑下氣潛通牆根咽暗蟲
窗疏明夜色樹密釀秋風
節近偏多債詩成轉自雄
連朝分胙飽豆掩鼻肩紅

十廟

燕雲百戰著奇功輪奐蟬連報祀隆
耿鄧當年高甲第閭黎此日築蓮宮
王孫白役慙貂尾廢巷烏衣拾馬通
答刺罕裏元右相至今祠宇照泉紅

寫懷

獬豸中朝職鷹鷂萬里心無才恬進退有母慎高深桂老香芬
郁池清月照臨柯亭笛材貴或可遇知音

幼女

髫年憐左蕙穎悟孰能加刺繡雛姬羨哦詩老嫗誇漸詳難識
字不仰最高花可惜虺蜺瑞門楣耀別家
瑩獨庸誰恃娉婷小鳳雛羅衣常自著繡閣少人扶盥早雞升
屋眠遲月滿除護持勞阿父此況向平無

出三山門

絳節何緣駐石頭山王曾說愛清游鵷鸞豈意來青鳥獬豸聞
交到白鷗秋色有情明月滿鍾山無語大江流飄零六代銷金
粉瑣瑣蚍蜉笑未休

地因樓

野犬吠生客山花明早秋雲埋天半塔花擁地因樓蔬筍傳家
儉蒲牢隔院幽笑談皆本色質樸愛堂頭

法界清無滓詩鄰近有家地近客來花底飯僧送雨前茶風遞
天香緩窗連遠岫斜已公茅屋好都作畫圖誇

西崦畱山氣機欄覆井青蒔花由客賞種竹待秋聽雲嬾眠經
榻苔荒上嘯亭地偏人迹罕蠟屐此常停

到此能蠲俗山深總近禪聽松剛入定問樹不知年攜酒偏依
佛參茶信有緣堂畱三過迹句合倚樓傳

七月廿七日蒙

恩簡授蘇松糧道敬成一律

飛來千里 詔書丹 簡在句吳轉漕官四郡雲連輸玉粒

九霄露重降金盤才庸彌惕仔肩鉅
恩渥深虞稱職難砥厲
廉隅勤報國龍驤飛挽上長安

地因樓看晚桂得絕句三首

槿籬曲折繞松岡雲梵訶林佛院藏
觸法妙聞真廣大筍輿十里木犀香

窄堵橫空風鐸搖齋鐘吹度破清寥
草菴地是河涯路僧指雲山話六朝

西風吹上閬峯巔無隱初參鶩子禪
照我光明心境朗金輪水鏡抱秋圓

晚歸隱仙菴偶成

道人喻否吾無隱巖際秋香抱影圓
金粟堆邊駐雙鳥黃冠紫綬總如仙

寂歷空山生隱心
秋煙涼入萬松深
月明正照中峯頂
只少成連一曲琴

澹墨秋山淨有痕
雙燈紅破暮煙昏
一聲犬吠碧桃下
知是仙

源深處村

路經小松源

游隱仙菴贈樸山道士

塵寰聞道有方平
忽領清談四座傾
琴與手忘真靜
泰詩從心悟總空
明元參茅許聯仙籍
狂說山王是後生
知白老聃兼守
黑人間紫府最崢嶸

龍虎雄圖爛石堆

地即勝朝龍盤虎踞里

漫誇金鼎挾風雷
秋生碧落淮

王桂夢醒寒山宰相梅

菴是陶隱君故居舊有古梅一株樸山撥榛莽出之

行樂撥雲花

繞鳥飛觴醉月海爲杯
瀛壖此夕輸吾佚
笑踏清涼待藻回

秋夜

不寐寒更靜，撫時勞遠情。雲陰添夜色，風雨助秋聲。
香裊桂全老，霜嚴菊暗生。虞山最高處，來日好題名。

秋日漫興

秋香雲外淡，逸興比秋高。風色換茸帽，霜華欺緼袍。
大瓢閒貯月，雙屐想題餽。且醉步兵酒，官閒同馬曹。

登隱仙菴山閣

翼然如駕鶴，妙構跨高雯。桂晚香浮閣，松排翠入雲。
江光眾峯隔，秋色半城分。漸會希夷旨，塵喧迴不聞。

人散煙初上，我來秋正中。月高諸品靜，籟寂萬山空。
風趣此時暢，雲霞幾處同。錢唐與白下，城市嶺從隆。

舊築茅茨小，深藏竹裏家。別來三四載，煤著幾枝花。
草木歲時變，江湖鴻雁斜。宦游雖自好，未免憶京華。

何處無明月無如我輩間丹成皆大道心遠卽名山野竹分煙
暝風泉落澗潺杖藜狂特甚接句未知還

小女夜啼竟夕不寐

呱呱啼處夜方厭好夢驚回月半簾三載楮標河上走此聲到
耳忍憎嫌

將由金陵之任廬山偶成二絕句

晚桂開過二番黃蒙茸又促整行裝分明天假清游暇三月看
山住建康

牟融新拜紫泥書賀客紛然詣敝廬酬酢漸多清興減詩才人
爵雨乘除

偕吳澗蓴游小九華

入窗江影微茫白隔竹巒光細碎青斯地斯樓足觀覽兩三屐

笠此常停

繞欄老桂影婆娑前未開花今又過寄語司香金粟使人閒事半誤蹉跎

白下青山半屬僧楞嚴送老一龕鐙笑他閒客渾多事高論興亡指孝陵

季重年來心計贏渭城唱徹意模糊埽空蓮萼秦關迴平遠江

山得似無

澗萼將之
官秦中

客似泉聲去不留新題疥壁記清幽抱城雪浪依城岫界斷秋光古石頭

已公畱客具茶瓜燒筍烹葵藟荻芽門外輿臺莫喧闐給供不到梵王家

繞席雲光鋪似絮排空松翠短於鍼神仙苦恨方壺隔吹度天

香迹莫尋

隱仙菴在清涼山後

題湘圃相國

松筠

小像

災黎如蟻聚荒州上相安輿乞賑畱命繫筆端看盡活春回天
上肯誠求開倉汲黯丹心壯作繪監門雪涕流君實先憂安國
本大江南北聽謠謳

勛名壯歲早圖麟衫履偏撫自在身仁育心源皆正學物無膜
視總天真慈憐鴻雁飢誰哺醉寫熊貔筆入神敬爲相公參轉
語呂端大事敢數陳

之官常熟畱別借園

似尋逆旅卻非衙半載棲遲感物華鍾阜峯盤窺半面戟門鼓
近聽三撾行遲幸甚剛攀桂代早居然未及瓜畱得雪泥鴻爪
迹粉牆醉墨任敲斜

連雲舊第在長安
鞅掌催人穩住難
薪木每教僮僕守
圖書半借友朋看
梁鴻不道貧依廡
老多緣熱愛官行
矣晴淞波一翦
驚唬臨別更盤桓

園中遣興

朱闌曲折板橋長
照影驚看綠鬢蒼
忽悟六文謙最吉
迹雖居下質無妨

閉門自領小篇章
忙減清游學減狂
晚桂秋香開二番
新茶活火試頭綱

纔奉

恩綸便不閒
侵晨說項客當關
預防僮僕苞苴飽
悟到香山秀句間

匡居半載感清寥
楊子無心賦解嘲
今日拜官多雅興
有權詩

命小胥鈔

讀書多識方爲貴考據詞章學不誦上下二千年裏事好畱粉
本作經綸

汗牛充棟如淵海初學愁從何處探自笑百城徒坐擁買書容
易讀書難

雨聲愁聽翦殘荷涼沁疏簾水氣多窗外忽驚魚撥刺一痕鐙
影蘸清波

一雨頻添白袷涼玻璃十頃鑑秋光意行舊識南塘路荷葉收
香桂放香

牽牛花

鉞樓西畔應星辰帶露花明翠點勻笑我貪眠朝起晚蘭堂翠
負曉妝人

枳籬蔓引翠雲涼疑是天孫織錦襄生小芒蘿村裏慣不思承
寵向昭陽

畱別金陵

人閒萬事等風輪來去今朝總夙因

丹詔一封除漕使金陵三月住詩人鶯遷未免空枝戀草碧都
成往迹陳寄語白門諸舊雨行蹤知是隔年春

此去應官手版忙片颿風送下吳閭量移官長如新貴再發花
枝總妙香高興漸隨涼月減離情應共綠波長我大編重來
日非復煙波帶笠狂

贈方仲雲

傳穆孝廉

白門把袂信天緣結習書生尙未捐貧話每過三鼓後嬉游追
憶十年前鼃頭此去行看奪楚尾何時待細聯畱取本來真面

目迂情肯共一官遷

春明耆舊如相問道似梅花瘦不禁豪氣都如秋葉埽世情悟
到大江深衛宏飛挽青天粟楊震甯希暮夜金各自勉旃從此
別輓紅京邸待相尋

夜過大倉山

疏煙圍柳塢夜氣漾波光行過南塘路菰蘆如我長雁聲前渡
冷漁火一星涼振策城西路峯巒半郭藏

購畫

曹衣吳帶論鉤勒蟹爪螭頭說點皴色相中求皆下乘畫禪無
上貴精神

蕭齋寒具怕堆盤北苑南宗次第探白下好山攜不去卷來篋
笥待尋看

庭桂

豈是淮南舊隱淪一枝開到二分新
氣辛扁鵲開籠忌花縹緲
童手摘頻秋老巖邊金爛漫香聞雲外味清醑一痕葉底涼蟾
影看不分明最可人

出白下朝陽門至排頭庵小憩

別思寒山擁晴光半嶺分
幾篁凝綠雨晚稻割黃雲
烏臼經霜變鸞鈴到寺聞
去來彈指頃佛意果何云

律院慈雲護脩廊古樹穿蘋香吹渚靜松影抱峯圓
茶帖參初破心鐙寂不然
遺榮老周續或有打包緣

由白門至京口途中作

金飈吹客欲裝縣暖日村村曬穀天
水國一程初送燕山居八月
尙聞蟬峯含別意層層阻松抱秋心樹樹圓
縱使俊游無限

好幾曾經喚渡江船

舟過丹陽

鼓吹迎賓闕似雷驛亭斜處畫船開牆陰古碣應相笑曾擊詩

囊到此來

前赴吳閶時曾艤棹看夫子延陵季子古篆碑刻

古堞參差壓渡頭魚蝦市艤采菱舟移人習俗真難挽楹帖家
家學夢樓

夜坐偶成

牆根蟲語太分明梧月玲瓏照二更千載功名忙裏誤畢生癡
想靜中生逢場竿木人如戲倚枕邯鄲夢有情悟澈元關通妙
理霜華應讓此心清

無錫道中

九龍脊入碧雲寒瘦塔孤撐法界寬泉味清冷曾早辨山光晴

雨總宜看忙中詩卷多今體座上朋交盡古歡記否櫻桃新入市山廚煮酒共杯盤

白闌門放舟赴任途中作

城隅放艇入菱花望裏虞山翠黛遮涼氣壓湖雙鏡曉櫓聲搖夢一枝斜魚師鷗客都分席風幔茶鎗小作家高致還追趙清獻但攜琴鶴到官衙

晚過十里塘

煙櫓數聲欸乃漁燈幾點微茫振舵忽聞軟語明朝路入盤閭泊舟紅塔灣

秋練平江淨揚旌伐鼓初佩魚平漕政聞雁憶鄉書詩境逐時改宦情隨鬢疏籠中看遠志一出待何如

新秋赴任常熟道中

蒲帆一葉下金閭峯入平江翠黛長水闊魚龍皆得意風高旌
旆盡飛揚敢云劉晏持籌當愧說牟融挽粟強壓浪艨艟銜尾
上吏人橋外正趨鏘

秋夜視事

天儲飛挽事誠難多少蒼生望此官銀燕高張秋夜朗鄭昌律
細當詩看

船中夜

縠帳低垂夜氣清秋燈紅小不勝情夢回欵乃一聲櫓知是客
船深夜行

鈍根打破舊頑癡抹月批風任所之信手拈來皆妙諦寫生畫
筆性靈詩

北轍南檣任地宜扁舟畢竟勝輪蹄起居安穩如家裏已過虞

山九曲溪

去年今日困河埂撲撲塵埃上馬韉不料橙黃好時節吳娃鏡裏泛湖船

畫塘晚泊

瘦鴉疏柳暮煙皴小幃維摩畫裏神兩岸涼蛩半帆月秋聲秋色總宜人
幾點漁莊夕照侵鏡奩展處宕秋心偶然舫掠菰蘆響驚起圓沙兩睡禽

虎邱

清波如耐錦裁帆鐙底笙歌夜正酣欲借文通夢花管細調金粉畫江南

自閭門放舟下塘一路漁村晻曖清蒨芊緜湖光山色

招游空外因酬以詩

湖山同一碧螺翠鏡中懸柳瘦多殘照蒲荒捲暮煙魚情依水
樂鷗夢抱沙圓詩思如秋澹閒吟獨扣舷

同懷弟法良校刊

男崇福謹校重刊

抱冲齋詩集卷九

長白 斌良 笠耕

句吳轉漕集一

履任虞山館於學山書院朝夕散步頗得靜趣漫成六首

天外一亭敞霞光四照通叢篁盤徑綠疏樹飽霜紅秋色滿城
雨鈴聲半塔風蕙蕤添逸興小陸下江東
禮佛歸來早青鞋趁意行雨深涼有骨秋老樹無聲詩好煩胥
寫茶香約友評兩湖雙鏡拓著眼愛空明
讀書懷帝子臺坵尙蕭梁選體空千古齋心禮瓣香鵝湖延講
席馬鬣擁秋岡余意真何託黏天草樹蒼

心迹都如水園坳只學山經聲琳閣閉

院卽李王宮

花氣石壇閑桂

老黃金粟萍滋碧玉環仙凡爭尺寸門外即塵寰

檐桷數峯暝綵笳萬雀喧天倪如有得妙契總無言試茗知泉
味題詩認蘚痕歸途屏鐙火新月照黃昏

小院晴光轉虛堂雨氣刪奇雲散書榻雪浪湧盆山鳳子穿花
靜芻尼噪樹閒殘陽靄西郭接句未知還

重九日游學山園中峰

園丁奔走宛驚塵踏蘚捫蘿到上方教埽紅泥小亭子爲看明
鏡兩湖光黃花不稱冠纓燦白酒能搪石骨涼最好玲瓏雙塔
鐸秋雲相對語郎當

萍梗年來鮮定蹤題餽豈意在辛峯宦情半似秋陰薄鄉思都
如積翠濃吾谷霜酣楓葉醉人家煙靄暮寒衝日臨公館林巒
闕何處登高累短筇

九日雨中喜吳澗尊馮花橋見訪卽畱登虞山

鏗然雙屐破蒼苔一笑張筵醉菊杯
好友喜兼涼雨至奇峯鸞似越江來
野王身世香尊興季子聲華美錦才
畢竟未除儒士氣登臨先上讀書臺

重九後三日送吳澗尊明府之官陝中

行蹤宛似霜前雁欲去長空復小畱
投老別驚雙鬢雪服官清到一襟秋
詩題盤豆蒼涼驛夢繞青杉浩蕩舟
品格端凝彝鼎器操持切莫學時流

窗鐙迴憶共氍毹寒纔唱驪歌感萬端
雞口漫嗟官秩小羊腸須識世途難
高情吳郡尊千里離緒秦關路百盤
別語官箴君記取庶民好當子孫看

曉起偶成

萬家酣睡柝聲寒寂歷空林夜露團只恐南沙星影動樹頭珍
重幾回看

游虞山最深處

佳境漸能歷清游啖蔗然煙林穿窄堵落葉覆蒙泉蒼翠苔紋
幻丹黃畫本全狂歌類山簡倒著接羅旋

題游文書院

道脈千年聚煙嵐半郭分桂巖幽仃月竹隲靜藏雲白鹿何時
闢青詞隔壁聞

李王宮近隔一堵時間步虛聲

康成嗟不見書帶碧紛紛

仰止前賢渺吾儒道在茲古苔封馬鬣

院後卽子墓游夫子墓

時雨列皋比

地秀人文蔚山靈灌木知我來持觴節教養責奚辭

虞山晚歸

嬾雲如絮鳥邊橫薛磴盤螺曲折行冒雨歸來深竹裏不沾細

點但聞聲

假館學山書院

面崦一亭敞窗虛曉色妍山雲隨磴曲灌木抱秋圓泉脈潭心聚松根石罅穿文人脩業地白鹿迹同傳
邛詵一枝桂王猷千竹林講堂停使節夏屋養秋心嵐靄衣裳潤苔香洞壑陰蕭梁賢帝子臺古悵幽尋

秋日登學山園後峯

僂僂摳衣上梯空到翠微偶然尋別墅正好閉荆扉雨歇峯研黛霜酣樹賜緋煙林數聲鳥似喚客無歸

虞山雙桂軒

山之幽兮桂爲堂罽罽四照通花光木樨幾株鑄金粟篤耨八月薰濃香雪甌沸乳嘗嫩白雲鵲耀魄宜昏黃道人胷中直無

隱瓊枝開落蓬壺長

白下隱仙庵老桂最茂道士樸山嘗招游

虞山意行偶題

屋後名山如好友閉門常與我周旋
秋吟石壁詩痕瘦禪在虛空塔影圓
漕使庭花紛散粟寒天雲物亦披縣
謝公東墅應輸此暮雀喧林當管絃

寄懷吳澗尊明府并遲馮柳東

登府茂才

扁舟吳質去繾綣動人思陳榻空懸待
曹倉孰析疑雨聲涼葉院花氣晚香籬
記取寒梅放還來醉酒卮

小陸江東雋相招今未來柴荆惟鳥雀
軒砌只莓苔書重裁新麓朋多數舉杯
虞山泉土沃芸草好移栽

柳東有種芸仙館

登紫薇亭

落葉聲疑雨晴煙羃似紗薇亭依壁峭
竹徑入雲斜石磴敲新

火蒙泉煮嫩茶不緣官鼓鬧真箇是山家

常熟至閶門途中卽目

比屋魚塘跨斜窗水氣連青泥陶瓦市白板送租船雲捲禾新
穫霜酣榭欲然吳妝儉時世插鬢菊花圓

喜馮柳東至

聲華欽藉甚鳳舉愜余衷投刺心旌暢研經腹笥融山王雙屐
倒李郭一舟同晴翦吳淞碧西南任好風

吳門舟夜

向晚篷窗作比鄰傭奴販負共相親無邊宦海風濤壯珍重扁
舟換舵人

拂水山莊

江總歸來白髮新劫灰餘燼戀無因風騷壇坫三朝重金粉河

山半壁陳貂珥苦思推輔座蛾眉甘讓作完人孝陵銅狄苔花
冷詞客空吟舊院春

水天閒話感滄桑猶賸交情憶孟陽淚化絳雲花躑躅詩題紅
豆樹荒涼彥回有壽甯爲福庾信多才恐不祥禪悅簡棲聊自
慰東風愁煞柳枝娘

樊榭山房集載桑弢甫買元人百家詩中夾小箋云云
蓋故家才婦以貧鬻書者尾書陳氏坤維惜不詳其
里居顛末讀之有感因馮柳東繪像徵詩遂用其韻
率題一律

慧福緣慳信可知薛綈零落斷腸詩烏衣舊第王孫感黃絹新
詞幼婦悲疊恥蘭綺勞計畫書淫桂闥亦情癡近拈好向東家
問振觸殘編脫手時

齋中白山茶妍媚可賞爰題一律邀諸社友詠之

丹砂鶴頂漫摩揩
縣裏兜羅散小齋
涼雪一規春漸老
寶珠無價韻偏佳
頭銜常共青山領
氣味端宜玉茗偕
不數蓀谿脂粉塔
風軒白戰暢詩懷

余初至常熟陰雨兼旬時晚稻新刈未獲登場實粒多
損心切憂之率常熟昭文劉杜二大令設壇致禱於
虞山越三日晴霽誌喜

十月之交歲丁丑初持影節來辛峯天瓢挹注銀索挂愁霖霖
霖千邨同月額不已至騎月產蛙沈竈愁陰濃雨無其極傷我
稼秋田禽饗充飢隴場圃早築鯪鯉占碌碡罷碾莓苔封倉箱
積穀畏朽敗晴雲盼斷長橋虹溼雲靉靄艱一暴如京稼枉堆
崇墉登場穰稴腐草化麀牙霉發長腰蟲不聞耒板響博祿怕

對檐溜鳴淙淙適日節已屆小雪天地閉蟄藏魚龍云胡氣薄
作涼雨陰蜃滋長時霾雪雨暘愆隱政紕繆伊誰之咎憂心忡
致齋告祭爲民瘼冠蓋雜趑趄靈宮握衣納陛揚虎拜鼗篥節
奏應其躬相烏竿驗轉旗角噫唏西北吹涼風魚鱗埽盡太虛
滓銅鉦挂起扶桑紅快晴父老走相告黃縣獻暴茅檐東余時
感歎喜且思帝座呼吸通鴻濛憶昨防秋駐河上洒沈竹落奔
流洪金隄一線萬命共人與波浪相排衝瓣香虔禮叩河伯馬
銜徙宅鮫潛蹤狂瀾迴挽在俄頃其魚幸免勞神工今年積潦
浸春麥苦漏往往愁山農社齋三日繡衣降倉水夢值頭白翁
芻尼屋角報霽景一輪穀洗青磨銅廣育萬物是真宰愛人禦
侮明且公肅然祈請輒響應精靈奚事能潛通至誠上格我何
敢彼蒼或者憐愚忠伸眉色喜示左右仁聽穀稔歌元豐

無錫道中望惠山和吳穀人先生韻

連卷九龍脊雙皆忽遮斷
窳堵銳如錐雲陰穎脫半
鐘鳴僧蚤歸煙高社初散
水鷺嫺於客拳足睡沙岸

自入江南庖人每日必烹鮮以進漫題

銀刀斫鱸柳絲長錯落堆
槃匕箸香北豸南鱸分品
類春蠶秋蠹費評量高歌
彈鋏賓筵少洞腹求書旅
思償日鑒侯鯖慙肉食擊
鮮無久溷廚娘

姑蘇舟次書懷

帶緩裘輕擁笏魚宦情甯
共早梅疏江清建業移牙
纛花發河陽奉版輿馬北
有時嘶勁草雁南無計達
鄉書觚棱日下依光近枉
道承明厭舊廬

和柳東楓橋夜泊

溼煙痠柳接旗亭邪許聲喧畫鷁停遠火透來些點赤亂峯睡
去幾堆青汀漁戽馬豈同夢下若中之忌獨醒最惜橙黃好時
節漏天鎮日怕零零

金閨咫尺舊名亭暫避喧囂彼岸停霜冪疏鐘前渡白雨涼官
燭半窗青綺羅吳會風猶襲蕭鼓樊樓夢未醒自笑王晞戀簪
紱累佗張緒感飄零

官塘書卽目

楓橋南下水雲昏狹比瞿塘競一門風勁峭帆收有力波柔枝
櫓劃無痕湖樓慢度章娘曲山寺寒驚旅客魂誰倩耕煙老居
士折蘆髡柳繪漁村

和柳東重至錫山

繞榻叢書落葉堆次公狂藉竹根杯金焦暖翠虹橋月不負囊

琴放棹來

秀嶂街寒夜正中倚絃清夢伴鳬翁明朝酒醒青山遠
螭窗銜海日紅

和柳東蒜山詠古

刻露巉巖一朵蒼天寒沙澈接雲黃山椒可有閒田地
僦寓思

尋開士堂

蒜山地屬金山東坡嘗欲僦居於此見與金山長老詩

周郎計算關山蒼鐵甕雄城帶草黃擊碎唾壺歌慷慨
中年歲

月去堂堂

蒜山周瑜拒曹日向山前計算軍事故名後誤算爲蒜

和柳東京口懷古

飄零風葉憶南朝騷客騷情玉佩要東海鯨翻迎曉日
中冷龍吼走寒潮水犀雄鎮三千甲煙月臨江廿四橋
橫槩由來開府地寄奴宮殿莽蕭蕭

錫山道中

寒山鐘隔凍雲重報謁無人詠獨工江路早梅迎驛使水村殘
荻對鳬翁開尊彥集東南美挂席檣飛西北風欲訪松陵老居
士簡書鎮日迫恩恩時擬訪小峴侍郎不果

毘陵舟中邀蔣于野冷雲岳馮柳東夜話

沙棠團坐兩三人朋輩呼鎧醉麴春恰喜長年依舫靜怕聞候
吏報關頻行攜琴鶴官尤韻助有江山句便神煙外九龍探未
得竹鑪孤負石泉新

丹陽築壩舍舟由陸晚至京口

奔牛五斗積河淤又促星軺走乘車寒醞好沽京口酒江清甯
食武昌魚研山零落無遺墨琴水迢遙有寄書孤迴客心愁北
望凍雲煙霽接南徐

曉發京口

雁足徹檠火雞籌報曉天篷霜侵被峭塔鐸墮風圓凍雨夜驚
夢寒江人泊船篙師報潮長放溜下蒼煙

海岳庵

寶晉當年畱笏地絳紗忽換讀書堂寺連甘露南朝舊簾卷浮
嵐北固蒼天馬只今傳古墨痠雲何處拜元章我來閒覓樵人
語踏徧斜陽徑草黃

京口渡江欲登金山不果

魏瓠誰剖作大尊文霞杯貯蒼溟窄寒江十月天地閉灩澦盤
盪老蛟擲竭來鼓楫下京口艤幢十幅飛蒲席北固黝然昏似
睡青眼天邊看行役螺丸翠點指浮玉樓觀盤紆壓山脊顛風
倒吹九子鈴濁浪橫噴一拳石紺閣雲中鶩鐵鳳松牌岸側連

星驛妙高咫尺未能登泉壑虛傳具癡癖空攜木上座同行鶩
子難參入林僻忘言老衲笑默然使君何事相促迫有約鐙龕
證玉版伊蒲正待炊香積寶帶曾輸長帽翁快劒脣鋒可猶昔
斯王戰鼓化濤音鼉吼鯨吟走潮汐塵埃我自苦束縛欲履巉
巖一輦隔缺瓜出沒掀波來感彼菩提贈靈液辯才知我悅禪
味百丈銅瓶汲寒碧洗毛伐髓濯塵垢頓覺清風生肘腋吾生
游戲等浮漚萬頃銀濤界天白馮夷擊鼓禺强抃破浪乘風景
初夕儻焉瓜步卸征帆雪沫鱗皴擁沙磧漁莊蟹舍紛滿眼江
北江南總游屐訶林寸莛墮蒲牢埽塔皈依梵天宅

渡江不數
里卽高明
寺

望金山

浮圖森砥柱翠點一丸螺樓觀梯空小波濤占地多魚鳴振林

莽龍棹護盤渦挂席神先王中流擊楫歌

由京口渡江風雨中彌望諸山隱鱗天表大江東下寒
波際天前詩未盡作此寄意

船頭長年撾鼓鳴前艙忽報寒潮生揚帆捩柁待不發祇謁河
伯通精誠辦香寸炷薦酒脯旗腳喜聽舒舒聲連檣銜尾宛魚
貫紅版載入風葉輕蛟龍閉蟄波宮息韡紋細疊玻璃明是時
寒雨黯江滸一丸鐵甕迷孤城魚鱗萬瓦簇山麓炊煙濛瀟交
相縈峯腰宛轉抱若躡夢橈高矗飛朱甍林莽翳樹沒骨模
糊一片蒼嵐橫金輪凌漢盤老鶴勢壓浮玉尤崢嶸鉤勒金碧
渲粉墨畫圖淺縹緲關荆蜃窗漸與山寺遠耳觀彷彿鐘魚鏗
岷峨直下走萬里銀濤如綫雙厓爭東南大地待媯補目隨鳥
斷窮滄瀛征帆歷亂鴉點墨天浮一色長冥清年來奔走厭塵

塊垂魚擁笏矜光榮豈知六鑿暗相攘高梁麴蘖麀心兵登州
判事子瞻子曾觀海市驅鯤鯨我今議政下江北樓船飛度波
鏡平倚篷穩坐如天上江豚辟易漚不驚鬼神豈暇爲呵護造
化或者憐蚩氓豚魚信孚尙感格而我況乃承簪纓今夜蕪城
甕檣榜片語請質諸公卿莫希王弼見何晏辭無然諾心忤忤

瓜口潮落舟阻不前易小艇至高明寺登塔頂歷覽諸
勝寺中屋宇多圯主僧悟成謀于鹺賈釀金落之余

有感焉賦此

潮落寒沫江壅沙沿流詰曲如靈蛇巍峨大舩行不得襍琴敦
喚輕舟划訶林深處湧塔院枯禪老木嘯昏鴉菩提忽見宰官
相高擎手版聲無譁羯磨約我半日坐鉤婆旋瀹花資茶竭來
虔禮導埽塔唄匿頂祝鉢特花脩羅雲者綴珠珞鄔波斯迦垂

鬢髮乘燭偃僂一僧導螺梯盤盡窮高遐初行黝黹疑地窟光
明忽見登仙楂長空練淨與天接紆迴屏障青山遮芋田蔬稜
閒茅屋界畫方鄴錯犬牙昂頭天外人影短繞舄側翅翔鵝駕
霞蒸朱楯雲表麗采繒鐵鳳空中擎檣竿百尺俯首見紅旗獵
獵西風斜荆揚淮海煙幾點睥睨隱約吹霜笳目窮千里望不
及須彌一粟何爭差暫收遠睇近散步房頭鱗屋排蜂衙畫梁
泥污巢燕子鉤砌苔繡盤牛蝸年深風雨暗剝落壞牆棘蔓縈
鬢髮千間廣廈仗佛庇洛陽裘竟輸袈裟檀越幸值老嗟估金
錢慣施空王家板築登登鋸霍霍琳宮紺宇兼飾華金碧絢發
改舊觀鑲子挂壁詩籠紗我聞先哲垂古訓不作無益崇豪奢
頻年下邳困積潦飢驅黎庶如奔麋瀕河破屋魚鼈占仰天露
處勞咨嗟

聖人宵旰念民瘼，蠲庸發粟恩優加。何不推廣澤，湛澌汙邪祝。
使堆滿車稍分餘，潤澤蔀屋猶愈木。石徒矜誇從來儒，釋理一
貫經詰內典同。搔爬富伽卽是胞，與量危微不啻聚頂華。具大
願力度雨眾，醍醐灌漑資楞伽。予意云何問初祖，低眉領首疑
吁呀。妙行客子本無住，篙師門外催輕艤。語罷長揖挂席去，隱
隱猶聞粥鼓撾。

厚庵齋使

阿克當阿

招飲恩恩解纜未及款，洽賦此代

簡

北上蕪城雲水寬，使君約我作去盤桓。水天白舫催官鼓，煙月
紅橋夢畫闌。心計渭城歌未暇，吟懷梅閣賞尤難。媿非折簡相
招客，翌日銜杯再罄歡。

揚關感賦

歌吹揚州路嚴關鎮水門韜韞無暴禦貨殖儼雲屯委吏黽黽
黠臧奚虎豹蹲紛紛南北客到此暗離魂

過邵伯湖

寒林森似帚空際埽魚雲地角平湖接灘校激浪分畧師看雜
沓螺子少氤氲古埭畱棠蔭高風不可聞

邵伯埭懷謝太傅

紆迴古埭接湖堧棠蔭高風謝傅傳自有功名收豎子何妨絲
竹樂中年八公草木驚心獨別墅楸枰恨局偏煙水步邱迷處
所州人耕作半犁田

邵伯舟次遣興用蘇集出都來陳所乘船上有題小詩
八首韻

舵樓齊盥梁晚宿謝公浦詰旦待石尤征帆散如雨

神游漫出戶意釣莫黏餌一室觀九州吾道亦如是
雨溼村路黑遠火入煙微柴門聽剝啄應是賣魚歸
罟師水爲家蘆中一舟漾曉起見鳧汀南湖落寒漲
三十六陂水連環灣復灣儂家畫眉拙湖上少青山
五勝埋香骨金膏湧劒池崆峒有山鬼伸掌大于箕
采采橫塘水袖卷秋痕綠舫邊婉孌娘慣唱玲瓏曲
聞道漁灣古樵青伴志和披蓑臥明月鷗夢入煙波

弔露筋祠

貞操明雪驚毒螫困雷蠱一夕嗟消骨千秋說露筋并寒波自

定

祠前有古井

湖靜日初曛義烈蜩蟻匹靈旗冷殿雲

連日風阻水逆舟進甚艱自朝至暮僅三十里許偕柳
東雲岳二客步入祠宇禱於神翼日風色大利行百

七十餘里喜而有作

獵獵寒風驚刺面
舟子拏篙與波戰
黃頭牽輓儼魚麗
萬斛艤艫引一綫
寅哥坐呼行不得
彷彿鹽車逐鞅轡
卅里郵程鎮日行
纜解烹微到曉晏
深衣兀坐黼黻同
凍墨冰澌弄詩硯
柳條蕭瑟掠篷窗
蒲稗因依隱金堰
綽闔猛覩貞應祠
颯爽靈旗飄古殿
維舟致禱水仙王
手掬寒泉溪藻薦
回頭候訝風色移
滿耳舒舒旗角轉
瞥過亭堠復雙頃
刻還經兩邦縣
昔日坎壈今順迪
泰否相乘有時變
長年色喜快臨風
飛揚頗動比鄰羨
我亦曾經上瀨難
寄語舟人漫矜衒
去舫連翩來棹遲
造物無私難共便
傲幸乘幾事偶然
未必天公獨汝眷
明朝放溜抵淮陰
突兀高臺眼中見
版圖高蹴浪花圓
百里清淮如抹電

高郵舟次書懷和東坡臘日游孤山韻

邵伯埭寶社湖漁村晻曖看有無
岼嶺古堰水犀鎮菁黑蔓棘
寒禽呼丁年游宦別妻孥
荆豔楚舞鮮晏娛漫說牟融工挽漕
黃金挂肘腰朱紆嚴助敢厭承明廬
皇華鞅掌愁羈孤千鈞盤
石力莫轉政難速效同蘆蒲鬚戟張愧丈夫與官進退白日
晡暈錯漫著貴粟論監門曾繪流民圖我才不智亦不愚浮生
周蜨醒蘧蘧簿書堆案儼積逋壺盧依樣慙重摹

寶應道中效東坡體

使君虛舟妙不繫羈懷更比清淮長短布久累周伯況硬黃愛
撫趙子昂寶應已泊青草渡步邱目斷蒼松岡漁標蟹斷紛莫
數橈頭出沒煙茫茫

淮南感興

孤裘衣魯詠蒙茸帆力難回舶趨風駕浪鼉鼉騰地軸乘時維

犬入雲中李牛搆難誰非是廉藺寅恭少異同我自抱神心似
水不須驚怪坐書空

泊舟寶應寫懷用東坡將至渦口遇風畱宿韻

凍雲卷墨雅煦影弄晴快轉漕萬艘歸長淮淨無隘發寒莫
禦崑崙供一喂山肩免粟粟波心息澎湃鄙性本蓬直扶豈藉
營蒯天馬坐命宮鞅掌咄可怪國事苟有濟沐櫛我何噫丁年
血氣充鬪勇懷剛戒

朝發寶應晚泊露筋祠

九堦導淮獲渦水神庾疏濬由桐柏湯湯三十六陂連斷鰲翻
怪塵寰窄黏天岸遠煙薺蒼卷地颿狂浪花白草色嚴霜古堰
深蘆梢晴雪遙灘積貞應祠前凍鼓撾舟子披裘待晚汐簪社
光騰老蚌驚晶毬一顆波心擲

泊舟邵伯湖晨起有憶用東坡鹽官部役戲呈同事兼寄陳述古韻

珠湖鱗發魚負冰涼風翦波健有稜當關喜鮮報謁客高眠布被憎晨興颼颼野吹吼窗縫燄火光微照征夢香焚齋舫讀楚騷簫吹璇閨憶秦弄王事靡盬我獨勞雪鑪去歲記炮羔蕪城簪盞幸不遠檣竿風颭帆裙軟

邵伯舟次邀柳東煮酒夜話論唐宋諸名家得失用東坡韻

茶聲瓦鼎蚓號細五紵裘薄船窗閉斜行凍墨老雅塗伏案舒毫穿短袂簿書堆積諾纔僉潤城欲唱何心計聯吟過我愛野王白雪詞工妙難繼髡奴行炙鬚虎須短童捧爵垂雲髻卽時且醉玉崑崙不要詩名傳後世

雪霽由京口至三茅途中卽目

烘晴日暖雪初融
高捲障泥控玉驄
旆粉童山界天白
蒸霞佛閣照江紅
鞅塵此日歌行邁
鳳撥誰家酒正中
豈不懷歸王事迫
凍梅荒驛曉寒衝

十一月廿四日凌江閣夜坐和放翁冬日出游韻

樓迴肩生粟窗虛硯結冰
臥僵蠶瑟縮采烈鳳騫騰
壯也人誰及時哉我未乘
功名鮎上竹遭際葛攀藤
海嶽尋遺石蕭梁弔廢陵
驛亭愁聽鼓梅市近燒鐙
雲對無心客龜依有髮僧
霜真偕鬢白政與日俱增
守道甯無惑移風惜未能
狂希步兵阮椎髻任髭髻

西津第一觀晚眺贈鶴亭道士

鸞跼閣子枕松岡
老桂扶疏翠繖張
潑雪江光上窗白
滲金沙

澈界天黃焦山恰怪迴峯障海嶽遙連瘦石荒聞說道人工鐵
笛可能吹下碧鸞翔

秀峯庵

寒峯屏障圍茅茨野而秀鬢髻扶留盤偃蹇一松瘦老衲雪眉
龐耳鉢青蓮呪我擬喫茶禪滌淨五濁垢妙明心忽生林罅江
光漏

蕭爽閣閒眺用放翁寓居小庵韻

傳舍厭喧囂山樓暫假館門前雙樹圓雲柯散如繖道人支筇
迎竹扉不待款巖檜皴龍鱗砌石壘鵝卵中央層構精江山一
窗管雲沈竹薦涼曦高紙格暖縱橫几榻排位置頗中窾東南
名士多題識四壁滿畫派摹倪迂詩章敵李短此地足棲遲乳
花沈雪枕

東南漢浮玉盤空矗樓館塔影擁清漢金輪挂珠繖欲游屢未
果客負辯才款披襟喜晴霽嵐光色凝卯頓覺眼界超平生豹
窺管江驛柳絲黃晴烘冬日暖洪波擊灘脣奇雲透崖歎趁渡
客舟多帆裙挂風滿黏天海色蒼隔岸樹影短塵襟滌何由一
吸茗香椀

辛夷館再疊前韻

精廬寺西偏顏曰辛夷館宛入妙香國辟支張白繖江上玩花
人攜榼不須款瓊珠粗於饗蓓蕾圓比卵清祕似木天卓然萬
玉管想像暮春時蜂蝶喧晝暖蒲草碧髮細鬢髻掩石窾中庭
僅方丈涼陰四照滿不知林蘭高翻怪粉牆短明月瑤華空色
照琉璃椀

偕冷雲岳黃子芳登西津觀復尋海嶽庵遺址歸舟消

寒復疊前韻

咫尺海嶽庵米顛昔曾館硯山久零落奇峯化雲繖從游偕二
客交深意懇款金鬻煮蝦菜盤飮炙雞卵醉倒玉崑崙閉門百
不管頻年鞅掌困坐席不暇暖靜對澄江鮮差勝土室窹羈展
兩三輩漫羨朱履滿人笑參軍蠻公喜主簿短寒夜酒當茶蒲
萄斟七椀

由京口登陸晚至丹陽

江南氣候暖臘月天微寒珍裘頗厭重白袷甯嫌單路經京口
驛水涸收狂瀾弭楫循征途鞅掌勞粗官延緣繞町疇結曲蛇
蚓蟠泥融麥秀茁霜卷荷葉乾晴光滿菰蒲涼絮黏征鞍憶行
漫河道瞥眼三年殘

漫河屬直隸景州境余觀察兗沂時路經其處有荒蘆夾岸飛殘雪晴柳當門綰夕

陽之句茲行丹陽道中風景相似回憶舊游不禁慨然

轉漕走江左北斗經闌干浮生幾

剎那來往蟻磨盤輪躑歲月擲撫時成慨歎路轉略約橫一綫
漣流湍魚鱗盪萬瓦指點村落園薈蔚林樾深微茫露檣竿因
事偶有悟知足心良難昨朝駕輕舟几榻殊便安酒殘三雅角
棋局中心彈相將兩羣屐徙倚染文翰猶希大廈庇頗厭沙棠
攢今日侵晨駕駟輜如彈丸風簾觸雙膝危坐腰脊酸偶然欠
伸起興夫驚蹢躅不緣筍與隘焉知瓜皮寬人生如寄耳所適
貴達觀向夕登鸞轉覺意興歡波聲靜搖夢枝櫓鳴菰灘銅
鉦挂高樹驛路臨金壇

金壇道中述懷

余意浩莫窮余詩吟不竭譬如車縲絲纏縣遞掀揭信宿丹陽
驛奔牛聽滂淖明發指金壇風物猶清越草寒霜未晞徑暖日
初暝輕冰薄於紙蘆錐銳穎突密篠雜長松掩映屋脊沒稻隴

曲蚓盤町曠繞渠塙烘晴冬日暖野馬鬱滃勃村盡小橋見狶
簽絡殘碣身世託勞薪執掌鮮休歇憶昨郎官待漏擁文笏
韉底踏霜影虬鐘聽撞捽孔翠颭天風貂裘糝涼月自別承明
廬蟾魄三胸臍回首五雲高魂夢眷京闕今秋拜新綸轉漕旌
子子起處差安便心期逾劣拙東南財賦地糧糗逾楚浙軍丁
夙跋扈漕記亦蒼鶻論錢不貴粟閭閻畏掘捐濟之以寬猛律
之以賞罰庶幾稍斂戢或免恣貪悖糝糠勤簸揚子粒細舂甌
飛挽上青天萬艘輪相及早達丁沽水天庾堆峯岼政繁勞
計籌才短形竭蹶劉牟何敢希簿書聊攷核頽俗期力挽砥礪
常刻骨講論日孜孜疇咨恆矻矻飲水尋口吻食肉鄙肥脂竟
夕枕不安孔憂心結惛

恩深責尤重報稱敢情忽自求爲可知慚愧濫朝謁予豈不懷

歸簡書曰偈卒寄語故園人慎勿厭藜藿

金壇道中用放翁韻

叢篠低於屋荒蘆密掩庵牛欄風自閉燕麥綠初酣傳舍經誰記方言久漸諳宦游論景物清舊數江南

行抵珥邨飯於張氏園林率題

水屋疏楊底懸知處士家案書翻楚些旅食飯胡麻冰合樹收影霜清蘆作花驛亭春意透寒破凍梅斜

漫興

竊祿誠何補行吟且自娛蹠涔隨處印雅點入空無優仕亦如學公餘肯廢書怪他鄉思切每飯饜鱸

十一月廿九日自金壇勘倉畢仍回丹陽舟次疊放翁

冬日出游韻

江樓銜曙色小港試輕冰忍凍輿臺慢衝風隼旗騰籃輿隨處
借畫舸不時乘井塌黏乾蘚松敲絡瘦藤行吟憐許渾挂劍感
延陵小市爭輸粟閒街未翦鐙輪蹄羈旅客粥飯在家僧鬢雪
隨時改梅魂入夢增保身惟守默伐性忌多能漫學陽阿放扁
舟散髮髻

丹陽舟次懷友

次公歆糟醕謝公樂絲竹所志各不同要在敦好夙余生樂閒
靜寄情古圖軸識字等蟬魚期不負此腹蛾眉共蟻綠屏棄兩
無欲詩吟杜浣花書法韓擇木匡居弄柔翰朋簪待著卜于野
東南彥聲華齊二陸襍琴過舫齋盃酒相追逐東陽作詩癢未
寒先瑟縮絮裹小鑪溫鎮日手親掬美疢共春生深恩一陽復
長嘯歸蘇門僵眠雪中屋

蔣于野因染微疢長至前還蘇靜攝

更有馮柳東丰裁

皎如玉人物少臧否淡對神靜穆新詞闢蘭畹佳構動盈幅瀟
灑縫掖青文名滿鄉塾負米歸禾中禦冬謀旨蓄柳東緣歲事迫歸嘉禾
良友忽參商十寒纔一暴譬如盲叟行踽步防顛覆又如輔車
依雙輪賸隻轂鄙吝愁復生孤陋感幽獨緬昔蒙莊言好學乃
爲福萬卷益胸中伸毫自神速江山助靈秀咀吐猶醲郁頻年
走鞅掌勘讎勞案牘嫻嫻有 賜書未暇靜披讀潛心摘章句
愧未焚籬蹴騷壇敢主持聊醫熱官俗差擬記里鼓所歷皆在
目螺聳海門山雪挂楞伽瀑會須暢襟懷塵網解縛束高唱白
雪吟驚破寒江綠寄語二三子歸來伴幽躅官閣凍梅邊杭香
飽佛粥

舟至宜興荆溪李梁二大令言汎湖風浪湍激未可竟
渡肩輿歷村落間畦逕窄狹多阻向夕抵澱塘橋小

憩茆庵中復登舟發溧陽自念年來鞅掌靡盬誠何
補於政治悵然有作

平生雲夢吞八九江淮海濱窮遐探荆宜脈絡包震澤雙沈匳
展魚波涵韡紋萬頃接圓蓋蒼葭吹雪花毳毳舴艋出沒小於
葉檣杆撐矗纖如簪羣玉蜿蜒峯浣粉短薺薺翳煙抱藍女牆
櫛比擁樓觀古縣掩映溪山南臨深時懷巨川戒肯歷險阻游
江潭勞徠懇款二長相爲我傭覓青筠籃暫拋畫鷁走湖渚裘
褐冷沁霜天嵐狂飈瘴發負嵎虎幘帷瑟縮僵眠蠶迴紆犂确
走香篆陰森營壘盤石枏畧約如帶狹而峻關蟄傾圮苔鬢鬚
眼花落井恐失足危若朽索維奔驂石梁恍惚陟雁宕輿臺審
步勞眈眈濟川幸免簸澎湃入窻亦復驚訝冷天寒行役冒霜
雪賢勞共說余何堪地偏父老拜旌子杖鳩驂篠來丁男體鮮

襦袴面菜色撫字久乏心懷慚買田陽羨本素志我今晝餅嗤
虛譚主恩未報敢歸去紆朱擁笏非饕餮面諛唯諾恥何晏
塵談風月希劉惔衡茅應笑肉食鄙鼎餽頗饜山蔬甘馬瘠僕
倦思小憩脩竹影裏開茅庵欽婆畱我泛雨腳塵飛玉屑聆清
談斜行凍草老瘠竹紀游瘦句畱松龕

汎湖漁婦詞

紅樹人家白板扉午雞聲裏夢依稀煮葵燒筍炊香稻試探漁
郎歸未歸

打槳鳴榔下碧瀆銀刀網得薦夫君勸郎好向前溪宿只隔蘆
花幾穗雲

風波不解別離愁終歲全家住碧流郎漫攜魚入城賣教儂照
水自梳頭

吉貝鴉青翦翠衫
釵梁低綴小冰蟾
敝裙切莫湖頭棄
畱與兒家補破帆

荷暗無光奈面何
倚舷無語唱迴波
灘邊蒲稗如苔綠
翦得篷窗自織蓑

小姑綽約興難降
鬢掠無言坐蠣窗
鷓鴣鵲不識愛他相
伴日雙雙

鍾溪橋艤舟

銅鉦漸落綺霞蒸
村徑漁歸背荷簪
寒漲到橋愁礙舫
涼蟾穿牖欲欺鐙
野老傍岸吠驚客
溪舫忍寒游負冰
梅凍雪晴陽羨路
看花輸與驛邊丞

溧陽道中接吳澗蓴書

瀨溪霜信遞魚牋
浦口知停下瀨船
青坂羸驂愁重託
丹山威

鳳羨高竊壺頭路隔三千里
卅角交深廿四年叔度別來生鄙
吝箴規還望遠人傳

舟中雜興

孤裘逸句詠蒙茸暮四朝三少
適從前劣孤標羨浮玉江流砥
柱突青峰

續鳧截鶴策良能四足傷
瘼創不勝清嘯蘇門等閒事
忽驚猿鳥各飛騰

汝南月旦總難真魚目珠光混
眼塵短簿髯參休蔑視桓公喜
怒屬斯人

守丹候淺火難紅不見昆侖杞
菊翁人苦從來慵自鑑謬云鄒
忌勝徐公

望慧山偶憶前游雜題四絕

翠老青荒石有棱粉垣高下抹山層凍雲如絮沈蘭若冷透經
寮粥飯僧

一汊澄波膩似油麴塵吹到寺門休多情慣載蘭花舫咫尺吳
江不肯流

秀嶂閒街石徑通虛亭四照夏松風竹鑪石銚茶人具就試山
泉活火紅

蛾眉列屋宛蜂房漫向雲英試乞漿誰道元機消綺障天魔舞
出散花場

十二月六日抵潯墅關感賦

當關涼月似弓彎畫鷁長淮卅日還入洛樂天攜白鶴登樓謝
朧戀青山斗南壇玷三人賸謂小峴少寇穀人祭酒淵如觀察江左名臣幾箇
閒貂珥漫矜荀羨少飛芻須識道途艱

止

抱冲齋詩集卷九

長白 斌良 笠耕

句吳轉漕集二

正月十三日崑山道中

料峭凝寒曉不勝
凍雲遮嶺隱圭棱
農官按部偕春到
身節巡風比歲仍殘雪
橋亭初放棹
早棹市近燒鐙干旌大是無情物
稱爵萱堂迫未能

吳淞道中

翠蒨松陵逞雋游
官梅香動破清幽
九峯蜿蜒隨雲轉
三泖縈紆帶月流
遨頭正及嫩寒初
鄉思雲衣乍有無
贏得行廚風味好
晶盤新薦四鰓鱸

一翦晴淞碧浪遙
涇南梧竹影蕭蕭
東風吹到吳娘語
黃浦江頭報上潮

金閨簫鼓憶喧闐
龍節宣勤早放船
梅凍柳荒湖渚靜
踏歌辜負試鐙天

上洋

風趣野而秀
天青細草熏
芭籬編弱杞
板閣暖春雲
竹色過橋合
潮痕到浦分
家家織幢布
俗尚海邦勤

喜抵上海縣

雉堞崔巍鎮海濱
喧闐錢貝地繁殷
琉璃鞞鞬光呈席
火澣冰綃彩錯文
騶從前鳴蒼鶻
子龍驤悉罷水犀軍
代輿麟隱容高嘯
指點扶桑日影曛

雨中渡黃浦

宛若乘槎泛東浮意渺茫魚龍爭窟宅風雨挾帆檣海氣黏雲
白沙痕汨浦黃島夷通閩粵鄭重此巖疆

南匯道中晚歸戲作六言

墨色凍雲釀雪麴塵波縐消冰孤負上元令節風帆雨泊松陵
麋眼籬笆數折鸞尾簃簃一叢藕蕩蔗塘相錯柴門路失西東
縹馬郵亭待渡卽須舟子頻招雲錦鱗皴沙汨黃浦江頭落潮
泥滑筍輿遲到雲開菱鏡光騰不是賽神鑊鼓渾忘節過燒鐙
板屋縲車呀軋林邊紡織人家翠毯纔耘燕麥缺瓜賤賣魚花
泖澱漁莊聚處魚翁魚姊魚妻踏浪櫪頭出沒竹竿細鬲青泥
鵝柳綠攪煙景鴨桃紅蘸溪痕天然惠崇小景一幅江南水村
擊壤醉希達士舒毫論著潛夫漫鄙年來肉食此行恰爲鰲鱸
時靖老兵鋤菜官閒小吏鈔詩伏案伊憂達戶文章不畏人知

元卿稽遲苔徑

謂于野蔣君

野王嘯傲林亭

柳東馮君

日暮所思不見九

峯煙外堆青

萬竹幽居

塔院蘸涵碧周遮玉槩攢門通松杓小窗俯蕙波寒寶藏經龕
閉降魔畫壁殘茶禪參雨腳舌本妙香盤

青浦

長年說抵吳淞渡紺塔孤圓鷁首迎漲淥晴添知夜雪山焚煙
抹似含醒雁沙草茁微於染魚樵舟行劣有聲弭節無端成信
宿再攀河柳及清明

舟中小憩

蓬窗曖曖倦惺忪忽漫舉帷旭景隴讀畫幸無寒具浣試泉雅
襯露芽豐行廚細擷辛盤脆沈燎微熏甲煎紅官舫嬉春殊不

惡輕裘舒曠對東風

金山縣阻風舟中寫眺

曲突炊煙直芳菰會晚餐竹光浮暝色麥氣助春寒草亂侵隄
窄潮歸訝浦寬石尤多阻遏檣櫓愼風湍

正月廿四日崑山夜行邀宋星浦上舍璿過舟小酌話

舊感賦

薄宦勞形久羈棲強自寬霓裳罷絃管縫掖約杯盤春入鐙花
暖談深茗氣寒行年三十四努力振飛翰

喜雨至跨塘橋

泥滑南塘路腰環百丈牽煙昏蒸樹溼點細蘸波圓插竹藏漁
樁翻犁負郭田新謠甘澤起行滯亦陶然

琴水山莊

場圃平如砥籬笆曲似弓大瓢嘗井白小撥蒔花紅薜荔長廊
引莓苔別徑通夜涼先得月牆角植梧桐

梧竹千章蔭桑榆十畝間軒開真得地巷轉忽看山行樂前畦
認移蘭宿草刪參軍解蠻語花外轉關關

別院飛楊柳中庭種若榴花防頑婢折琴待小妻收埽葉齊書
帙擣捕鬪象籌國風教弱息聊復慰鄉愁

吳會均輸使趨公夙夜勤當頭負圓月出岫愧閒雲柴啟銜花
鶴香凝辟蠹芸霍公遑治第王事日紛紛

胥江雨夜

鷗鳥欲同夢氣涼春逼秋鄉心疏雨外官味五更頭守道憑孤
往無方戒遠遊鴟夷舊時宅浩蕩五湖舟

清晨勘事歎山榭小坐

堆案文書似堵環清晨掃葉喜全刪漆園齊物無非達靖節高
吟妙得閒隔屋竹聲前夜雨壓檐蛾綠一房山夔螭隱壁甃椎
搗手蹟新摹翠石間

園中小詩
按屬錢梅
溪摹石置諸廊壁

靜與

靜與蘭爲契無言味自馨月添虛室白煙寫半簾青境坦疑情
達詩清見性靈南衙多束縛游目小山屏

春分日出西郭門

瑟縮蠶眠靜掩門喜停社雨息林喧人同燕子情原懶春在桃
花豔有痕松氣白藏雲鳴寺芹芽綠到水西村銅坑竟負探梅
約香雪吹煙合斷魂

春雨連日擬游破山寺未果

十日輕寒飄白雨翫花惜未及遨頭面城坐擁鄴萬卷運甓習

勤陶八州礎磧溼蒸紛鬪蟻峯椒雲密暗鳴鳩四禪解脫簪纓
縛虛擬支塘問逕幽

和可盦弟盆梅

支嶺移栽瘦本斜康瓠細撥照窗紗剪裁難抑冰霜格供養居
然富貴花舊夢孤山依白鶴新詞玉藻按紅牙掀篷圖出楊無
咎淺縹胭脂展畫叉

二月廿一日偕程蘊山夫子

惟善

錢梅溪居士

泳

黃子

芳

景沅

冷雲岳

烜

馮柳東

登府

三茂才宋星浦上舍

璫

徐博山畫叟

龍

可盦弟

法良

同游破山寺用唐常

少府韻

北郭崦嵫秀措筇訪道林潭空千月印寺闢萬松深薛碣通禪
悅風旛見佛心蕭然攢玉槩天半鶴鸞音

維摩寺用常少府韻

齊梁遺構在雙樹指訶林海勢霞杯小詩襟鷺嶺深松圓涼鶴
夢花發惱禪心試問青鴛座廊鳴法鼓音

方丈早齋罷疊前韻

洗鉢雲堂飯衣單挂梵林茶瓜因客設筍氣入僧深黃檗安禪
味金鐙寂照心齋餘思願齒階石漱琴音

出北郭至興福寺途中卽目

北郭尋幽倒玉瓶屏除遮迥換簾篁麴塵池閣搖春影鷓鴣峯
椒蘚畫屏細路雲盤涼絮白子城帶擁遠螺青四禪天解塵胸
臆擬向阿蘭乞秀靈

破山寺詠古十首

尊勝幢

陀羅離垢幢六角青蓮踞平原陸大夫鼓臂銀鉤署貞固壽珊
闍松月照來去

興福石

硯碑一拳石近依大智鐙精進等陵級從善功如登覺迷度世
心慈惠歸高僧

雷破柱

雕楹迅雷破奇蹟傳僧廬梵體六十四綠字伽羅書倘逢曼倩
叟定認劫灰餘

通幽軒

炎曦晷難測翠影和雲流禪寮妙虛構招隱峯之幽一窗飲寒
碧萬簾鳴深秋

瓊瑤櫓

舊植諸葛廬新移箕子國
琴廳鳳蓋張青絲編絡索
韋偃證心交王綯遺手澤

心影潭

太虛本無滓偶被微雲累
玉府實瑩然奈何蔽物理
朗鑑證妙明還歸遂初始

君子泉

凹樽鑿山骨一泓澄澈底
嗟彼貪盜徒清冷媿此水
莫漫輕斗筭高風勵餘子

唐賜鐘

妙翠蝕追蠹雲雷互周匝
不聞太室藏賜寺近千臘
若問天寶事鏗然清響答

白蓮池

涎腥老龍窟蓮淨澄魚波蠶蠅善幻化霹靂飛巖阿輕浮曳尾
龜異產無殼螺

影娥池

茂才踏鐙歸彷彿靚妝靚桂旗上雲飄霞綃照波整仙脈溯琴
川寫出瑤姬影

維摩寺

籃筍緣雲上風泉笑客忙梵天期雨眾石屋禮鐙王湖海雙圓
鏡松杉總妙香南朝百八寺遺構尙蕭梁

破山道中卽景

含櫻初薦景清和勝引薜蘿煙趣多山翠濃時皆有寺海天盡
處似無波半旛風色傳鐙眼一帖茶緣小剎那待我重來秋欲
老木樨香裏聽鳴珂

小疾初起過石梅仙館

採薪前偶抱行藥暖相宜
幾日東風吹垂楊綠萬絲
春陰桑扈喚花氣蜜蜂知
寄語東園客歸來未可遲
蔣于野金浣花未回
小園貪日涉萬綠共春生
樹腹鼯鼯穴桑梯戴勝鳴
窗虛峯割翠廊曲雨圍聲
近識元長叟滄洲畫欲成

辛峯一角樓卽景

溜雨虬松色借來虛閣青
繚垣赭玉帶小樓與山寺圍牆相接
枕岫綠沈屏琴響有時作
市聲無處聽相將幾羣展
豪飲臥罍瓶

畫塘舟中書卽目

魚波韡縵碧浮空鎮日帆
縈落絮風十里花明春淡
沱一湖水色畫真濛爾泥
小艇輕於鳥飲翠危亭宛
注虹微幸支硎期浴佛衣
香濃處值掀篷

戴村寫望

釀雨輕寒貼水低
支頤兀坐畫塘西
鬢絲漸逐春陰重
花事都如客夢迷
鷺溼水深浮碧草
魚塘石圻冒春泥
蒙茸負開焚尾高
興應輸鍛柳嵇

寄懷秦侍郎

瀛

小艤帆裙問故人
喜傳杖履待西神
是日往候小峴先生未晤已先至錫山相待
劇談往事同奔電
投老心交類飲醕
別思渾如嵐翠重
舊游肯負石泉新
十年握手搏沙似
前席叨陪總夙因

菴裘曾寫碧山吟

君家貞靖先生有石田翁作碧山吟社卷子

煙壑平章歲月深
割

得奇峯藏一角
植成喬木總千尋
鶴馴共養安恬福
雲懶都懷

退隱心

園爲前明秦端愍公娛老地本名鳳谷後易名寄暢
鶻突昨游緣底事
主人難得

快披襟

余曾兩至寄暢園俱未若茲游之勝

落落孤懸曙後星歸然江左仰儀型

孫淵如吳穀人兩先生相繼歸道山江南壇坫推公

存湖山真繪常畱愛

先生治杭郡民曾刻圖像于秦淮海祠以志去思

金石高文許乞

銘

先公神道碑擬求椽筆

孔李通家交有素應劉同調眼原青蠻花狔鳥

棠陰在語到前徽掣淚聽

先生出先公門下政蹟知之最稔酒間談次不覺怡然

潦倒江湖白髮橫夷門慷慨見侯生

侯梅士善初自察哈爾攜湘浦相國書至得晤席間

紫關蠨螭傳霜信黃日蜻蜓賦柳城傾蓋片時聯舊雨抽帆明

發各前程順時豫順多珍重準備持螯再續盟

照鏡見白髮數莖感賦

明鏡秋新歎二毛子雲何說解其嘲三年枉刻芸窗楮一捷榮

叨內殿貂豈有文章齊董賈徒嚴法律學蕭曹連茹慶幸王陽

健努力勲名答聖朝

日間作大小行楷數千臂痛不寐戲題

倒薤簪花體未精
溪藤細拓作真行
畫沙健遜歐公荻
屈鐵椎排管子城
濡首漫思金惜墨
鑒心拌擬筆爲耕
不眠笑比新豐叟
三折稱良敢託名

史閣部祠

識協紅羊數已屯
指揮四鎮奈逡巡
吳璘正報金坪捷
江總還歌玉樹春
倉卒偏安非素志
支撐殘局賴斯人
梅花千億瞻封蠶
香冷衣冠浩劫塵

渡揚子江

源導岷峨萬里清
關門鐵甕鎮雄城
亂峯青尙南朝色
醑酎精於北府兵
浮玉無根因浪湧
蒲帆得勢翦江行
駭鷄犀莫輕然照
鑒察淵深忌最明

舟中望北固諸寺

雙椒森檠戟九派導岷峨天塹洪流互風颿疾鳥過蒼穹圓笠
覆江練鏡匳磨輪轉公家急無煩阿子歌

讀司馬相如傳

浪傳五柞召相如一賦何曾是子虛通謁惜因楊狗監空勞筆
札動尚書

重過惠泉山寺

紫棟風和正浴蠶伶儂衣袖薄裝絲鷗波匳拓搖詩夢螺髻膏
凝潑畫船寬句難逃蘇老範試泉悟澈性公禪瘦藤重倚西神
麓燒筍攬櫻似去年

馮柳東茂才偕可盦弟

法良

攜陽羨茶試第二泉歸舟

有作因用可盦韻

水蹙高柯抱石泉絹封陽羨試烹煎評茶清雋居廬後琢句疏

狂邁朱前白袷偶成燒筍約青鴛乍可聽松眠茶山高躡空神
往寂寞人間六百年

揚州朱素人

本

遣人送山水小幀卽贈

廿年相憶判萍蹤方麴長牋遠致筒燕市秋塵千里夢藥園春
禊一尊同麈譚郗謝襟期古屏染荆關粉墨工寄語石梅仙館
好幾時來話穗鐙紅

督輸北上迂道金陵淇園尙衣

延隆

新葺落成招同蓮

龔方伯

繼昌

夜飲卽席賦贈

數椽新闢瀼西幽祖餞吾剛及雋游雜坐相看成品字載叟歡
聚各科頭波澄愈覺星河朗契洽翻嫌禮數稠轟飲劇談皆道
管息機雪立檻邊鷗

有客相過成不速廚開櫻筍薦杯盤陶潛摘蕨耽真味晞老懸

苑累熱官吳下紅牙歌未艾郢中白雪和應難蠶頭繭紙珍珠
句老眼生花炙燭看

翼翼風軒水氣中呆愚面面鎖玲瓏南朝翠黛窺虛牖北里紅
腔度晚風濠濮會心甯在遠煙霞腴道味無窮薰風初動荷錢
小鯨飲狂思吸碧筒

未報

君恩敢退歸家山夢遠戀庭幃

蓮龕堂上偶抱微病擬請假歸省

書無

甚解元多悟心欲求安事轉非白芍香清緣本直青雲鳥倦怯
高飛無名萬物真源蘊聃老希夷旨趣微

高郵

郵古傳秦舊高陵幾變遷波澄帆縐影蒲密綠圍天孫覺甘衡
隱揚蟠失廟堧圖南雖健睡長日奈如年

渡黃

星海探源遠中華萬里旋上灘
蛩負壓放溜鳥驚絃天影圍青
笠村墟點綠煙劃成南北戒風
土頓差懸

放開避喧河上公廨借書消遣坊本多譌悶題

旅邸難求善本書凡將莫辨字模糊
染來食指悲絲墨檢到篇
心證魯魚鐙下頻看揩睡眼
樞邊細寫待鈔胥簡編權當屏風
讀滿幅煙雲海嶽圖

鍾吾驛

景物漸荒率鍾吾古驛西長風吹水皺
遠岸界天齊盈耳挈音
壯懷歸客夢迷鳥雲棠蔭近心戀舊疆圻

夜過五花橋

水氣潛消暑蘊蒸衣添半臂鵠紋綾
篷窗白放東西月蘆渚紅
搖上下鐙詩興漸隨櫻筍減鄉心暗逐
汐潮增多公消渴相如

似紫餅團茶滹數升

阜河道中

葛帔西華舞不禁
絺衣薄畏嫩涼侵
風蒲板渚一泓淺
煙柳陂塘萬綠深
客子風光供醉飽
清和天氣半晴陰
腰環百丈明鐙外
心豔圓沙穩睡禽

阜河道中寄內

錦段親封付雁奴
石梅圓月憶蠟珠
慈親眠食今何若
兒女裳衣近有無
雨膳恰宜供菽水
風軒應早設冰壺
布帆安穩郵亭數
柳碧蒲芳駱馬湖

鞅掌相催亦太忙
錦緣馳系靜琴張
篠園剛及春焚豔
霧縠偏孤篤耨香
帶孔頻移腰略瘦
箋頭滿寫意猶長
征人消息中庭樹
待話團圓桂子黃

舟中悶坐

八面牙旗萬斛船就中佩印只高眠年來豪氣消除盡渾噩乾坤夢裏天

審灣

雲氣溼前渡涼風吹雨昏雞豚開里社鴻雁復巢痕錢價減半兩蛹絲纈幾盆鐙窗支枕臥心契共誰論

滙澤間艤舟晚成

日落蘊隆減披襟暢好懷夜涼魚大上墟暖鳥新啣輻輳錢刀會雲煙畫舫齋侈談鄒衍口多半續齊諧

晚間偕友人談聊齋

鷁首金鉦伐篙師報艤船崇岡表蘭若高浪憶江天方翹書長句藤輪借小眠成連工習靜風水激濺濺

淇園尙衣水上新葺小閣三楹索題未暇途中卻寄

飲碧風軒乍落成，恰歌驪曲到江城。
騷壇何敢張旗幟，榼解聊將記姓名。
夾岸樓臺迎面起，六朝山色似眉橫。
白門朋舊西窗燭，別後遙思倍有情。

投轄譚深酒正中，簾波斜捲月玲瓏。
擲杯白也狂如舊，齟齬紅兒病轉工。
櫻筍近曾聯酒袂，鯉魚遙爲寄詩筒。
抽帆已下淮南路，遲過猶看芍藥叢。

同懷弟法良校刊

男崇福謹校重刊

抱冲齋詩集卷九

長白 斌良 笠耕

句吳轉漕集三

初入東魯境和柳東韻

棠蔭關心舊治諳郵程力趲笑鳶貪柳團漁舍疑淮北梨賣油

房接濟南沙岸車行驚下澤

柳東生長江南從未見乘車者

水經茶味壓都籃

柳東評水北地尤厚

宦情羞向心交說已是吳趨再起蠶

和柳東江南道中卽景雜詩十絕

山開幕府暫停鞭海岳題襟憶昨年多謝秣陵山岌業似畱青

眼勸回船

酒旗歌板海棠樓六柱湖船蕩槳游纔過林蘭希競渡半生嬌

情住蘇州

竹西朋舊半樵漁
自寫蒲牋手答書
一夕江潮隨客到
櫻桃小市薦鱗魚

吳娃柔櫓慣輕划
珠琲緣衣襯薄紗
箇是儂家小裝束
茴香髻子素馨花

山木叢祠認露筋
一丸涼月照湖雲
隄頭姑恨閒兒女
自擷蕭蘭待燎蚊

金隄淮甸兀如山
小杓茅茨水一灣
連日羈情正無那
奈佗虎豹亦當關

一股釵符翦艾香
乍拋鍼線罷流黃
鬧龍數舸新加樣
鉦鼓催歸惱夕陽

芙蓉孤插着浮玉
螺黛深研似石梅
空堵顛風聽鐸語
使君三過未曾來

心醉吳趨曳練坊轉輸六月促歸裝歐陽嗜古饒癡癖玉敦珠
槃繞印牀

書櫃茶鎗部署精簾幮疊唱有同聲三生漫結詩緣重水解支
塘半姓名

雨夜匯澤聞泊舟

細柳圍沙岸扁舟邳下城河聲夜逾壯暑氣雨能平家遠書頻
寄心恬夢亦清荒郊麗譙少蛙鼓當疏更

匯澤聞舟夜有憶琴川

膈膊邨雞已再鳴篷窗虛白漸生明幾莖素鬢綠愁改一月離
悰釀夢成蘆汊麴塵菱鏡拓柳隄弦影黛眉橫相思古閨分流
水半下金閨半玉京

邳州邨店口號

柳鴈濃於染茅茨得蔭涼風鑪松火熱寒具麥芽香閨背板初
啟船頭路正長石尤應眷我相送抵南陽

將抵臺莊作

萬斛龍驤一羽輕孟婆爲我速郵程泗水波濶鄰封利蔽芾陰
濃舊治情咫尺鳬雲仍魯望重來多使笑吳儋洗塵晚赴將軍
約共認江東老步兵

臺莊驛喜晤克州馬總戎

瑜

火色振彩纓英姿世莫京重逢倍傾倒遠憶若爲情滑邑封疆
突崑崙雪夜平心驚烽燧影翦燭話東征

燕塞曾專閫權奇領萬羣偶然疏牧字

馬總鎮曾官古北口提督因疏防馬政聖議

終竟會風雲百二關河戰三千露布文黃皮朔早奪詎識上將

軍

充國籌开罕韜鈴以軼倫東齊喉隘地嚴鎮股肱臣

總鎮久歷戎行前充

福忠勇公翼長威望素著

俗漸移王化居偏近聖人由來蒙

睿賞亮節本

忠貞

舟中暑氣蘊蒸興過微湖東岸慕漁舟之樂歸船有作

炎歊方乘權篷底如煎油桃笙臥不穩浹背珠汗流暫教畫鷁
退坐我青竹兜意行微湖埂白袷涼颼颼眩若鑿混沌胸豁天
一陬溶沆浩無垠睇曠窮雙眸昂嶧峯軫輻黛掠眉痕脩碎波
紋韡縠亭毒圓笠浮深青與縹白溼氣連溟洲詎獨雲夢吞大
千真泡漚依垓長薯芋頓忘依邾婁竭來渡淮浦鈴馱聽不休
詎料風塵中雲水與目侔羨彼魚蠻子魴鯉恣取求惟綱而不
釣截湖長網收戢戢復鱗鱗縮項兼槎頭澤國同膏腴不待祝
甌窶舴艋當廬舍苦網卽鋤耰生計託漁釣慣與河伯謀駕浪

踏空虛庸賦雀鼠偷嗟彼滕嶧農終年事田疇胼胝手足僵奔
走隨犁牛春暎麥半枯夏潦禾不抽何如此漁夫旱澇皆有秋
五月廿一日韓莊路出德勝闌夜雨曉起喜成
冰簟青縑靜擁衾蛭膏光滅蠅窗深一宵涼雨偏宜睡連日薰
風正快襟墨竈擊鮮多魯味柁樓操語泥吳音微湖東堰張雲
錦夏淺蒲荷斂薄陰

微山湖舟中遣悶隨登東岸寫眺和六弟元韻

萬頃風漪捲地涼水雲深處覓詩忙打篷梅雨懷韋曲采蘋煙
樊歎首陽茶具教攜團月小蕉衫初試薄羅香蹲鴟爛熟烏菱
嫩一路湖鮮次第嘗

晚過夏鎮朱梅閣

日暮朱梅正泊船風蒲細柳映行旃黏天千嶺脩蛾曲夾岸雙

湖大鏡圓樹木家家蓄
黎棗擊鮮頓頓飽
鯽鱸美哉沃壤真堪
適庶富民應禮教先

舟中讀書戲成

玉蟲剔盡碧荷榮
涼夜閒吟當課程
惹得篙師相耳語
督輪船上載書聲

夏鎮道中喜故人諸象齋處士雷見訪有贈

蜻蜓買得問鳴珂
艤棹重逢鬢已皤
絕似南飛烏鵲影
市枝何處月明多

指困難濟伯鸞貧
八口齏鹽更累人
寂寞公孫東閣子
有誰酒醴侑嘉賓

三千故紙漫研精
讀律從來貴得情
老眼寒檠細摩端
哀矜頑庶爲求生

單椒涼翠對孱顏
琴襍商量去住閒
客裏賦歸仍作客
依人畢竟近家山

漕船上聞

錦纜牙樯聯絡繹
權郎挽曳度金門
暴顙河魴逆流上
戢羽飛鷁衝風奔
驪珠百琲瀉量斛
薑芽萬杵翻盃盆
揚旌蒼兕聞遠喚
千鈞一線險莫捫

關鍵入道鎖流澌
阻遏郵籤到岸遲
風柳蟬嘶仲家淺
斜陽人扣少陵祠
龜冕高下峯千笏
齊魯春秋筆一枝
行過城隅進船處
蒲葑菱實薦螺卮

晚泊仲家淺散步尋仲子祠歸舟仍疊前韻

晏居樂無事斜景明
窗油權郎報解纜
帆席和雲流龍驤坐萬斛
穩於青竹兜絺衣
疊雪輕涼吹穿颼颼
蜩舍半緯蕭高下環

林陬檣竿集如蜩天際遮臚眸雙聞近相望遑說路阻脩柳曳
蟬響澀波淺犢鼻浮葳橙雜菰蔣因依芳杜洲吾生累紱冕身
早寄一漚未能作達觀有愧曠與婁意行仲家淺古埭聊息休
緬昔仲夫子學道顏曾侔銳進無宿諾輕肥任友求負米高堂
歡劒佩千乘收結纓赴君難碧血污鍔頭明禋重廟食豚蹠薄
祝寒雨剝繡桷黯庭宇滿耘耰六釧簋虛設誰爲宗榮謀村氓
疏報祀俗亦何鬻倫徘徊町畦間目極黃雲疇豎兒側圓笠草
澤遙呼牛維時季夏交沙觜蘇桂抽待我督輸歸豐歌穠稔秋

新間道中感懷

虞翻身世託勞薪泊宅頻年雁鶩親轉粟權郎揮十萬傳箋詞
客僅三人濃陰似染公超霧方翹難遮庾亮塵左輔近聞丞汲
黯仁看買犢化風淳

贈黃子芳歸汴京

平仲與人交久處禮必敬我與叔度居歲深識其性先生家黃
山雲海俱游泳醫妙宗岐軒經湛探毛鄭過門履或趨危坐冠
屢正友朋蹈愆尤苦口勇勃諍人漫笑迂拘余獨欽茂行相逢
素傾倒蘭契結深盟從此風雨夕每作聯牀詠憶昔歲在乙齊
封始敷政防秋駐河壩身弱風水勁退公檢梵夾涅槃表奇證
舊醫共客醫析理溜澠質服乳舊醫除禁厲客醫輕恫瘝抱若
身時和國無橫昨歲曹南饑揭竿突梟獍成莽積骸枯妖氛醜
凶營疹祲潛鬱蒸燹餘癘疫盛我適乘其餘氣餒攫時病疢鬼
未驅除陰陽互戰勝寒凝肌粟起熱蘊珠汗迸勿藥象罔占歛
鉢對鐙檠呻吟蓐席間呼吸關性命惟君正過從不待巾車迎
忽見藥王身刀圭握機柄瞑眩劑屢投精神看玉映乃知脈絡

分曾朗懸金鏡何待頌子章沈疴掃籜淨萱親釋殷憂阿衰亦
欣慶爾來膚革充健飯較昔更感子活我功不啻出坎穽方期
相調護瑜珈試題評忽漫整離筵琴川理歸榜相需固甚殷難
作不情請庾莩味自佳三卻黃金聘南國竊陸雲東山去張邴
梁園雪照尊兒女團圓并將別黯魂銷辭簡意未竟相約訂會
期爨筴卜冬孟

石佛間艤舟尋東坡遺蹟不值自玉皇閣散步而歸

汶泗流湯湯間勢看遠仡雁齒艤船脣誕登學薰被髮柳絲鬢
髻小婢首加髡茅檐低於舫布帘飈青裊傑閣尊玉皇云此駐
紫紱祇洎鬚半黏伽藍膝或屈點鼠噉珠旒螭網圭蔽庭填
馬勃高粱頽燕泥黠常聞長帽翁於此揮塵拂河塞呂梁洪鋪
奮勞拊掘白毫滿月圓穴土見石佛旃檀供花塔香裊煙軋沕

抹電幾由旬。羈提化荒蕒。松栝代樵薪。猗猗孰芟荆。空廊跛僧
揖。問年笑語吃春蚓。失竊騰豐碑。少隆崛吉了。時一鳴爲我洗
陶鬱。

晚宿趙邨間

隆阜聳廟塙。路近湖隄外。周遮柳蔭圓。琴麗似張蓋。茅茨八九
椽。環堵植蕭艾。鐙明嚮餅家。喧呶集駟僮。千檣水驛衝。斗酒錢
刀會。擊筑歌竹枝。懸鵲走流勾。關心問棠邑。三時能不害。覩此
蕭條區。似展監門繒。回憶吳趨中。風靡厭奢汰。帆裙裁錦綺。瑣
窗飾螺貝。笙歌互相聞。沸掩松竹籟。資甌白露芽。珍珠味紅絲。膾
吳娃。兩鬢風清芬。吹素袞衣香。酒氣薰懽悅。凝芳靄不夜。別有
天治坊。今下蔡。沃土民易淫。俗應禁侈泰。若較此邦民。肥瘠懸
殊太。彼蒼亦有私。南國恩偏沛。辦香祝東封。甘膏及時霑。薈屋

鮮蓋藏設飢荒恐最仰天增慨歎踟躕整盤帶天闊星影搖夜
靜水聲大

柳橋家三兄敦良奉

命秉臬中州誌喜

爽鳩司命柏臺寒梁苑風高慶拜官大宋才華馳譽早季方墳
雅繼聲難朱輪雷動鳴珂里多節

恩濃湛露盤京洛平反齊拭目幾時駟馬出長安

擬游仙詩

亭亭直幹桂陰圓惱亂吳剛執斧鑿多謝姮娥爲調護重開金
粟倍生妍

重至濟甯

薰風十里送輦籃社燕歸來意興酣記得年時曾縶馬綠陰如

幄水關南

鳧嶧連蜷半郭山天留青眼在人間不緣邪許舟前導錯認防秋使節還

宦迹從來傳舍周任城依舊唱鳴騶街頭父老還相拜玉貌彫纓認細侯

水抱城隅足芰荷旌麾悵望一年過多情曹掾如明月向夕清光傍客多

五月廿八日行抵任城時久不雨民苦亢旱河水淺阻漕舟轉運維艱因祇禱龍神祠詰朝甘霖大霑河流陡漲舟得迅發暑亦頓減喜成四十韻

霖雨吹吳會薰風到海陲行旃期迅發畫鷁奈淹停郡出邾婁舊時剛亢旱形焦煙噓沮洳粃麥灼枯葦泮淺苔衣圻溪乾石

髮腥那將涓滴水共濟越吳舡
舊說權收汶疑心冀引涇庸租
勞里甲牽挽困輸丁零隊誇繒服
祠官笑挈瓶虛投虎骨枉
誦勝鬘經石燕慵騰蹕天鵝慎飭刑
幾曾帆席轉鎮日竹窗局
羽扇遮王導藜牀坐管甯頭銜冰
自懷心鎮暑難醒原兆頻占
蔡狂談藉伐邢鴛香開酒戶乳泛
憶茶廳齋宦愁常積山農涕
欲零天原矜眾庶予代肅維犛牛
堰沈雙壁龍堂整入鋤白衣
瞻大士蒼水夢仙靈礎蟻潛移穴
商羊候舞庭岱雲鷹寸合嶧
澤徹宵冷服賈欣回棹畚田快附
瓴飛甘歌楚些謝降酌湘醺
澤被民全活誠孚事豈冥神功人
莫測佳話爾其聆心坦雲同
白峯迴眼倍清輕颼含細葛碎點
破浮萍草沒羅含宅蒲香柳
暉汀不須牽百丈宛似汎長溟碧
漲添瓜蔓銀潢燦穀星新謠
甘澤起舊夢對牀聽靜愛雲低幔
休吟月轉櫺詩痕沁蝴蝶涼

意帶蜻蜓暫住欣多豫情閒寄野垌薦紅大房茜潑墨小山屏
浪迹仍書簾勞生繫組經慨同燕趙士題徧短長亭薄酌偕劉
昶高文愧阿鄴聊當記里鼓漫作益齋銘

安居道中

撒菽喧聲急風颭雨過電轟蛇掉尾雷殷鼓鳴鼉沙鷗涼陰
淺船簷綠意多桃笙冰雪淨香夢度關河

新裁步障

吉貝試裁翦周遮步障添華應輸蜀錦幽足比湘縑絲葛雙行
判樊籬六枳漸柳營開幕府規制極森嚴

偕柳東魚山家可庵蜀山湖岸散步

缺瓜元坐蠶醺同來試垂楊船趁風滿眼江湖身世感魚牀相
對話是翁

韡紋萬頃碎波漣似薺林遙翠埽天欲識明湖寬幾許蜀山千
仞望如拳

艇子梭穿出亂葭低垂筱初一痕斜謀生不仰桑麻利十萬編
氓半釣家

渚中有渚路回環蒲稗因依隱髻鬟添築紅泥小亭子香醪蠶
榼日躋攀

東阿懷古

闌牆兄弟疊端成其豆煎傷抱蔓情不是慈宮加護惜雍邱幾
覆等任城
臥榻酣眠咄逼人青宮羽翼半詞臣彪文惜少加雕厲甯爲多
情賦感甄

張阿道旁碑

有序

六月初七日泊舟張阿見隄岸左側石碣巋然上隆
下殺土人稱爲宋江碑相傳鑿碑上石屑敷金創可
立愈土人神之余登岸撫碑細視始知明宏治初河
水衍溢每漲發苦難宣洩轉漕多阻滯上命內侍李
興平江伯陳銳尙書劉大夏鳩工建五空石閘以洩
泗汶諸水功成賞賚有差因勒銘平安鎮減水壩以
誌永久碑雖鑿損字畫未盡曼漈顛末尙堪辨識土
人所傳宋江碑者妄也作此以曉愚庶勿爲浮言所
惑等循路之木鐸焉

沙棠傍河口亭亭樹團圞古碣峙其間苔痕溜石罅共指宋江
碑蜂起綠林霸披猖紹熙間風雲變叱咤聯翩振英聲籍甚連
城價舊傳鑿碑陰玉屑肆碾研石糝愈金創功奏刀圭謝余聞

長年語恢詭動驚詫三十六萑苻探丸剽里舍一夕盡殲焉史
載張叔夜嗟彼饕餮徒早共沙蟲化奈何汙琳璫盜跖資假借
往觀以析疑暫爾征帆卸因知庶民愚好奇眾多訝勝國宏治
初河流漏卮瀉壅遏利轉輸白石虹梁架宣防興江伯庀材劉
大夏功成各策勦勒銘安鎮壩貿貿齊魯民強名妄憑藉十姨
設宗縈五通僭八蜡謝公或有墩高光本無榭因訛以作真鬼
蜮含沙射齊俗本剽悍買勇弄弓弮蒼鶻動呼羣鵠刀目橫胯
蠱惑賊羣黎姬嬭託仙駕流毒三百年蓮教其流亞野語固無
稽鬪心蓄可怕我欲覺斯民鞅掌鮮休暇寄語舊芻牧除惡去
貪詐勿妄加鞭箠箕倨長官罵囂之以禮教囂漓俗遷乍兼勸
諸父老力田寶禾稼人和年自豐化美休祥迺作歌靖訛言盜
風庶幾罷

曉過臨清市買貓二戲題

青喜窗窗噪鳥圓繞市鳴無魚空自歎相鼠敢橫行偃傍花氈
輒名呼小婢輕酣眠醺百合荃筆畫難成

水寺

菰蘆翠毯寺前灣日暮昏鴉接翅還解得安心黃壁法一袈裟
地掩松關

出臨口

汶衛交流處奔濤一線爭漲深隄草沒風定浪花平利涉長年
告樞衣候吏迎地荒亭障遠未免戒心生

晚抵柘桑園

瓜蔓嚙沙岸河徙勢蜿蜒帶水螺殼繞舟發蟻磨旋若隱忽復
見宿氏樓三椽帆裙近可望欲卽猶遷延有時激溜駛迅縱青

條韉脫箬矢離殼避弋鳥驚弦環環腰百丈錦纜看倒牽路出
柘桑園杞柳青嬋娟黃泥墜廬壁半幅青帘懸山農趁墟集土
銚豆火然瓦盆寒具膩破甌餽飢煎斲釀法滄洲依甕流饒涎
長年恣啖啜羞澀探囊錢昏鴉度荒塹老特歸原田征人憚脩
阻屢促方舟前豎兒側笠隨蜻蜓繫蒲鞭趑趄行復止繞樹求
鳴蟬涼風水面縐落景衣上圓天光稍曛黑曖曖生墟煙橋竿
揭風鐙燦若羅星躔矯首睇青丙髮效陽阿卷雲際一杵鐘入
頓鷺子禪雞犬聲四達貨貝開郊塵人語聽庖雜金鉦鳴喧闐
于止知所止吳橋宵聚船

和馮柳東見贈八首

家聲黼黻愧充閭
昌子登朝選籍初
丙夜然藜修國乘
丁年按部走齋車
鶴廳日麗筵豐話
鵲阜風清播禮輿
二載司農筭

濫廁未陳平準擲居諸

揭竿篝火突狐廚妖妄潛師李惠姑翊衛扶風馳搃鬪闕傳昌
邑集鴛鴦豹豹韜密策三更檄魚復新排八陣圖三十功名貂珥
錫小臣何幸沐

恩殊

湛壁寒焚真濁河乘輅雷夏歲頻過寵膺元紱窮源少命繫黔
黎擔負多赤手挽狂維斷軸黃頭奏績唱迴波漉沈幸免其魚
歎鴻雁猶憐澤畔歌

多衣移節影娥川罨畫煙霞種妙緣瘦策秋尋黃葉寺扁舟詩
夢白鷗天評量金石愁多舛管領湖山幸有權寄語虞山老圓

澤潁英蕭寺待行旃

謂詩僧卓然

叔繚帶敦鑒難真金古珉貞壽作人時染畫屏摹禹玉

夏禹玉有溪山

幽
日編詩課學堯臣西華晏整當風帔北郭爭裁塾雨巾書
癖敢希皇甫謐平生摘藻墨莊親

埽葉研經坐講堂懶修邊幅逐毬場瘦吟東野饒幽致心折南
豐感瓣香早識斑駁驚洛下冥搜鱗柳證岐陽敢言衣鉢傳真
諦龜勉肩隨數仞牆

防秋乏術捍蛟龍曲有疏慵

聖主容蛇蜮無端飛毒蠱狐裘差免賦蒙茸轉輸玉粒青天近
挹注金盃湛露濃詎獨瞻雲丹悃遂春明親舊藉相逢

漫詡憐才砥礪心鈴齋何幸傍華簪冰輪桂粟連枝秀芸閣花
甌接武尋規過籠中增藥裏賞音絃外得蘭琴相將愧乏瓊瑰
報側理戕裁濯口深

天津道中

鹽筴錢刀會津門翼 帝京河身盤帶曲帆腳轉環輕就日思
誠切瞻雲眼獨明呼童備漿酒親舊有將迎

晚步法雨寺

雙檣傍門青風吹墮鵲翎參茶拋手版挂壁看心經路劇人爭
集祠新佛亦靈嬾殘鐘鼓罷圓月照歸舲

喜抵楊村

三沽滑笏下津門翊衛扶風碌礪村鎧火沿流開夜市艤艫轉
漕儼雲屯喧闐語壓河聲小蒼翳林黏海氣昏五載垂魚心魏
闕覲光今幸拜

天恩

短緯行

遠緯百丈腰環環千夫背挽上瀨船舟子舉重呼邪許汗汗翻

珠衣漬滴恨舟不如車有轂但垂駟馬奔篤簌側身回望舟中
客手扇蒲葵苦炎熱

材官來

天井開頭屢振舵舟重糧多水不大河心深水一尺強船舷半
陷泥淤漿材官提尺鉤水來寄語舵手休驚猜輕船起載重船
過但索錢刀那論貨

流河

問俗丁沾近滄醪賤可斟雲光增壯色蟬語亦鄉音土沃林陰
重沙流河套深誰家小層構躡屐試登臨

祈雨歎

任城六月曠微湖露兩岸下田龜背圻上田蒼耳見乾壺小如
拳麥葦短於箭嗟彼老農與老圃日幹溝渠灌畎畝耄稚觸暑

翻犁鋤汗珠翻雨雨偏無縣官祈雨禁宰屠內署上壽呼庖廚
向晚油雲蔽天黑陣雨未透城南陌雨師點滴貴如金甘飛俄
頃難爲霖城中石路知溼否囊囊屐聲繞街走町疃泥堅塊未
破大府門闌吏交賀

潞河舟次

漲拍全無岸禾昌遠界天解醒燕市酒歸夢潞河船乙鳥翅低
雨丁沽魚肆筵粉榆故鄉社雲物記依然

七月初九日抵家朋舊歡迎盤桓旬日因成八律畱題

澹園以誌別懷

雁行依序拱門闌磬折樞迎盡室歡阿阮垂髫成弱冠季方縫
掖半儒官簪裘累葉承家重鐙火深宵列坐團一事思量轉惆
悵辛峯南望白雪漫

筮仕歸來遠客同山陰應接苦蒙茸談雄室隔生虛白車鬬街
坊昧輓紅娣姒告虔陳棗栗朋簪聯契捲荷筒自慚宦薄無投
贈歷擔縹緗兩袖風

數莖白髮忽崢嶸同氣相關弟若兄生計可能持儉約官方須
自勵循聲福星敢媲裴公節谷口空懷鄭子耕竹屋短檠聯夜
話對牀風雨若爲情

近況詢餘未忍聽春明親舊半凋零宦貧瘦馬衝泥黑屋老長
松壓瓦青范叔綈袍投慷慨張堪妻子恤伶俜指囷敢效前賢
達勺水難教涸鮒醒

韓子辛勤整敝廬亭軒締構廿年餘幽篁閱世生孫矣喬木攬
雲讀畫如萍沼意行憐淨淥巾箱暇理見殘書閉門暫領閒滋
味自把鴉鋤種晚蔬

不道華堂海樣深客懷漫刺日相尋
旁觀每羨垂魚寵當局偏希放鶴心
老僕覺衰求藥餌鄰僧過訪售瑤琴
還披葛屨過亭角務觀平生未廢吟

燕趙從來風樸茂姑蘇景物信如何
金閭綵貝通衢集畫舫笙歌薄暮多
倚榭春濃花豔豔穿城漲膩碧羅羅
座中名士饒於鮒慣向湖樓記踏莎

纔款銅鋪老樹當苔痕迢遞引脩廊
槐陰濃處涼移榻藤蔓春來綠過牆
閒課園丁收菜把卽看稚子戲蓮房
詰朝擁笏還江左應勒高文寄草堂

同懷弟法良校刊

男崇福謹校重刊

抱冲齋詩集卷九

長白 斌良 笠耕

句吳轉漕集四

晚出朝陽門止宿慈雲寺

親朋祖餞滯歸期古寺昏黃到每遲
疏雨點波光灩灩暮煙梳柳綠絲絲鐸宣妙舌昏蛙和雲寫秋心
老鶴知茶板粥魚成頓覺出門渾似在山時

丁年奉使瀋陽川寶彥相過記駐羈青鬢郎官非昔日白頭衲
子話當年墨花尙藉天龍護水月重參野鷺禪腰笏精藍成信宿
宿前生應有打包緣

夜宿方丈

小住維摩榻趺趺習靜便蛩吟秋境界鶴夢佛因緣耳觀幽篁

籟心香簷蔔禪妙明松閣月猶作昔年圓

慈雲寺偕和尚

澄修聞話

商飈吹客出嚴城大道如弦按轡行祖帳歡聯杯酒醖歸裝笑
臙一囊輕柳濃似帶離滋味蓮淨都含佛性情小坐精藍說歸
路松牌江驛計程程

刹竿遠矗暮煙稠靉靆涼雲講室秋荷蓋繞門通淨果訶林抱
屋護清修半窗黃葉如僧面一髮青山對佛頭連日風塵鞅掌
困潞河瓜蔓送扁舟

潞河放舟喜成

浹旬成小住歸兆協祥占河套羊腸繞灘痕鴨嘴尖秋涼人意
健心戒客程嚴煙樹圍通路回頭別思添

崔家樓曉眺

羈思今稍慰，經旬住舊鄉。
柳仍官道綠，桂憶小山黃。
雲物涼秋近，江湖歸夢長。
飛芻功已奏，書札報萱堂。

晚抵泊頭鎮感懷

煙薺津門極，睇深簷窗靜。
掩氣蕭森波，明偶會觀濠。
旨雲密終妨，就日心蘆淀。
銳穿毛遂穎，荷衣涼沁女。
嬰砧江東許，靖憐羈宦。
栖隱南枝羨越禽。

鄒縣道中

轉漕寶關中，鄧侯喜奏功。
帆過雲疊影，天淨水浮空。
宦况同羈馬，鄉心渺塞鴻。
虞峯千里隔，親舍白雲濛。

黃家擺夜泊

單衣興自如，小舫亦吾廬。
村雨浮窗溼，山雲入樹疏。
藝香閒試鼎，燒燭夜攤書。
明發隨潮上，應多柳貫魚。

潞河泊舟

蹴地楊絲古堞邊坐來鷗鷺意殷然峭風吹動江南夢畫舫銀
鐙五會船

白袷當風晚倍涼漁梁斜日下歸航意行正動相如渴鱗眼鑪
邊報沸湯

舟抵楊村晤遊戎滿

德坤

卽贈

十萬艚艘集周流轉運工渠開榆塞黑粟發太倉紅岸遠人如
蠅塗衝客聚螽蟴西資重鎮寄語老元戎

泊舟蒲溝登岸散步野寺中衲子煮茶畱客意甚殷殷
且贈瓜壺數事佐餐卽贈

白燕塘坳透暝煙意行蘭若契茶禪嬾殘燒芋香廚供護世城
中雨膳綠

藜牀敷座浮生話
蔬筍消除結習無
我是江東陸居士
不妨長柄問壺盧

西埂遇雨

雷殷雨未來
舟人艤前渡
鷓鴣拍拍飛
帆影接深樹

秋夜遊介園

風颭煙條帶月斜
聽鐘尋到野僧家
入門怪底旃檀味
忒利偏栽鉢特花

樺燭當風導夜遊
莓荒石逕闕深幽
蛩吟雁唼陂塘淥
併作西沽一味秋

暗廊風葉戰秋心
露坐林陰對暝禽
高下池臺濃淡綠
不分明處望偏深

鞅掌勞薪處不遑
故園喬木蔭千章
回頭試向奚童問
可似吾

家款竹莊

畫樓晚晚駐春多繞砌葳蕤鬪錦巢風定涼生人撫檻幾痕乾
雪鷺鷺過

菟裘一粟枕通津觸撥香禪悟契真欲倩畫師摹粉本臥遊差
勝疊車茵

喜侍御和

精額贈荔枝

何來青雀舫遠送絳羅襦海月隨潮滿晶丸拓掌無色香都未
減朱紫格應殊一品誇腴美君謨譜舊圖

津淀詞六言

賽會鵲絃初作嬉春線帖全停郎待桃花港口妾依楊柳村青

桃花口楊柳
青皆地名

慣種豆萁一頃盼收禾黍千塍學得江南栽植西風擺蕪初登

天津向不種稻始於明
汪應蛟傳江南種地法

東沽西沽淥漲南客北客船歸亦有季鷹秋興稻田紫蟹初肥
風急溼花飄影堰高煙樹搖晴正值鄉思無那玉盤捧出空明
倘入五都郊隧韎韞珊瑚木難番舶連朝應到僚奴時相風竿

雙塘

松牌柳驛路程程亭埃單雙管送迎船底水聲篷背雨征人聽
得最分明

流河驛農家林亭頗得幽趣來時曾艤舟散步歸舟復
經其地溪柳搖落秋風送涼感時紀行復題二絕

林陰層構蘊飛螢柳栗曾拖步晚晴瞥眼驚黃染疏柳溼花依
舊水風聲

瓜廬掩映帶坡陀燕燕差池尾掠波稻刈葵烹場圃淨柴門雲

水較前多

蔡村卽目

蝸殼三間屋牛闌半畝宮
牆隅紅棗日場圃白榆風
乞米欣鄰富扶衰望歲豐
有田空負郭對此思無窮

青縣雨夜維舟

一片空明影檣燈照水光
蛩喧官渡寂雨歇夜船涼
客子看衣線家童裹餽糧
歸期知已近喜色上眉黃

青口舟夜不寐

天地醺雞羶蹉跎少壯身
眈昏窗送曙心亂睡驕人
許靖感羈宦郝超懷隱淪
攜魚更沽酒聊復樂吾真

夜聞河聲感成

沙棠卻艤分流處湍激時
聞漚漚鳴彷彿翠微山
寺畔松篁琴

筑夜泉聲

子于甲戌歲秋日曾宿翠微山龍王堂聽泉

東光道中懷柳東

擁笏深居有所思
驛亭誰伴詠江蘼
盧舟輪轉敷功日
矮屋文鋒苦鬪時
鵑盤秋瞻奮翼驪
驕得路聽長嘶
月鐙毬舫春關會
伫待簪毫步鳳池

東光縣戈公墓臚舟讀碑陰因紀其事

公諱瑄字良玉前明南京刑部

書

苔花蝕鼠扇樵蘇毀封樹
遺愛猶在人百載動傾慕
我戈向書嘉隆贊機務初仕
嵩縣尹盜礦苦狡蠹芻牧尙
谿刻什人嚴禁錮韓宏贈百
繪廉范歌五袴更敢逆鱗批
語直侵星婺舞籠萬妃恣豔
煽蛾眉如牝雞穢帟帷龍祭
危國步吳船花石綱蜀錦鐙
籠賂婦寺貂璫徒奔走腥羶
附公披白簡霜鷹鷂逐蠹兔

未噪東林名已干神廟怒甘受午門杖肯惜宮輪汗鍾阜慨投
閒鱸比神羊忤決獄雋不疑立朝呂大度英聲欽籍甚中外萬
目注凡此政迹賢實紀非諛墓殘碑三日讀野港征帆駐我嗟
馬鬣荒誰扶翁仲小惟餘片石心鬼神密呵護何事懸魚者癡
心鳬雁鑄壙宇極雕鏤傾頽等朝露好白厲廉隅漫枉龍位固
君子澤及深下馬悲行路身雖沒草萊論自昭竹素寒烏鳴畢
逌搖尾似圓悟解纜墟煙昏蒼茫渺迴顧

八月十六日連鎮舟中漫興

纈紋未啟宿醅濃漫倚匡牀巾幘慵仁月倘逢蟾影桂聽秋恍
對鶴巢松青黏教製新丸散紅籀旁搜古鼎鐘頻借圖經吟畫
壁翻欣于役日蒙茸

安陵道中

玉蟲紅綴照山屏
痛僕酣駒喚不醒
金粟香招千里夢
半帆涼雨過安陵

安陵夜雨

古驛飛淋露
帆裙撒粟繁
岸蛩如有藉
越客默無言
氣滯秋榮溼
聲兼涼葉翻
濟川舟楫備
泥爛任荒原

雨夜聞鐘

窗暗鐙涼水氣濃
布衾幽夢石壇松
寒山一別秋風老
不聽霜鐘聽雨鐘

廬家園晚泊

三十頭顱霜雪侵
天涯牢落濟川心
浪仙漫乞黃金鑄
斂戢光芒入苦吟

舟夜懷松亭弟

鷓鴣歸舟通潞水短衣隨扈屬車塵對牀一夕嗟分袂可要天
驕認鳳麟

澄碧堂深風露香餐英擘蠚負花黃藥韃端拱帷宮肅驪裏驕
嘶蠚蠚霜

寄懷鄭生

春泉

有憶風流鄭子真別來柿葉著霜新烏篷幽夢銅坑雪瘦蹇孤
斟漏澤春襟襪青衫辟書記清狂玉麈作談賓好稽小學研蚪
蚪法物教搜寶鼎淪

昨託春泉代覓曲阜
顏氏古鼎彝數事

晚次泊頭鎮

綠楊如薺暮浮煙傳語篙師好艤船雨愛鷺黃盼沽酒我思繭
栗羨歸田

馬頭疏雨澹秋銓牛酒相將感驛丞拍拍一牀驚鷺起蘆中知

有小車停

馮主簿遣人存問餽食物故次句及之

舟次德州養恬觀察

福泰招飲偶話春明舊事即贈

桑梓相逢契誼親綺筵絲竹俎芬陳襟懷雪亮無淹牘讜論風

生重憲臣錦纜燕京頻轉粟

漕船東省最先抵通

衣鵲嶺近頒春季方

難弟聲華籍助閭山來集鳳

薛公兄諱德泰鹿官閩中方伯

回首觚棱意惘然鞞黏霜影共朝

天側聞韶濩華鐙畔

喇嘛庫堪皆養恬享之

班領羌渾帳殿前

紫光閣每歲筵宴蒙

古薩琿諸王公

雪嶺豐貂酬贊普渥洼神駿走先零四夷掌故

君多悉親炙同懷賴友賢

十弟松亭與君同官理藩院王會司

和張兩峯途中即事雜咏

含櫻芬洞腹鞭笞迸山筋令序其云邁于邦效克勤馬嘶虞嶺

翠鶴戀舊池羣伐鼓揚旗去旗亭路正紛

轉粟青天上其如濡滯何
奴星行李送祖帳酒杯多
茶夢西神接衫痕向子過
婁江波咫尺迢遞抵銀河
舟至無錫秦小峴侍郎招遊惠山淹留竟日

中道行旌轉重探鍾阜春遠教輸粟使晉謁剖符臣令發從風

速絃更別調新誰言卮少當補罅自迷因

今歲有議減漕船幫費彌補虧缺之議

維摩容小住腰笏約齋鄰白髮嗟詞伯青山弔故人庭空老壇

坵館閉小平津子溥松猶植從誰問字頻

予向借居五松園湖如新逝因借居於承

恩寺住

明月揚州郭垂楊繫纜初篠園翻芍藥翠網冒鱗魚李郭扁舟

去歐蘇勝迹疏此鄉鹽筴富仰屋漫欷歔

競渡吳趨盛淮陰宴賞同鯨鱗翻的皪鼉鼓聽朦朧趨捷猱升

木飛騰鶴唳空衣香人影集柳岸白沙融

五日艤舟淮上觀龍舟奪標

守牖復放牖終朝有底忙魚羹鮮斫膾鳳餅碧團香傳舍經鳧
嶺瓜廬寄雁鄉孝廉鄰舫近銀鑿日徜徉

任重驚榮寵心平泯怨尤文書遮老眼琴鶴伴清愁側笠疏吟
社支筇負雋遊寄言頻問訊三徑菊荒不

記得山塘路楊花撲馬頭綺羅誇越絕鐙火敵樊樓邀月剛逢

雨行春趁踏秋吳俗中秋夜泛石湖名踏秋行春橋名扣舷歌阿子浣沐幾曾休

籍甚張夫子春風正滿頤楞嚴常供奉塵垢可超離契洽談猶
劇名高榻屢移汪洋欽叔度攸往自咸宜

夜宿臺莊驛江淮衛千總遣餘丁十人來舟次支更以

防夜警

月黑殘亭堠荒荒但澤浦特教諸廩卒權爲作鈴奴文八蛇矛
舞三更雞肋呼知方兼設備高枕戒心無

泊舟武城城外水木明瑟頗極煙趣沽酒買魚榜舟酌
客不數斜川之遊題以寄興

絃歌古都邑清倩景足喜夾岸樹森森抱郭波瀾瀾漁莊半緯
蕭高下疏楊底扁舟疾於鳥出沒浪花裏紅衣舊釣圖貌出睇
古李延緣意彌窮短櫂黏沙艤秋筐賣楂梨水罟截魴鯉呼童
就船買玉尺拋砧几擊鱗芼芽薑烹飪燒折葦飯釘棗栗偕草
草設酒醴談諧雜嘲謔脫略二三子有時攀香成秋蛇驚壓紙
竇從南皮游高興差足擬鳬鷺有盟約扣舷驚不起

橫河口處前韻

青絲拖水柳翠毯展風蒲藻弱藏魚婢霜寒憶橘奴路生逢客
問飯熟隔船呼水木清華湛蒼溪得似無

余與石農交誼最深濟其近况深媿縣簿石農自書楮

語爲謝賦此奉酬

河塹荷鋪媳無文手挽狂瀾老策勳澤國未銷蛟蜃氣騷壇欲
斂鸛鷺軍交情濃若投膠漆宦味閒於出岫雲明日江湖惜分
袂丹楓烏臼落紛紛

賣餅家

板屋沿流直青帘帶柳斜餌香誇疊雪簞烈豔堆花映日捫禪
龕當風亂齧鴉誰言好顏色多在餅師家

路出清源遊大甯禪林

寺建於唐極宏壯乾隆甲午王倫賊聚於寺閣遂遭兵火今大毀尚巋然獨存僧言在昔賊於寺中殺傷甚眾牆壁間血迹猶存因作此詩紀之

晴曦杲杲明征衣沙棠孤寂羣侶違竹輿嘔啞竟初就獨尋古
寺穿晨霏天高氣肅林隴靜棗顙紅倒綠芋肥橋迴路轉巷幽
邃墟市未遠人聲微東西兩廡設茶肆大雄殿闕中崔巍舊傳

畫壁最精彩天人玉貌儀可威曼胡纓垂繡鞬囊羽葆環衛黃
金羈日烘雨剝劫火燎黝粉墨形影稀衲言蘭若極壯麗龍
蛇陸起潛戎機尤來青犢揭竿擾攘竊州郡窺京畿強據琳宮
作封穴錯鋌疊鼓麾妖旗

聖皇神武赫斯怒檢徒率旅天戈揮兵車桓桓師翼翼槍珠
礮火霹靂圍沸湯沃雪就殄戮日月光耀螢燭輝崑岡玉石付
一炬貞元佛剎成灰飛卽今遺臭未湮滅血痕狼籍塗牆扉駒
奔電抹四十稔兵燹畏說還歔歔邇來轉漕下臨口採風詎肯
遺葑菲我思曩昔突巢獍撫字那得辭厥非斯民秉彝豈不具
要在挺險迫饑饉稽首南能發願力禾稼蔚暢民無疢長沙星
靜燧永戢鼙鼓軒舞宣鴻徽

八月廿九日登臨清舍利寶塔

窳堵淩井躔矯首時睇緬締構果何年殘碑剔蒼蘚
塹埴爲枿拱粉棹壘七層會須無盡夜然起萬千鐙
螺梯盤未得絕頂怯風涼海岳雙圓照都分舍利光
孤立全無倚艱辛厯劫灰支撐天一角莫笑鈍如錘

臨清道中

秋陰鬱鬱溼炊煙雞犬茅茨壓柘邊
鷺地一星明遠渡誰家打槳送租船

短牌松驛帶寒煙紅棗邨墟夕照邊
一簇檣竿森蝟刺客船多過釣魚船

檣竿風燭裊樺煙振觸歸心斷雁邊
記得去年吾谷住菊花插帽鶴隨船

北花園

風正峭帆挂舳舻前後望秋灘蘸波影遠樹媚晴光棗熟深含
日蘆荒迴得霜博平饒古蹟蠟屐試相羊

王氏林亭偶成

精廬妙構隱通闔窠石叢花帶蘚斑半日驛程閒意味奚童蝴蝶
捉花間

同懷弟法良校刊

男崇福謹校重刊

抱冲齋詩集卷九

長白 斌良 笠耕

句吳轉漕集五

東昌道中

歸思近何若
焚蘆已著霜
愁拌齊瘦結
身羨越禽翔
夢隔江湖闊
秋回天地涼
高樓陟光嶽
曳練望吳閭

舟泊東昌望光嶽樓欲登未果

青帝所宅震位崇
巖巖氣象凌華嵩
陰陽闔闢割昏曉
富媪孕碧延崿嵒
雕鐫造化青未了
紫翠變滅東海東
博平樓觀屹然向
妙構不數般
倂工粉櫨高
礪硯礧鏤瓊
棖丹拱真珠櫳
扶桑雞唱靈景曜
瀛塹燭照光
臙臙扉明玉女望
窈渺榜題章
誕驚心忡不聞華
鯨吼午夜仰見鐵
鳳鸞晨風想像俯瞰煙九點徂

徠臯繹部婁封詎知坤軸鬱靈脈岱宗一氣開鴻濛次寥穹宇
睇莫極我來正值鶉火中魚鱗埽盡鳥革見苦思柳栗梯長空
蠓幢遮道吏卒守可望難卽壺嶠同藥珠闥苑豈易到聲聞咳
唾金天通幾年奔走困塵壚襟懷茅塞嗤吳蒙會須振袂躡絕
頂屏除六鑿吞長虹昨者防秋駐河上呂梁直下驚潯洪其魚
雖免灑沈歎宣薪湛璧終無功量移江左督輪轉豈有籌策追
牟融垂魚依舊竊光寵天之施我祿已豐螳臣蝨處媿無狀欲
排閭闔舒深衷長風引去又解纜夢魂常繞清虛宮

小築

小築幽棲屋瓜壺得地偏魚情藏藻密鷗夢抱沙圓霜樹丹黃
本青棠去住緣傍花村畔路籬菊燦當筵

官署口雨中懷馮柳東

草隄泥滑滑柳隄雨昏昏遠客初停棹閒農早閉門菊圓羞短
髮桑落趁孤尊藻思淵雲竄匡居少共論

開河曉發

鳧雨涼宵徹平添古汶流癭槐凋兔目蘭筍憶貓頭
松江蘭筍山產筍最
佳行藥無丹井飛觥有白樓滯歸緣待聞蒼兕可知不

過張秋鎮惠顯祠

勝朝宏治歲甲午陽侯割地蟠水府鯨鯢舞出汶流溢赤子魚
頭昏墊苦爰命臺臣雜寺璫寘薪荷鋪勤宣防捍災稽古重禋
祀東邦泰時陳烝嘗代謝叢祠就荒落壁畫昏昏秋雨剝松花
滿地無人收蒼檜半枯巢鸛鶴過眼風鐙四百年瘦筇引勝復
流連茶瓜漫乞豆腐供殘僧貧到寒無氈

九日順風過戴家廟

落帽狂飈憶孟嘉
題餽賦手敵劉叉
分明續出庾郎賦
楊柳青旗一道斜

舟中曉起複窗未啓殊覺悶悶偶述

玉荷光闇雲母紙
混沌未鑿差相似
柳牌松驛第幾圖
放溜乘風挂席駛
煙中枝櫓聲伊啞
如訴離緒思還家
鱸魚霜飽未歸去
辜負石梅圓菊花

自潞河放舟行千餘里至東阿喜始見山色

豆子航邊打津鼓
千里始見青岩巖
空翠離合忽遠近
蔚藍淺染裝池縹
郭熙官畫神理超
山魂如睡秋刁騷
東君知我苦寂寞
幾彎蛾綠相招邀

謝洪石農贈自製山水幀子次山谷錢穆父贈松扇韻

煙燴烘託欲離紙
松碧峯巖石谷似
簪紱之中見老蒼
翰墨甯

教數餘子潞亭鼓棹菊露寒簷窗一角東蒙山玉鴉又展恣游
臥肯設寒具綿緇閒

龍王廟放舟

高據建瓴似銀濤萬斛傾窗明知日上舟簸報潮生柳碧仲家
淺蒲荒亢父城征帆飽風順屈指計江程

分水龍王廟前艤舟得八絕

中流擇地拱橋衡壓脊叢祠矗繡甍目况鄉心廟前水半分吳
下半瑤京

夾河高岸深疑谷搖落西風柳萬絲壓檐烏菱就船買瓣香親
薦少陵祠

戴邨遏汶築隄陳利漕通津冠絕倫創代奇謀資獻納功名偏

屬白衣人

謂白老獻策築壩

豐碑薛涇樹扶疏捍患勞臣俎豆虛日暮水仙祠下過振衣先
謁宋尙書

船窗晴暖對蘭亭如吼河聲腕底騰又向濟州行待聞吳興丰
度至今仍

麻泉因依岡阜邊乳桐彷彿嶧陽嶺愛他碧繼翁閒適沮洳求
魚足屢拳

子魚通印野鳧白山楂果红柿顙黃箇是齊東好風味水窗買
就老饕嘗

縋幽關險法韓蘇前輩騷壇得嗣無閒看殘僧洗苔碣旗亭韻
事待摹圖

庭有沈雲椒程叢園聯句五古詩碣王夢樓手書涇沒塵埃中字半漫漶僧廣布汲水洗剔始識顙末

秋日過濟甯遊南池謁杜少陵祠

梁山從事播華簪未遑飛蓋臨池南清秋轉粟亢父里榜舟登

岸窮搜探相羊羣展約吟侶童背古錦行趨趲藤枝舊號木上
客茶具更攜都統籃入門原隰淨疑埽猗猗莢階次垂毵毵喬柯
廣陰綠雲合虹梁遠跨白石巉抱城一碧瀉滑笏循廊四注周
迴含荷莖枯萎蒲稗亂掩映略約搖髭鬚菊苞霜藥日卓午萍
涵天影詩哦三翼然亭樹瞰寒淥癭瓢旋汲泉芳甘少陵祠宇
古春閨清淨不亞蓮蒲庵未瞻飯顆色憔悴塵凝栗主畱孤龕
緬昔天寶坐荒譙帘帷豔燭穢德慚阿舉玉環播中外纖兒假
子恣饕餮阿濫堆歌動鞀鼓青騾蜀道奔岢峒嶺豬龍西京僭攘
竊李郭贊畫亂始戡苟非靈武嗣大統臥榻幾爲他人酣先生
遭際亂離苦感憤郡邑悲食蠶飲噉眷系社稷重麻衣雪涕憂
心悵陰何詞賦契稷志詩人例之誠難堪朋簪閒盍二三子說
詩論古時誦誦鳴蟬洗馬豈斯地撫拾遺躅資叢談何事任城

許主簿附驥名譽相交參盡臣奕禩企仰止摳衣展拜增嗚唅
白樓對峙足千古文槐帽脰勞眈眈

謁仲廟

塵閣雕楹閣古春氣雄袞袞望猶神升堂問道羞談虎浮海興
嗟等獲麟負米養親悲婁子結纓効命泣孤臣菊泉手薦摳衣
拜膺服身兼智勇仁

晚抵南陽聞

夾岸蒹葭翠毯鋪晶丸一顆傍帆孤煙波涼沁閒漁夢蓑笠相
於陸瑁湖

柳汊菱塘冷露面鳬雪月裏望巉巖生憎古開關鍵遏鳴玉淙
深報落帆

山月四更風吹斜眼昏寒霜似籠紗疏鐙紅映當墟而芋火茅

焚夜煮茶

郵亭百里順風貪下坂銅丸脫鞍驂寄語篙工休繫纜蜀山明日買魚籃

北人多蓄螻蛄於壺盧中聽其鳴聲以爲戲因題

小正曾傳螻蛄名綠衣趨捷鬪身輕雨昏沮洳煙痕薄杭熟町畦暑氣平側耳縹絲喧織室驚心戛羽是金聲匏瓜細縷深藏貯兒女秋村暴晚晴

微湖道中戲效宋人五六七言體

湖影晶匳拓隄痕寶帶環澄泓少涯涘空翠接微山

蘆穗晴誇秋雪蓼枝涼蘸疏紅彷彿楞伽西麓須添翠堵玲瓏晴光健客意騰騰曖曖林塘草閣層一箇閒漁偕鷺立靜看嵐翠落寒罨

南陽舟中漫興

畫靜晴絲舞 天空雲水寬
蒲葦漁滬出 霜罩鴨陂寒
釀秫求新法 精庖按食單
深衣任容與 簪盞有清歡

微山湖

蒼雪芊緜景微山 得似之霜澄漁夢冷
湖闊鷺飛遲 遠引蒼茫意 狂歌播諾詞
蓴鱸圓柳約 牢落動歸思

韓莊道中秋興

涼蜩斷續隔溪聞 小汊蘆花壁絮紛
瑪瑙天空橫雁陣 琉璃波軟宕魚雲
峭寒子夏裁 絲帽薄醉羊欣寫 練裙滿擬持螯聯菊
社心期寥落悵鷗羣

韓莊聞謁湖神廟暖翠閣望微山湖

叢詞樞謁辦香 留雲溼甌香 小閣秋帶玉 一圍金埭擁 韓紋萬

頃笠天浮周遮嵐影空涵黛變滅湖光漸沒鷗濱蓄功高資利
濟漫攜琴鶴導清游

新聞道中

雲際當風燭驚灘獨夜舟亂山圍古驛寒月照波流鎮日魚榔
集三時畫鷁留江湖感遲暮霜雁碧天秋

丁家廟開舟中漫興

春水誠齋宅

楊誠齋小舫
顏曰春水宅

先生偶借將叢書探漢魏法器辨周

商行役三時久均輸千里長關鍵過八閘挂席卽江鄉

題慧上人金山受具圖

平生五嶽清夢纏履約未躡意已先神遊八紘尻輪旋甜如食
蜜周中邊雪眉老人頰面顴正法眼藏匡廬巔澄江練曳華紋
漣中有浮玉高峯懸芙蓉孤插石筍孱銀盤捧出螺髻拳虛無

根蒂潛廬穿斷鼉戴負躑踞腴總括趨欽相激濺阿那蘭若胡
絲延豆房雲構壓樹偏佛圖終日對石宣塔鈴代語當風顛六
時頌誦貝葉篇駕鵝鰲龍女媽聽講繞座惘恪虔瀾翻舌本
菩薩泉諸天花雨飛蹁躑蜩蟬今古迷往還當頭棒喝悟竺乾
蘄王鏖戰江水咽鼙鼓聲震蛟鼉眠猙獰惡趣獅猊挺蘇公玉
帶畱彎跽箭筈機鋒鬪捷便貪癡膠滯魚簞釜一切恐怖歡喜
緣殘籜埽盡狂飆前烈焰中吐清淨蓮肉人跳出些吉天度彼
同超大願船曹溪法脈衣鉢傳江空月白潮音圓頓漸心印無
拘攣不須面壁參十年出門一笑看長川繪圖索句藏青鴛逸
事堪補珠林篇獼猴走送霞光箋使君捉筆心茫然鈍根力破
金剛堅道在腴底奚求焉執柯伐柯取譬專阿師卓錫泐澗壘
蕭然經拂隨雲遷妙高暖翠空雲煙齋房儼作行人塵芒屨未

踏香火田而我讀書非真詮刻藤潑墨形尙全譬如無畫意更
元黃檗偈子柏梁篇蜃樓結緣青紅填非臺非鏡魔自牽作如
是觀固慮捐虛空不離馬祖禪他日雲閒問瘦權

輓蔣于野莘

蔣翊賦遊仙披函淚滴箋詩畱東野迹星隕少微圓菊萎霜三
徑烏嘯月一天山陽經舊宅惜未結茶緣

高揖西神別人琴杳莫聞子公推上客元裕續遺文近編輯蓮
宋詩話

社悲宗炳芸齋憶陸雲墨花渾似溼忍看舊羊裙

門祚今誰託斯人未可亡敬姜勤紡績寶石鬱佯狂

于野弟蔣
蔣山素撰

疾鵬鳥嘯何惡河魚疾不祥栽培蘭玉小屬望嗣書香

奠寢心空切生芻願未酬素車蒿里曲總帳草堂秋志銳沈疴
諱緣慳半面休銅坑花似雪無復伴清遊

候仙聞

津吏橫如虎關鍵古聞當湖山入齊秀雲物得秋蒼瘦塞穿楓
鴈寒漁隱石梁琴書滯淫久縮地憶長房

東魯道中舟中偶有見聞得三十絕句

汶沆瀾蓄古波濤八閘關鍵板築高今日方知津吏貴艤幢進
退竹符操

巨口呀呀雪沫侵河魴買放碧湖深養成鬚鬣雷門躍如願甯

懷欲乞心

微山湖見賣大魚長五尺餘鱗
甲飛動頗含神氣因買放之

濟州待聞趙吳興禊帖閒摹筆有棧柁福驀開人拍手長年報
道晚潮增

揚州人語態婀娜燈貢船邊艤榜譚問道幾時鄉井別藕花香

裏月初三

路遇揚州貢燈船知其起於六月初三日即放
棹北行迄今八月尚儀舟臺莊水程濡滯可知

披裘邏卒振風鈴木落寒霜古驛亭
眞鑒我偏尊此老萬家酣睡一人醒

朝過城市晚煙霞畫舸相於到處家
一事衙齋驚見少賣花聲隔碧窗紗

小舫打頭低過屋簷窗集几一編橫
生憎高埭如深谷遮斷華

紋萬頃明

微山湖岸築甚高運河舟中不見湖中煙水

酣餉倦僕觸山屏飢鼠跳踉夜瞰燈
宵小不圖河上眾誰聞鄉

社任依憑

船艙鼠甚惡篋中書多被嚙損

櫂頭雙槳蕩波光肪玉晶瑩雞卵黃
搖曳一竿青旆輒清漂貯

甕壓船香

瓜皮艇子參魚鷹縱擊纖鱗驚浪騰
衙得魴鱸老漁奪空干羣

怨利何曾

南陽雲水愛清幽
喜小塵沙眯客眸
荷蓋殘時無釣艇
楊絲疏處結瓢樓

加上虞人挂破簷
娥隅奔竄鯉鮪騰
網疏畢竟能容物
此意芻蕘喻未曾

童童羽葆訝樓桑
蒼蔚濃陰翳夕陽
石案巨鑪風趣古
一間老屋祀龍王

對翻銀蝶傳庖膾
高挹金波法釀春
近日南烹似詩格
不求真味尙清新

一壺檣竿刺蝟如
傭奴負販日相於
煙波深悵無同調
鄰舫有人宵讀書

茆檐偶聽村農話
勝讀幽風流火篇
麥餌價增寒具小
歲時爭得及當年

錯認江湖載酒船凡將莫辨字奇零金根伏臘知多少偏校休

嗤不識丁

千總廣煒見竹垞江湖載酒集詞誤作小說借觀竟口不能辨句讀戲題

鰕鬚誰摘向蛟宮滉漾簾波映綺櫳底事趨時無上乘內中瑩澈外朦朧

亭堠摧殘傍瞭樓水郵近接古徐州耕漁異地難爲用釣艇撐過晚渡牛

兀坐支頤意鬱陶閒中齊物學莊騷琴書滿載扁舟重汶泗源微兩岸高

丹黃樹色飽霜妍隔浦人家枕岫煙貌出秋山行旅意羸綱氈笠晚晴天

坐裏潛教髀肉生借將款段傍崖行馬頭爰業鳧雲碧相送猶含舊冶情

園疆自固漫相參越境如何忍食蠶界首柳陰同蔽芾半遮東
魯半江南

新登穠稔稻初芟老圃閒情迴不凡鳴玉聲中聽耒耜青山影
裏數歸帆

羽毛齒革南中產欲報瓊瑰力不勝棖棗植梨烏稗柿薄將方
物遺詩朋

青衫落拓憐矇眵阮高歌綠蔭邊野語齊東偏動聽看場人
壓一規圓

八十殘僧霜滿顛咨嗟話片時緣自言未向廬山頂可悟南
宗雪竇禪

臺莊夾岸柳毵毵半掩颿裙半挂驂好勵循聲如白水聽他流
到大江南

抹月批風翫裁詞源峽倒筆花開吟成便付麻沙本牛馬從
他自喚來

閱歷功多詩境幽癡人動筆想千秋巾箱新詠高盈尺莫作歌
謠當紀遊

題王石谷畫冊

輕研螺子寫峯青雲壑茅茨半掩局我亦有廬深竹裏秋聲那
得雨窗聽

石梅曾踏翠嶙峋翰墨神奇總逼真巒岫欲飛雲似溼服膺烏
目老山人

琴書濡滯不知還翻寄閒悰綃素間記否催詩涼葉路頽雲潑
墨米堆山

石林莫負號知宮吳越名山赴瘦筇割得支硎藏篋行何傷廉

讓舊家風

推江左諸名士

一〇五

同懷弟法良校刊

男崇福謹校重刊

抱冲齋詩集卷九

長白 斌良 笠耕

句吳轉漕集六

晚抵匯澤聞艤舟柳岸偶成

肯堂堅築基作詩貴創意擴撫陳腐言余最附會忌譬彼食蛤
蜊了不得真味奚童笑問余何則可言詩點綴躋旅況助我播
搭詞邇日吟侶稀柳惲京雒住蘆汊水窗開商之鷗與鷺鷗鷺
有夙盟點頭似心悟伸足踏圓沙章成擬七步

宿遷道中感成

偶聽篙師捩舵談郵亭境喜接江南寒催菜把堪藏窖賤買魚
苗動滿籃前路更無高閘阻大家未免故鄉貪金闕早繫青絲
紉到及華封正祝三

九月廿四日萬家莊舟夜

風色暮凌兢神癡儼凍蠅廚娘轆轤金竈婢炙簪鐙素魄隨潮
減青綾入夜增明朝看篷背應染薄霜層

行過黃林莊終日喜無客至晚抵泖口停舟偶作

乍解青絲紉荒郵少客尋席平秋水淨邨隱夕陽深倦客隨寒
雁歸漁帶暝禽霜華冷前浦寥落動鄉心

晚住萬家莊

漁鐙如豆閃煙蒼犬吠聲中繫纜忙茅屋幾間秋樹裏路人偏
說萬家莊

密灣雨泊

風蒲衰柳響秋灘曖曖涼雲釀薄寒圓笠短蓑衝雨去入圖風
雅著身難

泃河口見策蹇十數呼船爭渡戲題

蠶爾如何逐隊行
踏波銜轡舞跳跟
莫嗔三紙無驢字
博士於今署券忙

雙灣喜晴

夜雨舞淋浪
崇朝颺母長
蹄涔認牛迹
篙眼亂蜂房
天碧晴光媚
沙明水氣涼
眉間黃色起
呼僕整歸裝

三灣道中有懷

滑笏秋波瀉
菊潭滌洄沙
港疊灣三阻
風滋味今宵乍
聽雨心期舊境
諳雁背尺書通
漠北馬頭衣帶
界江南亭皋柳
暉工秋詠待賞
經霜榭葉酣

夜行三鼓抵宿遷關

夜涉勞三老
寒煙蝕瓦亭
犬信村寂寂
鴉歇樹冥冥
波影檣燈

直風微岸草腥當關麗譙報明發待揚舲

宿遷關放舟

鼓楫乘風駛嚴關眨眼尋水消隄障日霜薄樹留陰秋蜩黃過
栗生魚白似鍼豈饗鱗介細歸喜近江潯

晚抵楊家莊

厭壤燕齊別淮堧第一程糟牀連舍注鈴馱滿街聲旅食黃鮓
賤舸船赤馬爭司空佳語協日落大河橫

將至袁江盼秋榜佳音不得有懷馮柳東

亭堠清淮接秋原秀橘植潮生沙汭蝕風轉布颿斜裘薄霜威
肅書遲水驛賒錦標誰奪得逢客問京華

謁惠濟祠恭和

御製原韻

碧螯華棖鎖暮寒叢祠雅拜古淮干鯨鯢影戢誠潛格飛挽功
敷力暗殫風閃靈旗瓊閣靜霜澄竹落渚田寬人神按節狂瀾
息保障全淮慶奠安

太夫人遣人問訊誌喜

驀停鄰舫櫓嘔啞報到長鬚至自家聞道慈闈眠食健頓教客
子笑言加爵縻漫詡輸紅粟陔養深慚負白華杞菊酈泉英正
燦介眉歸及泛流霞

惠濟聞奔流湍激因買籃輿至清江傳舍晚復登舟

心驚三閘奔流激暫下龍驤上竹兜遠避銀濤奔白馬猶聞雪
浪吼黃牛千金深懷垂堂戒盡室居然賃廡謀安穩布帆前渡
好二分明月十三樓

楊家莊渡黃挽入清口登岸謁惠濟祠畢晚抵頭壩止

宿

坤軸濫四瀆斯河信天險支流達淮徐星源歷蒲陝沙棠擊汰
迎白藏屆擎斂權郎上秋灘昂頭渡積漸放溜入淦泓櫓楫不
受檢魚龍恣瀼潏象罔舞灊澗壑涌黃山雲倒射白雨點涉川
守忠信戒盈箴慮謙官箴密殼脫飛橈金電閃濤剛踏瀾瀾壩
倏界垠陳奔深逝莫遏關鍵悶草广瓜邪已兩背屢屨戶雙居
腰環陟金門勇姬摧獫獫頤領醒乍醒懔惚夢解魔彼岸欣誕
登迴睇內猶慊護持神祐隆明禋敢懷諂鳥革瞰丹拱蛭脂煎
綠燄介徒震斯赫仙衛望之儼鎧鞞華鯨鏗爽櫛靈旗颭澗汴
羞藻毛瓟鋤薦菱芡拜首肅陳辭微臣腹固歉頻年感溯洄錫
釐不待祇治粟領都尉衣繡職叨忝軍丁肆饗養郡苦蠶食糜
禁治雜寬猛臨淵懷冰濂龍驤費心畫龍羹屏指染紅粟輸太

倉幸不官箴玷榮辱召乃身遑俟著龜冉雖乏烏臺遷差免僭
耳貶竭來轉漕還莞爾堆笑臉朦朧實安安宛若東泛剡音書
報謝安風華愧王儉簾沅鳳窩梧柏熏螺脫縈絲紉榜袁口烏
跋落桂苒晶毬耀檣鐙韓紋搖翠澈澄霜被楓林湖氣冒茶峴
緯蕭部屋低菰蘆秋雪掩洗耳聆淮流夢穩蘄州簞

福興下閘行

福興開口溜如箭人聲水聲喧一片材官傳語船下閘舟子拏
篙色勃變先以巨絙絡船頭迴環宛轉紮縛周石巉溜激吁可
畏釘稀板薄增牢愁欲落未落勢先作銜尾朦朧蛇赴壑百夫
緯曳上金門捩舵端相惜不發此際奔湍竟何若汞走珠跳影
噴薄激流滾雪浪翻花石鼎茶湯沸初熟上流水深五尺強千
鈞一落險莫當直疑檐霰穿階砌光訝飛泉瀉石梁萬斛滔滔

去難遏隨流直下何其速後亞前高鵠首搖康莊陡墮深坑谷
檣竿橫蠹底幾見柁樓冒出銀濤白怒猊奔渴箭脫殼眨眼飛
過電光掣篷背拍手人急呼絲纜輕犁拋卻無可憐性命關呼
吸縱卹顛危力莫扶君不見前舟觸石苴罅漏水入艙深厚莫
救又不見後舟浪簸枹樁折木杭飄流旋傾覆寄言火伴慎提
防休使鞭長不及腹道路危言滋惑深牲牢河伯禱駸駸涉川
利濟憑忠信不在祈神在制心

清江道中

去鴻來燕日喧闐黃篾樓攙驛柳煙畫舫春人歌管脆纏頭消
盡水衡錢

雁戶魚鱗比屋排緯蕭插枳便成街荏苒胥靖天吳遲依舊防
秋說守淮

舟橫百子堂待放淮關

疏楊亭郭迴極睇曉星寒慙馬分芻豆檣烏接飯丸津關曉虎
據旅客冷蜂攢官舫猶羈滯應知道路難

淮陰放舟

旃旆魚鬚脫霜清慨滯歸驚陳桑已落秋老栗應肥仲蔚庭蒿
滿泉明徑菊稀寒催刀尺動江上寄征衣

淮安大隄

倒從波底見層樓雁戶常懷蕩析憂直與蛟鼉爭窟宅誰鞭仙
石郭淮流槽巢莫異媧羲俗捷竹猶循郭汲謀不沒女牆三版
牘大隄權作子城脩

淮陰市

短碣苔封壁窠字大書深刻淮陰市最憐任俠侮鄉鄰英風千

禩傳佳事韓侯落拓飢來驅帶劍猶作熊羆姿少年鬪很死相
博懷刺擲揄要路歧此際王孫心獨苦市人誹笑甯足數蓋世
功基熟視中吞聲忍受須臾侮竟出胯下非真怯溝瀆甯同匹
夫狹從來大勇貴無爭韜晦精英有時發一朝南面兵符握立
呼儕伍官之爵笑看中尉拜眞王章甫榮逾刀鋸酷吁嗟乎蕭
相追漂母飯國士無雙幾人見叱咤重瞳用未能沈雄劉季疑
參半何況區區惡少年風塵特識具應難如何閭里屠沽輩漫
作賢豪一例看

邵伯道中

謝公遺古埭郡邑藉邱樊葭密繁霜擁湖寬遠岸吞波濤導淮
海竹樹黯江村五兩吹歸便猶堪賞橘園

過露筋祠

三過湖濱曲棲棲處未遑白鷗江館夢黃葉古祠霜家近書偏
數官閒味自長聞言多態出明發住維揚

訪吳山尊學士西園兼懷朱素人上舍本

軒窗臨曲水梧竹闥城闌駕枉平原顧交聯季重醕舉肥嗤俗
子談往益淒辛後約期非遠江湖的樂新

迂逕簞簞入頻來許問奇村迂掇英嬾足躡步苔遲博涉鄉媛
府衰停藥玉卮松涼雲海近誰助買山資

相過偏未值能事憶朱桓粉墨欽孤詣金焦約共看琴書欣有
託筆札寄無端一榻維摩病參茶悟靜觀

十七年前記沙棠泛碧湖虹橋春禊散梓澤舊園蕪淨淥搖詩
幌寒英點素書騷壇寥落久大雅望公扶

十月八日瓜口將渡江喜成

輭紅塵夢總含情
擊汰寒江十月行
兩點金焦靄空翠
北人臨渡眼俱明

晨起渡江

殘星如月挂林梢
鼓棹晨風趁早潮
畫角寒催瓜步曉
塔鈴煙語玉山遙
麥蕪繡野田塍錯
松枯緣雲殿閣高
瞥眼江南望江北
好憑霜信寄詩瓢

感賦

白哲通侯數妙年
紫垣聽履曳貂蟬
華堂磔鼠資明斷
芸閣雕蟲陋簡編
成佛媿居靈運後
論才高出建安前
松喬菌草難同調
韜養應看晚節全

金陵過朝陽門作

鍾山王氣黯消亡
臺殿全蕪草樹荒
牙將射鵰馳閣道
牧兒挑

菜傍宮牆差戟華表臨秋渚零落銅駝臥夕陽殷鑒勝朝遺炯
戒漫誇天堦鎖江長

幽居庵卓大師茗話題壁

淦淦巖岈壁絮紛筍輿迢遞踏秋雲瘦權松厂閒於鶴埽葉齋
廚煮白雲

過棲霞寺

石樓丹堊塗棲霞見寺榜原隰似砥平簪簞引幽往四山涼翠
抱蒼叟倚屏幌寒淤塞塘坳無復明鏡朗荻蔣掩略約臺榭雜
榛莽惟餘楊柳泉澄影碧雲瀆節逢小雪初山靜太古上撼撼
黃葉風吹落疏鐘響

十月十六日喜抵胥江

去帆梅雨溼歸棹霜酣漫說津梁倦還矜道路諳吏人連舫

迂賓彥執書探一角楞伽峭依然暖翠含

冠蓋如雲鬧神疲七不堪吳娃多靚飾黠吏總虛談驛館紅旌
蔽官塘碧玉涵賦歸應未晚飽食洞庭柑

喜老友江墨君蔡調夫至常熟

名紙乍看還似夢相逢垂白喜狂顛不圖良會在今夕只道劇
談猶昔年鐙暈半窗黃葉雨翠涼一角石棣煙醉吟慚愧多裘
蓋愁說支塘放溜船

自題石棣仙館

燕寢新開地數弓淨除斗室啟簾櫳木樨早悟瀟山偈籬菊寒
吹廊谷風坐暖香桃疑絮擁舊題瘦竹已紗籠紅窗小眼虛堪
拓一角辛峯拄笏中

丹徒道中喜晤王提督

得祿

鼓角油幢幕府尊蘭交重訂向江邨觚棱塵土連鑣憶甌越山
川聚米論龍節樓船拜王濬鯨波閭渤剪孫恩窮荒表士孤忠
慰帶礪通侯在及門提督係先大人在烏什參贊大臣時表薦嘉慶十四年平蔡匪進封子爵

夜過錫山

三過煙樊惜未登九龍辜負磴雲層晚堂鴛舍寒搗鼓宵網漁
村遠上鐙黃爛菜畦畱蠹葉碧潺蘆汊溜漸冰頻年泊宅津梁
倦雪屋山鄉聽幾會

惠山道中有懷

擊汰重看抱郭山朝衫輸與芰衣閒伏波身世遙同感湘浦相哈爾未回淮秦小峴少寇見慣漁娃渾不避賞餘雅
舅未全斑磨牛蹤迹泥鴻爪屈指星周十往還

順風渡江

椰帆風飽曲張弓，跋浪文魚掉尾紅。
岷廐一拳浮玉小，岷峨九派海門通。
時艱政恐初心改，才退詩偏近體工。
雪沫飈輪任撞激，涉川忠信契昭融。

夜宿北固寺

攤衾雲臥翠煙橫，粥鼓齋鐘引夢閒。
江黑魚龍噴白霧，林香獅象守青山。
晚參竹篋紗鐙冢，寒奏松篁水樂潺。
鶴警版扉來剝啄，下方行腳打包還。

江上大霧望金山

恍疑蜃氣結高空，狡獪公超作術工。
指點蓬壺方色相，妙蓮花涌隔紗籠。

夜宿由關

素練澄江滸青絲，纜夜舟寒森村巷。
寂天闊斗杓流物蔽心難。

制情牽夢忽兜再來應律改珠樹轉鐙毬

過露筋祠

大姑偷嫁汝南王白璧堅持獨左芳銷骨拌攪羣蚋嘜夢雲甯
效野鴛狂銀牀波定蔓青蝕玉座塵蒙翟莠涼吳越風趨太姚
治貞操畱範古淮長

高郵道中

畚鍤千夫困東薪覆孟俯首見城闔波然陰火醽更報版厯陽
侯雁戶貧漫作珊閣畱帶客卻爲璧社弄珠人風餐雪虐勞棲
泊樗散江湖羨長民

二喬詩

嫁娶英皇異丰標邢尹羣風流誰割據天下此夫君國士無雙
目中原一戰分阿瞞雖健者難攝越江雲

枯樹和昌黎韻

根本幽巖結風雷浩劫侵節堅癭瘤湧迹避斧柯尋槎朽甯維
馬巢安迴集禽絕無搖落感常此抱冬心

十二月朔夜淮陰歸棹卽事

柔櫓曳殘夢衣裳失旦明艱辛愁擔弛舛午鍊心平且任狐裘
詠誰持雀角爭黨人元祐習碑石漫題名

自淮陰放舟行一日夜漏四下達維揚暫艤小五臺成
三絕句

射陽陂畔挂椰帆三百郵程夜涉貪蕭寺鯨魚寒不吼一龕清
夢到江南

放酒沙棠飛竹箭著花天棘儼蘆花漫矜穩坐疑天上不及黃
紬臥早衙

玉鉤蟾魄二分留
水枕風鐙狎海鷗
萬瓦欲流霜
角脰鐵衾今夜傲揚州

龍潭驛晚發用彭甘亭

兆蓀韻

瓦瓶石凍春乍醒
颼颼威發穿疏櫺
霜花如掌糝驛亭
峯頭小月圓疑星
盤蚪幹偃翠鳳
葢旋螺紙醉金鷲
屏山城四扇兩當
跨豹霧鬣鬣龍涎
腥蒙茸結束挂鞍
去石火光中經兩
度誰識桓公搖落
嗟問取槎枒道旁
樹

自龍潭驛至排頭庵小憩

徑入龍安驛
天園合沓峯
凍雲慳雪意
官樹帶塵容
半嶺竹煙
滃一龕
花雨濃磨牛
前迹記回首
惜勞蹤

至麒麟門金陵山色甚佳感興

霜濃石磴澀莓苔
踏遍雲椒落葉堆
心事名山真酷肖
一重未

了一重來

肩輿中看山戲成

水松霜篠遠村環
蒙密林梢亞笏山
作吏心期與人別
翻教鞅掌片時間

晚出朝陽門夜抵龍潭驛口占

斜陽紅處出層城
到及龍安漏四更
無理峭寒欺客倦
有情山月照人行
犬狺深巷睡都熟
馬滑濃霜路半生
不是筇輿顛簸累
安便那識汎舟輕

由龍安驛延緣山麓抵橋頭感興

河流如帶抱雲根
柳意低徊碌碡村
深谷挾風喧灌莽
亂峯銜日變朝昏
紅襟文杏巢難穩
鐵牡皇華席未溫
羈絏丰裁殊不惡
玉梅春透曉煙痕

晚抵排頭庵飯罷月夜行深山中地頗空曠

香廚晚飯動鐘聲雨膳風餐護世城圓月正高峯已睡冰壺影裏側身行

雨中出鎮江東門過金雞嶺晚抵丹徒聞作

涼雨嚴關去馬遲紅旌霧溼影離披人行峯頂看猶小雲在天心測未知粉堞霜笳樓一角旗亭風簾柳千絲囊書襆筆頻來往津鼓聲中解纜時

宜興舟中雪後遣興

又作監倉露冕行風鐙津鼓水雲程買腴未遂蘇長帽寫翠還摹尙左生索笑久孤梅破萼支頤靜對雪初晴龔壺紫餅香新淪滌得詩腸越樣清

江井叔

德地

寄到鼎敦拓本賦答

繭紙凝霜翠墨翻
吉金篆籀等瑜璠
魯魚竟誤成侯墨
燕駁難求太保尊
潔養脯羞馨可薦
碧敷蘋藻溼堪捫
服膺澤古揚南仲
何日虛齋翦燭論

十二月廿六日雪夜歸常熟道中誌喜

其雱雪霰響廉纖
坐擁貂裘氣倍嚴
離思劇於松葉凍
圓鐙喜入蠟花添
碧涵槩劃鴉頭淺
玉戲雲埋馬耳尖
潔養南陔願初遂
垂魚舞袖樂相兼

古鏡

太古一規鐵神凝
秋水深照寒魑魅
膽空洞聖人心遠
道勞輕拭雙情費
苦吟幾時脫塵璫
日月迴昭臨

書鐙

牆角悲拋棄
心香自結春
光分天上火
閱盡案頭人
貧肯螢囊

藉低嫌雁足親縱橫五千紙無語鑒偏真

同懷弟法良校刊

男崇福謹校重刊

抱冲齋詩集卷九

長白 斌良 笠耕

句吳轉漕集七

雲物

雲物祥堪紀晴光暖乍逢門闌春盎盎渠溜碧溶溶照水梅花發繞城松翠濃頌椒樂無事且覆臘醅醴

初八日自常熟赴蘇

馬頭紅旆曉煙籠騶唱聲中淑景融都尉出門宜穀日農官按部試東風燒鐙節屆魚龍舞禡祝人多粉黛叢木瀆峯巔香雪湧可能乘興挂疏篷

婁東彭甘亭居士

兆孫

過訪卽贈

小隊弓旌拂水隈運租官舫遲君來江湖潦倒甘衰白天地雕

搜屬異才野鶴畸人成獨往
鯽魚名士漫相陪
觀空漸悟檀那
旨繡幃香薰錦騎開

勇開

勇開百石冠羣倫甲裏金創血戰身
幕府不聞長揖客
筵端舊是上廳人
暖俚燕玉春偏麗
謀祝麟徵願未真
甘向溫柔鄉送老
須知措大眼原貧

朱涇

艤榜朱涇渡東風釀雨生
隄遙煙冪厯潮激潤錚泓
蕭寺花連野篴村
綠抱城征程仍滯阻
誰識未歸情

自四涇艤舟雪後由陸至上洋

去歲梅芳媚晴杲
今來玉戲拂花韉
塗泥厥壤田登上冰霰
征程馬怯前涇粉樓臺
唐界畫披緜雲樹越山川
連鰲敢學任公

釣何事頻過碧海墀

山塘道中用昌黎韻

謾謾間湯湯松泉聽抑揚山寒互疏翠鐘慢更輕霜渴睡酒兵破方春衾鐵涼行旌數來往路不出吳鄉

胥江歸舟書懷

試鐙風裏別門闌草色裙腰綠繡灘一水可通家自近千艘都轉住應難文書遮眼齋新政鷗鷺盟心結古歡連日峭寒如有意少遲梅信待予看

毛竹齋自毘陵過訪話舊

賦別已經歲相逢老逼真官鐙聯舊雨破硯夢前塵厚貌因心敬酡顏得酒春梅花山屋白近喜結齋鄰

題康衢新樂府同孫柳君茂才衍慶作

壽宇延禧景運隆小臣賡續競呼嵩漫偕玉茗新詞讀刻羽移宮擊壤同

玉瑄雲璈翫裁斯年億萬祝春臺筆花染處非凡豔疑聽鈞天廣樂回

古縣邯鄲製錦新梅花舊夢憶西神衢歌不礙鑾坡奏天聽由來自下民

回首觚棱動隔春風鐙水驛潞河津何時側耳聞韶濩詔許螭坳拜聖人

二月十三日秦小峴侍郎

滿

過訪偕陳明府

文述

沈潤

生陳小雲二茂才同遊破山寺至維摩觀海譙畢卽送侍郎還錫山賦七律四首

蠟屐招邀大雅羣齋廚燒筍共論文茶香佛土宜今夕寒勒梅

花瘦半分詩尉高蹤幽竹籟野僧清話破山雲箋天有事君知否爲乞嫣紅護薄暝

六一扶輪仰別裁劇欣杖履此追陪拙身林壑尋初志得地梗枓出異才澱乳頃嗟塵海歷花神夢惹雨晴催豆房人影清如許白袷新沾竹粉回

蕭寺維摩隱綠天簪篁迢遞入林煙海波拂袖難爲水花氣撩人欲破禪鄉井未忘餘結習茶瓜小憩亦前緣寺僧與秦侍郎同里晚堂粥鼓催歸急乘興何妨便買船

水驛風鐙往返忙尊難得共相羊班荆誼重忘投老揮麈譚雄類學狂佳士景從來應阮故人星散感參商時論及王蘭泉陳默齋伊墨卿請先鍾情我輩遊堪紀待掃鷺溪寄草堂擬爲小峴先生繪生虞山訪友圖奉寄

前題意有未盡復賦五古三首卽呈小峴先生

東風醒山夢蕭寺詣興福修途迢迢迤迤悁脰延眾綠出郭屏簾
從遮迤徹鉞槩新安鄉祠隅暖茗閒品陸遊侶滯濡久老衲參
請數竹興導嘔呀粲粲振春服維時仲春交穀犬聆剝啄薺麥
繡町畦青羅裂全幅照意渠溜融漣漪風縐縠凍隴翠薺拙野
屋白茅覆得毋徐十郎茶肆枕山築篆徑靈蛇盤樗枏驚鴻翻
檀越溯土柔醪資助乾竺苞茂秩斯千清涼錫永卓鷲峯曲可
通蛾綠淨如沐佳境啖蔗然幻景敲乳倏吹萬虛籟喧併一清
響角是誰撓之鳴罔辨柏與竹紅泉幽邃淙翠雨半空撲行近
不見峯馬煩未出谷亭遠休宜三橋危木剝獨一杵墮疏鐘珊
闌雲外羸勝引遠不妨拖筇任往復

左旋還右折匝市峯巒環蒼巖巨靈壁精藍峙其閒緬昔龍戰
野石破驚天慳至今淵底水尙作桃花殷乳竇洩滑笏帶玉圍

彎跽才度龍澗一笑飄巾綸有唐陸居士蠆尾書法嫺經幢
迎面湧字蝕蒼蘚斑陟彼原隰淨罔惜足力屏野僧瘦於鶴拄
杖披榛營陰廊粥鼓搗聲振水石寔堂深佛意定風動旛影閒
賓迦挂雲架梵釋搖花鬘琉璃佛火中淡對塵襟刪槃辟學雅
拜珂玉鳴珊珊歲事祝咸登鼓腹康衢閒轉漕達丁沽萬艦乘
風還倉箱積如阜荀蘇香連山時和政自簡免致愁髮鬢我佛
鑒衷悃低眉爲破顏

言尋青豆房排席式文譙味屏肴馔濃餐傳美雨膳爨煙霽齋
廚茶香散僧院雜坐共論文劇談雜簪弁侍郎淮海胄古豔班
馬擅壇坫開吳趨靈光欽魯殿駕言自西神不憚旅裝辦放棹
新生水班荆古歡眷厚意薄雲霄款接愧褻嫚更有陳驚坐盟
交憶童巾東華輭紅塵聯鑣結芳援揖別十年餘萬事風雨變

一宰鮎上竹一第雕落箭有兒似蔡廓高名爲父先未展天池
鯤妙詠共梁燕錦帽沈瘦腰靜穆神禱綢長吟吐滂葩藉甚聲
華徧翬展集東南佳會洽歡忭年時歌鞅掌水驛風鐙颭正破
卽揚旌宵分尙理掾爲政雜寬猛因時爲利便剛毅愧牟融籌
策輸劉晏百事與心違牢愁無計遣賴有素心人襟懷皎秋練
文書幸稍稍浮生日閒半相將粹腳遊琴川門詩硯此事意差
强堯爾對賓彥

二月二十一日邀集諸友人同遊破山寺晚歸

蒼官青士森然立葉戰禽呼杳不分閒侶看山倚藤瘦名藍貪
話致茶勤晚堂粥鼓催巖月歸馬紅鐙照徑雲解事興臺闌唱
緩恐驚林下睡鷗羣

維摩寺

霧原頭遠見邨運租官舫近風度聽微喧

晚抵萬年關

野廟壓巖窠租船臨曲潯殘晷打魚浦淡墨晚鴉林落景低照
水好風涼滿襟關鍵層間阻牢落濟川心

窰灣道中有懷吳中諸子

岸柳浮煙重河流挾漲黃霞明通雁驛鐙閃認漁莊王事勞奚
恤鄉思引漸長薛宣東閣子精展憶相羊

微湖寫望

淡沱韡紋捲地流郝山晴翠一拳浮蘋花遠作鷺兒色涼沁鷗
夷浩蕩舟

南陽晚泊

引睇孱顏夕靄橫彎環月子趁宵征檣懸樺燭疑星點風戰菰

蒲作雨聲屬玉呼羣涼更靜
繡帶澣雪暮猶清不緣王事勞棲
泊朱邸伊誰識此情

開河道中夜雨

一雨炎歊淨高眠若有神
圓沙鷗傍客昏夜鼠驕人
素柰湖船夢青蒲野岸春
漲喧汶水發明日斫魚鱗

柳林間晚步歸舟

山字黃茅屋清熙古趣存
庭移漢陰甕竿曝阮郎禪
杞柳暗前浦棗花香半村
意行涼意滿眉月照蓬門

袁老口田家散歸

行飯臨高岸評茶棹小舟
天空雲自在風軟柳夷猶
蟲語似知夏牛闌欣有秋
相逢田父話槐蔭各科頭

晚抵朱家灣

柳埽長隄雁暖蒲倚篷澹對竹檠孤戕琴重理元音減舊句詳
披愜意無閒數蟲魚皆攷證靜摩彝鼎亦工夫從來同調原心
印雲水光中挈酒壺

靳口聞曉起

蘄簟涼宜睡廬舟晚更譁市聲驚客枕堠影度窗紗當暑二絲
紵行廚五色瓜長安如日遠終歲自浮家

延陵挂劍臺

誼篤無生死情高足古今純鉤君子佩宿草故人心獨鶴隨雲
化雙龍倚樹吟青青墓臺畔芳色茁星鐔臺產劍草

靳口聞維舟

嫩涼襲袂夏疑秋雨氣潛驅暑漸收寄語篙師須解纜水荇花
外艤扁舟

舟中遣興

坐愛烏篷底窗油散碧陰墨綠磨後短花就雨中尋脫腕書嚴
課嘔心句苦吟靜來生慧想雲意遜吾深

壽張隄上晚眺

雨餘蟬嘒清風柳接天碧長隄寂無人一路蹢躅迹

夜發戴家廟

吠蛤聲浮草明蟾影蘸波風行帆葉葉聞啓水羅羅溽暑宵征
爽騎懷晏坐多遠聆鄰舫笛絕勝聽吳歌

屈指

屈指論佳士寔區得幾人書名求益重詩格變逾新宦味鸞蜂
蜜鄉心鳳尾萼縣孤男子志何事惜勞薪

沙灣驛

古鎮說平安相過意興寬草痕穿石罅嵐翠壓橋闌嘯聚傳山
寇地近梁山歆香薦水官亦相傳大河衛備某領運至此舟覆糧沒某
神云苔碑著私諡艤榜幾回看

滋愧

綰綬心滋愧胡能盡物情學疏愁早達俗弊感遲生風水相遭
激龍蛇伏處爭栖神嘗以靜眾理自均平

有憶虞山官舍

一別石梅館含櫻薦市紅竹長應解籜蘭茂早分叢嵐翠書樓
貯蒲青畫舫通園丁日灑埽擁篲興無窮

戴廟

南史戴安道住鄉山下郝超
捐千緡所築後徙居吳下

地仍鄉子國居築戴公邨遇每高人塞名因往哲存有苔縈石
壘無客訪琴罇招隱蕭寥意躊躇孰與論

鴉和高青邱韻

獨樹對清暉昏鴉接翅飛不隨孤鶩起長伴老漁歸古塹殘陽
靄荒郵暝色微年時困羈旅惟爾慣相依

喜張參府遠自阿城過訪

小隊肅弓弨樞迎忘路遙周星欣再接子每歲督輸北上往來山左皆晤三載

念同僚子觀察宛沂時參府亦在宛鄉夢青蓮萼長營細柳條專城責綦重

養士愛芻蕘

七級待放聞撥悶

到處圖經借胡爲久滯畱野風凋旆色斜照注窗油板闌神龜
守蒲帆去鳥投笑予偏願左無蟹有監州福石樵通判終日同行故戲及

征途長夏頗得閒趣

隨意著羅服無煩佩玉珂日長親枕簟河潤息風波驛靜聞嘶

馬沙涼晚浴鷺柘榆山宇屋攜幼屢經過

周家店待放闌步觀音堂

落景翻鴉背清漪照鵠心橋聯兩岸合柳隱一村深
廊谷黎民壽阿蘭粥鼓沈薰風解煩愠扶杖愜幽尋

東昌道中書所見

漸耳北人語齊郵次第過草衣童牧豕氈笠客乘羸
眯眼風沙糝汙牆糞土和民勞則思善儉俗足觀摩

暑甚借王氏園林小坐飯罷歸舟

涼蔭覆茆屋蟬聲聞夕陽簾垂妨燕路魚戲颭蓮房
詩豈雙緜值情難一飯忘主人常避客市隱老韓康

十九日晚抵臨口

高岸深爲谷中央帶水盈牆鐙照雲表人語亂河聲
擊筑橋邊

市場旌柳外營清源明發渡容易卽前程

喜出臨口

紫塞雲深擁帝京更無前阻滯行旌鴻毛竟遇長風順小試鯤鵬九萬程

黃茂才

景沅

自新安歸任城余邀同北上用六弟可齋

贈子芳詩韻奉贈兼以寄懷

擔簦聞說走山程水佩風裳復此行曾共躋危堅友誼

子芳于丙子年

借余防秋河上

不隨流俗見高情枕中鴻寶金丹秘夢裏黃雲碧海橫

美疾會須投藥餌對君懷抱暫時傾

落月觚棱遠繫思箴規勿忘角弓詩漫矜裘馬能都矣願逐雲龍感退之刻燭聯吟山字屋持螯同醉鞠花時鷗盟竟喜前言踐倒屣泉明老竹籬

潞河道中乘輿遠望玉泉諸山

廬舟暫艤潞河灣出沒籃輿葭莢閒江北江南峯萬疊撲人蛾
綠愛家山

拄笏郎潛舊使君支筇猶記踏秋雲卷舒高占神鼇頂出處輸
他嶺上雲

六月初三日賃居清涼庵

輭紅飛十丈跬步境清涼旛影依壇靜車聲隔院忙牙旗鄰戟
院手板寄經廊信宿緣非偶澄觀俗慮忘

趺坐無生話升沈感不禁寺僧驚有髮過客忽關心宦海旁觀

怖伽山接武尋青衣成頓覺誓願抑何深

庵中住持祁姓故河督某舊僕河督卒成

所祁傷之洗心懺悔募修此庵落成後卽披薙爲僧矣

賃居清涼庵寄興四律用沈雲椒尙書初蘭韻堂集中

韻

車韻麟麟接紆迴細路賒茶瓜已公屋木槿野人家魚板經時
定蟬聲帶日斜解裝欣得所老衲飯胡麻

蒼檜青連舍茅茨翠覆牆僧晴冷凝碧佛面黯銷黃殿闕旃檀
靜廚開筍蕨香安禪還賃廡小坐挹清光

當戶盆山湧疏花隔座明客來心自在雨過暑初平方遶甯須
障絺衣著處清生憎機事設別院桔槔聲

春明多故舊遠過倒屣尊不謂聊停轡難期晝掩門簾篩薜蘿
碎風轉芰荷翻他日尋蘭若斜行認爪痕

清涼庵夜

趺坐松寮寂青鷺粥鼓沈月移窗眼白夜共道心深竹臥夢蘧
蝶蕉廊樓暗禽賃居緣底事剔燄發幽吟

恭和

御製題畫六絕

王蒙松厓觀瀑

一條匹練界山青
雲氣松光鮮定形
猶記破山禪寺外
翠濤飛雨住筇聽

尤求山水

淨淥芳塘絕點埃
水窗只有鷺鷥陪
履聲橐橐深林到
知是奚童煮茗來

王蒙喬岳初秋

五岳歸來占斷閒
蓮花仙影共躋攀
金鼇背上羣峯杪
傲幸山翁立樹間

張宗蒼青峯紅樹圖

鴨腳酣霜萬樹紅
煙焚遙映勢猶雄
丹林一樣蒼騰過
解得停車興不窮

倪瓚天香圖

蟾光萬里月圓時
秋老淮南第一枝
好去醉吟金粟裏
寫生端不愛荃熙

崔彥輔溪山煙靄

渲雲潑黛望疑空
粉墨荆關訝許同
讀畫偶參無上諦
模糊煙靄術偏工

題畫虎

怒鬚倒豎氣如虹
騰嘯名高百獸雄
歸去深山應自大
圖成素紙亦生風
狐綏漫使威頻假
羊質從知葍易蒙
蹀躞崆峒等閒事
幽人履尾慎無窮

聞蟬

垂楊夾道溼煙拖向晚蟬聲落照多吸露浪傳清貴品長鳴無
奈熱中何

寄和馮孝廉

登府

見懷之作即用原韻

都亭槐雨溯郵程忽捧雲藍下玉京局席暫停輸輩行報章延
譽到公卿鱸鄉斫膾歸偏早莢汙持螯醉亦清官舫鷗鎗殘月
岸催詩可記潞河行

兩株鴉舅認莊前盤飮團圓想肆筵問字共攜瓜巷酒羅絲閒
泛竹墩船半人遺笑居廬後一蹴登雲遜逖先餅宴慈恩慙李
邵令名遙聽日邊傳

儀虞構庸忝荷

恩同趨朝簿數朝晉左符纔許開臆國上考旋膺拜雁門

九弟
守順

慶十弟達早承明愁謝晦守汾州危峻阪懷王尊棟華繼美蒙先澤
敢說金張族衍繁

溫榆轉粟動經年擁笏依然北上燕疏翠旗亭烏榜外輭紅塵
市馬蹏前幼輿有幸能躬養孟博何心冀職遷簞節言歸賓彥
盛吟壇重啓凍梅邊

疊前韻再寄馮柳東

桂席吳江第一程檐榆垂囊望瑤京三書失計陳光範歧路伊
誰識馬卿柳帶殘鶯眉月曉草浮涼蛤棟風清關心丁卯橋頭
水半送南還半北行

搏沙蹤迹總前緣寥落虹橋被禊筵輒腳未安歡伯醖清言難
挽孝廉船吉金歐錄探應遍片石韓陵賞獨先

過濟南渡觀唐
捐武梁祠畫惜

柳東仙館種芸披讀暇春膏分付雁奴傳
不與

治粟垂魚竊寵恩吳艚銜尾蔽眇昏未聞赤紱朝京闕徒悵蚪
柯拱掖門繡袂雷殷填甲第錦鐙花爨門芳尊知章歸舍翻成
客何事山陰應接繁

風衣水枕泊頻年南歷句吳北冀燕三晉雲山奔腕底六朝花
鳥豔尊前雲衢驚頓愁修阻芳谷春鵬企早遷有約江鱸上圓
泖金齏同醉晚籬邊

得朱西生茂才

綬

書悉林茂才近患風痺卻寄

子公書到聽纔真筠管慵拈手不仁坐痺俗應呼漫士遇窮天
每厄詩人湖塘春老笙簫減蓬華鐙深藥裏親婚嫁向平猶未
了順時保衛苦吟身

同懷弟法良校刊

男崇福謹校重刊

抱冲齋詩集卷九

長白 斌良 笠耕

句吳轉漕集八

楊村夜

邨落饒清曠商飆拂水涼月乘窗有隙茶與睡相妨擊柝來門
尹絃歌豈狷狂去都方百里遮莫客思鄉

過芬園僧舍

遙天明色媚初晴灌木陰濃隱繡薺蘆雪涼依眠鷺夢旛風靜
度棹謳聲觀空難撇周何累嗣法誰聯粲可盟飽食鰕魚下沽
字秋朝台喚雁名臣

楊柳青喜晴

穿樹芻尼噪嫩晴梅黻溼減覺衣輕水楊拂舫綠猶潤杲日注

窗紅有情沙淨喜堪投客辰蒲芽勢解助秋聲狂颿細浪時相
激見慣長年已不驚

潞河新樂府八章

楊村撥

溫榆水漲無定程涸淺沙觜露浩瀚高岸平蘇松船行有節制
七八月之交南糧應歸次觀瀾計米酌盈虛輸轉嘉猷均六四
國朝定制南糧至通州屬之楊村視水之大小爲斷水大之年則起四成存六減水小則起六存四以利漕運楊林驛
畔潮縣西重舟起載輸丁齊豆子甬邊溯流轉腰環牽挽勞攀
躋軍船銜尾填涇港撥船附麗紛來往檣竿蝟集眾蟻屯人語
河喧雜聲響艤艫粟向艇舫撮片席敲斜難蓋括雨淋日炙憂
蓋藏智取巧偷弊誰遏米賊由來鬼蜮同躋辛耳熟楊村撥耳
熟焉故能詳或竊升與斗舂作日食糧或和水與泥暗易肥私

囊使君兩目亦猶眾倉皇詐僞難周防一弊相形汰其最就中
攪雜尤爲害鼠偷區量數無多一斗攪和一船壞

聖主漕儲洞鑒眞釐奸昨日降
絲綸汝曹敢竊太倉粟執法
行當論鬼薪

江廣幫

江廣幫凌蘇杭戕戕大艚寬且長青棠爲舳桂爲櫂千箱玉粒
不滿艚更采梗相壓篷背材官鉤水四尺強遠涉鄱陽歷彭蠡
洪波靖息蛟鼉藏棹入中河苦逼仄船身橫互河心塞櫓搖槳
宕俱不堪幾葉帆張蔽天黑權郎獷悍身手強鐵篙舞出王鐵
槍青絲紮解流將斷倚榜誅求勇莫當勇莫當果何狀老拳毒
手紛相向踢翻艇子共肱囊有客瀕危魚腹葬鉦鳴畫鷁官舟
來中流卷旆浮雲開虎而冠者睨而視欲避不避還遲回官船

已如此民船更可哀終朝風利渡不得水驛翻與豺狼儕君不見前舟丁字沽頭發經旬未睹黃金臺

縫窮婦

綦巾縞袂縫窮婦踽踽獨行遵大路鬢髮鬢髮帕裹頭脂面黃塵等粉汗肘後輕攜織作筐剪刀綫帖深護藏膨脝窮袴裝綿厚遠犯空郊風露涼那識文綢錦繡段壞衲鶉衣工補竄縫裳偏置送窮人細訴平生顏每汗爲言羅敷自有夫從游博塞貪呼盧寒家一擲四壁立前年瘐死城西隅更有阿姑頭似雪儉腹常枵口嘔血兩命惟憑十指生過客休嫌鍼黹拙桑濮方尋陌上花狹斜錯認抱琵琶青娥彼亦夫人子野鴨羞爲到處家

悔執鞭

大車檻檻來向東驂駢蹠踐意態雄御者洋洋甚自得掉鞅唱

入飛塵紅道逢阜吏相偶語依稀記得張與李倉皇白牒手親
執攀轅睥睨當街立爲言應役少官車遮莫相逢休避匿圍者
遙聞意忽忪還轅牽輓走恩恩荒城晚角隨風咽古道殘陽少
客逢青帘引入黃茅店呼飯回燈顏幕變朱提怒擲重三錢人
馬芻糧交共辦此際圉夫氣未平細言芻秣直非輕白丁枵腹
難從事血汗飢驅那得行薄言往愬逢彼怒腰掣銀鎗猛於虎
紐項衙前共理申到官當亦加捶楚馬煩人憊誰憐惜羸驂顛
蹶三餘一可憐殺馬市馬皮逆旅釜鬻充飯食此際輿臺意未
厭差還消票尙需錢官錢乾沒還求益車子低頭悔執鞭悔執
鞭涕洟漣羨他東家年少驅黃犢自理青蒲鞭殼棘桑鳩聲裏
藉蓑眠老傍柴荆不知辱

對子船

船來白河南專載粟米經漳達衛不畏風浪其制船尾皆无無柁兩船尾相接處貫以巨

索行時四槳齊搖迅疾如飛土人呼爲對子船
其水手詭譎刁悍半皆無賴自稱爲老鰥云

對子船船逐隊尾缺禿頭尖銳兩舟蟬聯索相維兩尾魚貫已
相背懶向鴛鴦湖畔過輕橈直指清漳濟不采香谿並蒂蓮洛
陽紅粟載艙閒沙棠虛有成雙目倚榜長年半老鰥老鰥棲泊
經河北雪虐風饕煙火色漫親販負白衣人恐有逋逃錦帆賊
君不見魏塘歸老錢少農宮袍強劫浪花中又不見江淮丁伍
買大福夥伴驚駭波底仆邏卒年來繞岸防扶風京兆威行速
寄語孤舟獨客聞細柳營邊伴鴉宿錢少司農撻解組歸嘉禾
舟經德州遇盜被劫江淮
五幫旗丁買大福在通州崔家樓遇
盜被劫同舟客伴常華齡驚赴水死

擊筑翁

板橋流水琅璫驛看場人壓平田窄白頭團坐綠陰圍一斗黃
塵面堆積鄉井去茲計幾程貿易出門何所營翁云行年六十

九素農累世田園守瓜廬負郭隸任城微湖南畔邠山右偶游
燕趙覓心知逆旅囊羞絕糧糗張儀猶幸舌猶存入市行歌藉
餽口定場暫止聲喧呼擊筑扣鼓歌嗚嗚腕底輕翻白雨點稗
官牽引說模糊兒女倂慙齧臂盟心雖鐵石亦牽情劈空雷雨
昆陽戰象走蛇奔青鸞變眾頭戢戢束筍如側聞每易興嗟歎
興嗟歎足觀摩適人振鐸當循路野老吹簫任放歌我有言須
記取君切莫只談風月豔西廂翠隙紅深事渺茫更不可信口
侈談水滸傳斬將舉旗易召亂胡不聞演二十四孝記雙忠策
勵村愚啓噴薄言之無罪聞當戒似譜聲詩誦國風

走塘鋪

亭障星羅剛尺咫鈴奴奔命供驅使沿塘設鋪制更周齋遞文
書詰奸究詰旦黃茅古驛過當門圓柳任婆婆儀刀以金貼木作刀見唐

書架圯埋青草盡馬牆頽長薜蘿廢壘虛張人闌寂欲寄音書
悵行客里甲標題第幾圖面壁循牆看歷歷憶別盤闔倏早秋
吳中消息隔星郵報章滿意仍遲答悵望南鴻欲斷眸六月沿
河飛尺札頭銜細署芝泥押日行五百限綦嚴淹閣征途動旬
浹試看牘背更訝然猶批五月初三發

臨清毯

毳毼產自新羅蠻金葩碧葉錦蒂攢回紇傳來織作法不數西

番灑海刺

灑海刺出西番絨毛織者見格古要論

蒙茸似展羣腰曲五色相宣文

采縵雕國象眼雜魚油因祇錦段皆奴僕

周成王時因祇國獻錦見拾遺記邇

日清源更加樣翻鴻壽鳳魚吹浪縠絲凹凸宛如生淺凍深幌

費工匠豪家買去鋪當席選舞徵歌亂紅碧燭淚汎瀾滴不收

酒痕狼藉污誰惜酒馨燭焰雲霞蒸一任雪花門外積詎識茅

檐霜露侵手龜無藥力難任
氍毹細共柔腸織一寸綵絲一寸
心寄語東山舊部吏民無襦袴多
願頤稍矜物力化溥風畱取
衣人莫衣地

過安陵三覺庵

精舍枕河干低眉訪鉢單
蒼藤繡苔老蘆葉戰風乾
鑽子今猶挂楞嚴久不看
堂頭多本色攀話協清歡

三覺庵後圃散步

門對圃場平秋陰爛漫晴池鄰
蘭若淨風過麴塵生柿顆卑枝
絡瓜壺小架檠老農偕衲子
相對說西成

過鬲津小寺帆影山房

鬲津秋漲帶蒼葭隨著鐘尋釋子家
雅有閒情僧種秫澹諳水
味客敲茶竹庵禪徹憐泡影

徐司馬紹薪題其室曰帆影影幻矣而帆則更暫二語頗見釋氏上

乘之蕉雪圖成紀瑞花庭中植蕉數本壬申年曾作花寺試展妙諦蕉雪圖成紀瑞花僧倩戴居士寫蕉花圖今年復開麥光畱瘦句元鳴釘壁任疵瑕

曉過武城用高青邱早過南湖韻

露泣杞柳澤風掠蒲稗淒雉堞隱曉霧咫尺望眼迷絃歌古邦邑聲教開東齊遺俗猶善謳貼水琵琶低隴耘叱晨犢飯熟嘯午雞廬舍抱城隈煙水半向西不圖塵壘裏蟹斷環幽棲

舟抵鄭家口適豫河水漲兩岸淹浸勢甚浩瀚溯流而

上牽挽維艱日行數里不勝億悶因用東坡葦園會

獵詩韻書意

齋糧八月浮星槎使君豈是禁少霞秋水灌河潏無涖白浪深浸黃蘆芽龍驤萬斛費推挽腰環百丈徒雄誇風鐙水枕信漂泊野林鳬雁雲爲家溪回港口走之字柁轉驚被眠柳遮下帷

閉置宛新婦沙棠枯坐逾巾車長房術妙令地縮三老計拙徒
手又頗思就陸舍舟楫驛廳局鏘勞鞭撻歸心迅駛遇風翼流
光荏苒赴壑蛇平生雲夢吞八九望洋邇際興嗟呀關鍵七十
二閘阻獸困羅落圍罟罟怒而飛起游廣莫接翅翻羨風前鴉
吳門匹練睇莫及時悵短脰同鷹鷹臧獲噉暗余有訓邪許且
息聲啾譁傳其翼者兩其足斷鼈尙爾煩姁媧而我行役雖濡
滯靜一樂志益倍加文林枕薜飫班馬書淫劉峻恣矜奢吏人
橋外少通謁腰笏不詣宣政衙寒香說劍有底急如此解嘲殊
亦佳明日南風轉五兩楓江紅葉秋帆斜

甲馬營八月二十夜大雷雨侵曉晴霽

宕激刁騷草木兵驕雷挾雨怒濤爭墨雲忽斂西南陳不礙簷
窗好月明

玉女投壺笑口張青驄髮上灑天漿煩歛淨洗先生夢細讀陰符劍吐鋌

蹴地楊絲舞未休浪花疊雪簸輕舟流風端賴維持力咫尺天光在上頭

柁福長年說苦辛飄風驟雨鑒偏真不緣到岸抽帆早惶惑同舟合有人

王仲瞿孝廉景曾住穀城以斗酒牛膏合琵琶三十二絃祭於西楚霸王墓前余久豔其事己卯秋八月偶讀舒立人詩見有題作亦率題三律

神馬靈旗颯大風歧途淚灑杜師雄鴻門玦照真王赤驪嶺竽燒孺子紅封拜倉皇非大度猜疑容易失孤忠良平曾隸軍麾舊詎獨居巢負范公

錦衣富貴彭城宴
啗啞風雲壁上觀
忍使而翁膏俎上
幸無彼婦弄朝端
楚懷擁戴心原假
信越中分齒太寒
絕甬裹糧饒勇略
時窮漫笑沐猴冠

卅二銅琶賽憤王
狂生託興信悲涼
傳來康了夫俱醉
唱到虞兮土亦香
嗜殺那能成帝業
眩奇奚必善文章
烏雕不利龍門遠
一樣傷心哭大荒

晚過下草寺欲遊未果

疑是前生瘦阿師
天龍畫壁慣籠詩
晚樓鏗鞳鐘催月
煙浦荒寒柳散絲
未傍紗燈參竹篴
偶逢肩擔買檀梨
講堂他日題三過
煨芋烹壺夜話時

二十四日行抵臨清得吳中文報

書劍棲遲大小東
清源乍可艤蒲篷
墟煙人趁雙隄白
夕照僧

歸半塔紅旂篋不愁關吏暴操符合讓開官雄辦香祇謁漳王廟安穩征帆荷福蒙

霜染崢嶸角冠天香雲外憶闌干尊鱸圓渚香千里薯藥齋
舲月一盤河朔酒杯寒易進江東米價貴無端陰蜺旱魃均疵
癘調燮誰知後甲難近吳中來信自五月不雨今已而四月矣頗形亢旱北地又苦水災

臨清水關艤舟邀黃茂才景沅小飲

征途風物爽開顏秋隱菰蔣澹石間翠墨懶臨多屬帖茱萸堪
佩悵空灣途中種菊之處甚少漁夫短艇偶相傍燕子斜陽時往還有約
新安黃叔度水窗情話翦鐙攀

清源舟中重九日欲登高未果

帆葉輕霜點未曾菊花天氣潤還蒸題餠興劇州無蟹側帽風
高野按鷹瓠落何容誰用大茶然疲役我頻仍雲峯絕頂商飈

勁不羨梯空最上層

讀後漢書

附子莫療飢飀毒焉止渴光無纖芥累刊章見迂闊奏記請於
商舅氏獄云脫

黠拂董后屬勇發張忠貪柏府威大行椒房怨亦甘九死全印
綬不愧假汝南

雄志少雄才巨眼識高幹博瞻洞古今昌言發憤歎人或謂狂
生軍書多畫贊

陛下漢中主敵面龍鱗推直諫修名聞千上義理乖密陳星變
由晚節堪取裁

薦達張鮮才固讓爵土錫導輔詔褒嘉遠邁周昌績七葉美傳
龜苗裔管氏嫡

九百叛羌殲第一天文對疏奏法儉恭辟雍繕頽廢將作大匠
遷損用罹眾喙

朝政違永平讜論坐失旨儒生過慰問不答其所以杜門李伯
度守禮信足美

后位不宜登田氏本微賤五禁遏未萌五行技獨擅鉤黨不及
身感騷具卓見

安定鄙庶孽黨比屬外家耿介俗不同仕進途亦遐著論號潛
夫蘊憤辭滂葩

閉門絕慶弔戶牖置刀筆洛陽賣書肆所閱能誦憶寶笈隱帳
中論衡世寡匹

恥爲詣府對抗節解組走姜歧不就聘何趣嫁其母腹痛踐前
言墓沃奸回酒

清約以率下布被羊皮服拾橡供食資織席隱茆屋幽州侍御
還聚落圖滿軸

離席聽抗疏王庭徹夷樂左轉薨侯城障尉罰猶薄道義柔遠
人威疆勝湯霍

大韭水一盂任棠曉太守抱孫喻恤孤惠覃漢陽厚若盧輸徒
作折衝毗佐手

笑卻從事書案雪楚英獄孟雲生口還左蠡濫封續朱由不署
儀炎祚憂日促

薦肩豺目姿齟齬哢敗態將軍跋扈能孫壽泊容誨藥餅沖子
危攘竊新莽再

厲節表王青遐強收夏猛思惟帝得失偃僕日趨省不矯亦不
阿命爲寶瓊請

班傅早齊名達旨喻元靜四巡頌遠揚長岑郡嬾領府掾三十人無書誠憲景

書梁冀傳後

狐尾單衣埤積冠意錢苑戲初還通期不合城西會觸忤哢妝淺黛殘

青瑣圖形對宅通監奴言事得相逢不知屏御綢繆際可記襄城赤紱封

竟路謳歌扇擁身同車競醉內園春千全門者休通謁別第新來自賣人

喜聞福山姪秋闈捷音詩以勵之

阿咸鵬鶚奮雲程黃色添眉喜氣盈竟以食貧能勵學果然奪錦遯飛聲俗情輕重胡堪論經術湛深豈易明燈火三餘猶足

用杏花影裏聽鞭鳴

龍安驛

曲徑篆蛇盤關頭路益寬
河冰侵曉結嵐翠入雲寒
昔別花扶屐今來霜拂鞵
勞薪隨處轉晞老累儒冠

過孝陵衛

路出孝陵衛霜華石礎紛
寢園畱卒史陞楯失將軍
松瘦垂枯枿碑荒仆斷雲
冬青埋朽骨差勝宋諸君

龍潭道中和嚴芷衫韻

野老衡茅背負暎年收芋
栗穩巢痕使君轡卻安閒
福自祝雞孫坐晚村

十二月初九日大風夜抵丹徒鎮登陸至京口驛

霜抑潮痕落大江刁騷發
夜相撞身隨雁鷺雲爲侶
性比狻

猊佛未降衾鐵夢清寒潑水書油靜照綠當窗形襜再涉南徐
渡波底輪翻塔影雙

十五日過慈律禪院飯罷偕僧慧照茗話卽贈

三過招提歲又闌眾香鉢滿施朝餐世情難測龍天幻官謗全

逃象教安指月覺迷心境豁晚偕慧師談禪奈安緣未除慧師贈指月錄一卷指子習定修詣之法

觀河密印臥雲寒陰廊十萬華嚴藏白麤何時次第看廊間藏寶

積全藏三十圓擬暇日洗心敬觀

遣小奚赴廣陵買梅花兼向李茂才育索畫山水障子

長鬚打槳下江濱移得梅花嶺畔春乞取玉枒又在手崢嶸青

嶂插梁塵

金雞嶺

犖确逶迤接武登風簞孳籟韻清冷江光雪練圍襟帶寒翠金

驚塵畫屏絕頂興臺看似豆阿蘭塔火燦羅星
被雲惜少荆關筆圖出南徐聚落形

正月十三日婁東訪彭甘亭適甘亭造舟枉顧相左未
晤書此寄懷

社友東風約共齊帽檐重叩板橋西樓遲早屏夔皋想
聲價那將鳳鳥題花事春紅逢笑靨屐痕苔綠迸新泥幅巾過
我還相左累爾黃鬚短刺攜

上元夜渡黃浦

月圓沙淨水迢迢風飽椰帆夜趁潮倚榜忽聞童僕語征途五
番賞元宵

十七日朱涇鎮待潮過張漁校園亭

耳食漁莊煙趣幽停橈花外唱鳴騶衡門畝襍苔紋幻窠石玲

瓏浪疊稠小坐敲茶煩地主偶然讀書識名流水明木瑟清華
湛畢竟風光屬竹樓

叢梅香暗散風廊扶策褰裳挹秀芳藕榭窗虛多跨水荔屏條
蔓欲過牆會心濠濮知非遠寄傲琴樽趣獨長孝友傳家老張
仲能安身世樂耕桑

二月六日祀龍神祠禮成過三峯寺偕僧瑞峯茗話時

首座身染微疴余詭其精進工淺小坐移時復遊破
山禪寺適同人亦過興福邂逅竹逕間共登延緣亭
酌君子泉尋戊寅歲題名半爲苔花所蝕徘徊竟日
長歌紀事并邀同遊者和之

十日休沐鈴齋清鞭絲小隊尋春晴明禪初散妙香染煙樊舍
笑迎虹旌籟虛吹萬壑幽谷曉寒疑奏雲和笙行渠漲膩流決

決隔嶺樵斧椽丁丁岡巒影卓太古靜灌最蒼翳聞曉驚陀坡
皴法大折帶樛木葛藟曼胡纓三峯洞天誇第一經寮敲茗同
煨鎗誌公圓像鬢堆雪磐折合十袈裟橫經年小別敲乳頤由
旬八百塵中程鶴癯頗怪阿師瘦老病凋瘵師胡撈春寒中人
冷潑水意頽宛若含朝醒我聞金剛號堅固黃精日餌珊瑚輕
團蒲坐穴身不壞濁垢滌盡靈臺瑩仰天長嘯對蛾絲灣山禪
悟紗籠明相羊竹徑客衣碧邂逅三子喜且驚煙霞瞥眼已陳
迹袖拂蒼蘚捫題名林蘭臨風翠杉繞無倫比擬休嘲評蒼髯
野叟萬玉立中有曠世之嬰嫗寺前萬松翠繞中有玉蘭二株正開豆腐呀然客
獨後漫以褌藏嗤吳儉勝引岡惜筋力減芝巖菌閣恣遊行林
陰盤磴半隱顯雲光石氣交相并橫看側視畫百嶮意匠不到
天經營暄和佳日已難值况盍簪珥聯鷗盟舉裳延綠小亭敞

野光如洗搖雙睛詩襟酒國深幾許虞山雲海輸高情

登延緣亭

竹徑一僧導浮嵐開午晴磴迴林隙露雲冪佛香清社友此咸
集詩懷天半生前塵利那頃埽石認題名

二月十三日復遊破山道中卽目

石逕紆迴草樹幽遠峯巒鬱帶平疇萬松圍著雙銀杏指點維
摩古寺頭

滲金町瞳菜花黃流水聲中犬吠狂卻怪濃春好煙景只栽桃
李不栽桑

風裏松篁夾道鳴山前小肆幾經行茶煙香裊青微礙誰摘松
毛縛作棚

方塔城東帶夕陰嬌紅微襯望偏深漫驚紫帽還山懶人與白

雲同此心

廿四日艤舟寺傍偕黃茂才

景沅

啜茗西齋偶見壁閒

予戊寅年所書舊迹重題

艤榜名藍古道旁幅巾散步小齋堂西窗挂起滿斜照倒射滲金畦菜黃

柳潤桃嬌暮靄侵溼雲潑墨帶春陰奚童怪客坐無語可識此翁詩興深

茶餘撫檻淥如油金鯽還能認我不觀壁偶增今昔感紗籠舊迹雪鴻出

重遊破山寺爲僧

性初題

陡闢奇峯萬笏攢到門不厭百回看松疏偶露盤螺曲竹密還疑綠鳳團舊句半籠紗影淡清齋肯放鶴盟寒使君難得尋詩

暇乘興還欣政治安

同懷弟法良校刊
男崇福謹校重刊

抱冲齋詩集卷九

長白 斌良 笠耕

句吳轉漕集九

三月廿六日胥江放舟是晚卽抵潯墅連日風雨所阻
清和二日始解纜北發望亭道中忽成二絕

三日郵程濡滯經溼雲含雨遲揚舲歌驪又屆清和候樹帶殘
鶯過望亭

雨脚初收漏晚霞水松蒙密認漁家輕舸棹入綠溪遠滿地野
薔薇自花

秦小峴侍郎邀同潘榕皋農部游寄暢園讀畫評茶畱
連竟日賦別

筍輿衝雨叩名山二老風流近可攀交誼迴逾泉乳淡宦情深

羨竹雲閒手彈半翅調鴈臙園中彈雀得半日埽全牛賞巨關

子攜宋元人卷冊洛社雋游垂白訂儘教團扇畫酡顏

足健何妨犖确行雨亭撐杖話歸耕地鄰佛土茶瓜淨園入

宸題草木榮別意綠陰涼縹馬友聲深柳坐嘯鶯相期霜葉丹

黃候大石峯顛醉月明園內有大石峯乾隆甲戌御題

四月七日由京口晚至河神廟登舟連日夏雨過多浮

嵐媽潤不數黃鶴山樵圖畫向晚登舟偶得四截句

纔見金焦眼倍明潮聲聽到海門平綠楊如薺黏雲腳指點瓜

州一角城

白沙小港溜潛通遮斷江光惱荻叢髡柳幾株圍壞井路人猶

避古行宮

溼翠浮嵐雨意淒寬鞋何暇過扶藜千尋梵宇搖檐鐸濯木攬

溼翠浮嵐雨意淒寬鞋何暇過扶藜千尋梵宇搖檐鐸濯木攬

雲界嶺齊

麥秀風馨翠浪平遙村盡處亂峯橫
利竿紅認河神廟安穩扁舟打槳行

承恩寺喜晤王子卿太守

澤卽贈

京洛知名久重逢若飲醕寄懷耽
畫逸任達在官貧扇擁黃樓月
聽吟紫塞春鐘魚伴情話不厭
翦鐙頻

清和九日由龍潭晚發三鼓抵棲霞晤寺僧

默然

石塔如郵吏黃昏管送迎市聲經夜定
塵夢入山清粥鼓幾搗近漁鐙半
焰明相期老圃澤松月仁東生

由棲霞抵金陵

激灑晴光破積陰掃空嵐翠撲衣襟
松棚野飯低眉坐蕭寺殘碑擁鼻
吟境美豈知行役累時平敢有住
山心白門倏已三年

歷北望承明念憶深

偕友人過高明寺

鹿苑齋鐘動莫灣法乳凝間奇偕石友揖別有詩僧天遠江如練林香塔繞燈向來蕭寺泊柿葉記題曾

四月既望泊舟高郵飯罷偶步隄上見古寺額曰壽佛院前古柏一株大十人圍柯榦盤鬱瑰奇僧云殆唐時古柏已載入州誌惜偃蹇風塵恐樵者不知寶貴致傷千年神物悵歎久之捐資付院主作闌護持并立碣樹側以待督輸南歸題名夜窗翦鐙作歌紀之壽佛禪庵日將夕頽垣偃抑煙痕碧鐵骨孤撐天地秋僧指唐時所植柏十圍本大溜青銅數畝陰圓照瑤席虬枝詰屈走之而似斷仍連運靈脈綠天波浪平地吼白日雷霆劈空擲皮皴

薜蘿蒼水紋腹洞泥封赤蟻隙杜陵枯枿早凋瘵蜀祠古檣應
猥籍蒼髯野叟臙支離盤錯淮南伴行客蜿蜒恢詭驚未覩異
態天成動魂魄我聞山木多自寇眩美呈材妄希澤窮谷難逃
斤斧尋矧爾槎枿道旁宅不然樗櫟出輪囷偶得全真固足惜
何如此柏獨韜晦戴瘡銜煙閱世百彷彿明良未遇時廁位人
中罹蹇迫郵傳從過解帶墨老壽靈儕非偶獲風塵穢迹終可
慮牧豎耕夫恐攀摘蘊眞誓保不朽姿周以朱闌螯以石茶鎗
琴薦設其下低徊吟嘯敲巾幘翠濤謾謾若相語鶴鶴偷暖雪
翅拍涼秋待我重題名邀彼章宏畫奇迹

高郵

斗大孤城擁隄根露塔尖水蒲多占渚風柳不依檐秧馬新畦
喚荊龍老屋添巾須誇利涉波靜鏡開匳

廿九日河成開放舟晚抵臺莊

詰朝下邳發薄暮東山住霞綺挂遠村帆景深樹翠蘊蘊蒙
深沙暄洙泗注蛤吠夏初臨魚噉月將吐高岸鈴馱喧人煙雜
齊魯

寄懷陳曼生司馬

鴻壽

風鐙鞅掌罷論文問字淮壩獨臍君顏駟一耶嗟晚達鄭虔三
絕自多聞冰蠶氣味偕閒侶

曼生與頻伽交厚

鶯鶯聲華感舊羣長晝

草元憂坐痺殘書時傍藥鑪

萬年閨夜雨

草深無際紫蛙聲權當荒村夜報更靜樂傭奴爭識得倚篷聽
雨又詩成

端陽日韓莊待放聞借湖神祠旁行館小坐並邀黃茂

才景沅 宋上舍璿步暖翠浮嵐之閣看微山湖煙水

漫成四律卽贈黃道人

假館此間樂道人開竹局榴呈赤瑪瑙點碧蜻蜓帆轉敲湘
席嵐浮染畫屏菊時曾艤棹霜氣半湖青

客裏逢端節香蒲滿泛觴菜添蒿苳肥袍換絰絲涼沙鳥黏煙
薺佃漁隱石梁鳧車紛競渡清況勝江鄉

日昨雨風驟艱危咋舌傳蛟龍移舊穴雷電走青天拔木邦人

恐維舟驛史賢初三日午刻行抵新開天大雷電風雨猛烈杭

韓莊閘余舟安穩無恙深感湖神默佑韓舟韓莊待閘開官殷殷故及之敢云忠信涉湖主默垂憐

有約二三子風軒潑乳甌旗亭挹山遠錦浪拍天流消夏來浮

蟻忘機漸狎鷗會須尋顧陸鼓臂畫滄洲

南陽道中寫望六言

破甕溼薪炊黍鳴榔夜火叉魚大好水村山郭剛逢雨後鐙初
山字黃茆屋矮帶圍碧玉隄長輸與釣人居處吐納嵐光水光
西塞山前楊柳南陽湖側菰蒲風戛簷窗翠拂居然修竹吾廬
水荇綠垂翠帶若榴紅側朱盤絕勝賣鱸江上日斜霜暈楓丹
潮落萍黏蠟斷天空月印魚牀身寄微湖南畔思牽圓泖東莊
徑轉陰陰桑柘門開漫漫芙蓉翁去城中糴米客就船來買魚
繫馬殘碑落帽乞漿古井圍欄談墓黃金浪得有人負手閒看
柳蔭老牛舐犢花陰乳燕將雛龍媼跳珠急雨虎兒潑墨新圖

過仲子祠

松偃碑荒繞殿楹門前流溯泗洙清恰欣絜養晨昏侍振觸三
年負米情

濟州利運閘

窺魚鳬翁疑接飯鴉兒噪臥碣繡苔錢雙樹湖神廟

抵石佛閣

傑閣巍峩石佛存漲消無復溜奔津瓦亭五里任城近眾綠如山擁趙村

南旺湖曉望

葛帔臨淵靜韡紋捲岸涼魚鱗透山翠鷺點沒湖光我正垂綸想農逢刈麥忙煙波縈陸瑁蓑笠宛江鄉

五月十一夏至日謁分水龍王廟禮成小憩丈室僧

布索書因追憶戊寅過此候已三易寒暑塵中鞅掌

白髮逼人畱題小詩以作他日重來之券

報功典重肅登銅仙衛珠宮赫濯靈寂寞尙書舊祠宇雨深苔冷疊錢青

兔目槐陰滿院遮
棹謳風度佛鐙紗
利那塵海三年歷
趺坐僧窗細煮茶

南柳林間寫望

紅蓼花疏照水寒
順流直下幾重灘
生憎百尺陂陀迥
界斷淪漪萬頃瀾

南旺湖煙波浩渺半爲高阜所掩舟中不見湖光

戴廟閘邊落日野
屋閒眺頗得幽致
艤舟處更佳率題

小詩

波明遠岸涼翹鷺
草碧荒陂亂叫蛙
七尺烏油低亦好
當窗幾穗水蓼花

袁口夜泊

水窗深掩睡偏遲
新月如鉤照鬢絲
恰喜門無通謁者
一蟬風柳喚題詩

著草鞋戲題一絕

五年不踏輭紅塵
賞徧江南笠澤春
我本琴川舊漁隱
只宜芒屨坐垂綸

馬踏湖種荷頗勝夏淺尙未著花

翠蓋翻風一向斜
貼波葉小鷺難遮
高情早過湖塢好
淨葉飛香迴勝花

荊門聞見擊筑者

高閣垂楊底
行人立堵多
有何身世感
擊筑客悲歌

阿城

瓜蔓黃臺詠豆其
白雪吟人生當富貴
纔見弟兄心

見漁舟夜歸

溼柳望如雲
風蒲聽疑雨
漁父夜涼歸
侏離隔船語

戴家廟感賦

居士曾傳此耦耕琴尊日造動公卿無田退隱空談往早歲應
官愧近名青篋漁舸涼鷺夢黃茆驛舍亂雞聲竹涼何處堪消
夏頭上催詩雨又成

題蒼雪道人孝陵詩後

地老天荒故國墟模糊淚血灑箋疏摩提幻化原空觀佛子精
嚴解讀書錫卓庵頭悟黃檗瀑翻松頂夢匡廬自應心折琅琊
叟合買金沙改鑄渠

王貽上評海內
詩僧蒼雪第一

李海務雨舟漫興

遙村短薺溼蒼煙撒粟清音入耳圓墨潤端宜臨晉帖衫輕幾
欲著吳絲亂山如夢昏前浦飛雁疑塵下遠天遲我郵程應不
悔糶糧早減大官泉

周家店雨舟感懷仿張船山詩意

垂楊搖翠葉翻風急雨跳珠訝許同
雪浪遙噴一條白船窗深掩四圍紅
家書欲寄偏多梗遠宦初歸轉諱窮
樂石祥金盈篋行解嘲箕踞足豪雄

張官營陣雨泊舟入夜復晴

老樹翻風綠浪平長空撒粟亂飛聲
陣雲捲盡三升墨放出涼天一角晴

薔蔔香微雪影遮蘄州小簾夜涼些
野人籬落繁華相聒耳笙歌兩部蛙

紅廟聞新蟬

羈旅逢時換新蟬聽翼鳴草堂詩夢遠
柳驛暮煙平吸露僅能飽因風何費聲
羨他黃鸝子奮發四山驚

得沈助教

學誠

京華書卻寄

騎驢蹙蹙叩朱門
十上秦書竟少恩
他日草堂過慰問
翦鐙燒筍話江村

臨清州

厥壤分青竟橫波
匯古漳衫裁園客
繭裘聘大夫羊擊筑
隨流水推篷背夕陽
恍移通路棹一塔看偏長

過安台寺

水齧流沙舊岸侵
背篷圓笠趁幽尋
綠藏煙寺昏於墨
只放疏鐘出梵林

武城縣

叢爾絃歌地曾傳
夫子之柳涼多傍水城
古不宜詩雞哺喧荒
圃鴉翻認廢祠寄言
新令尹能否動謳思

重過鬲津法雲精舍

鞅掌朝京使安閒退院僧茶瓜待應久帶玉鎮何曾呪雨龍吟
鉢棲禪鴿怖鐙庭蕉著花未吾欲問南能

去歲秋日有過寺看蕉花詩

過鄭家口

估舶錢刀會燕齊錯并疆河湮迷馬頰路曲走羊腸瘦轍盤渦
沒高蟬帶雨涼年時秋夜泊駭浪似浮湘

輓馮花橋

元熙孝廉

猶記衣帽集草堂煮葵燒筍話偏長槃阿歸定期頗享寂寞人
琴劇可傷

黃鵠摩天志竟乖宛邱枯守太常齋最憐易簣彌畱際尙盼春
明說計偕

鉛槧深研鬢早絲天教蘭玉慰衰遲巫陽若緩經年駕及見泥

金報捷時

令嗣柳東報捷南宮先生已先期歸道山矣

把酒河橋記別君果然臚唱九天聞傷心宮錦袍初著又更麻衣哭白雲

題虞山四景冊

維摩曉日

雙樹參天碧高標古講堂鐘聲昏海氣旛影動晨光爛漫看深谷沈酣笑下方梅花千萬億香雪四山涼

湖田夜月

橋斷湖光入拏舟客早歸一輪蟾閣鏡百衲水田衣波漾蓴絲活風香杭稻微畫塘殘月岸清景記依稀

辛峯夕照

我愛衙齋好終朝枕翠峯雲沈千澗白霞景半亭紅堂吏茶廳

謁詩僧蕭寺逢環滁皆暖碧清賞卻相同

方塔晨鐘

縹緲青冥上鐘魚鎮梵天喚回塵壒夢悟徹妙音圓鴉噪重檐
日鈴喧四角煙何時脫鞅掌膜拜佛鐙前

黃媪余少時隨侍凡日用茶膳衣巾檢點無不周而嘗
勸余讀書曰君家世宦建牙開府奚足重所貴者科
名耳公子其勉旃已而余以蔭生授農部郎媪猶及
見之其子祿嗜酒好博貧無以自給孫紹忠余參養
之近亦十一歲矣

挑鐙追憶少年場保母扶將舊話長蜜餌貪饕幾諫諍裳衣暄
冷費斟量頻言嗣續寒無倚纔聽書聲喜欲狂垂白情懷稍慰
藉扶鳩看拜殿中郎

老僕梁福性戇直曾侍先公多年服役惟謹僚屬有贈
金弗受私謂眾曰背主受財是欺也罪孰甚焉先公
益厚遇之性好杯鎗余童時入家塾朝夕必偕輒不
名呼之爲老梁

趨侍偏僕愛樸愚老髯生不愧人奴黃金解得辭昏夜濁酒何
妨醉野鑪滿逕斜陽隨下學半城涼雨代催租卽今餒馬持韉
者似此忠誠僕有無

車夫戴四足健善步驂羸者行弗逮也余每趨朝漏三
下戴四卽脂車秣馬以待風雪栗烈未嘗稍失癸酉
余從軍滑城戴四亦隨往佩刀攬轡氣頗自雄歸中
塞病沒

輓紅塵海一鞭攜足繭終年逐瘦蹠攬轡意雄憑喚馬韉刀膽

壯共聞雞市寒酒氣衝冠倒苑曉車聲碾夢迷暇日思量呼負
負不曾拯爾出塗泥

庖人孟姓木訥碌碌無所能烹飪亦勿善壬戌冬月九
日家人弗戒於火室燬余親往潑救牆頽路阻濃煙
中見一人手執挺冒突烈燄力導奔出事定審知爲
孟重賞之弗受曰庖人依主人原以備緩急禦患難
耳豈爲利耶辭去不知所之殆任俠流隱於鼓刀者
赭屋黔廬險絕倫賀災書怪太無因忽逢援手陳奇策始信焦
頭屬上賓拯厄不辭衝烈焰居功誰肯卻流銀近來說士多皮
相畢竟屠沽有僞人

將至淀津登陸舟中晨起口占

征帆葉葉帶朝陽驛舍鳴蟬送客忙雅有閒情伴書卷不逢熱

客倒衣裳過船邀月茶初熟入寺尋僧雨乍涼幾度呼童收筆
硯明晨騎馬踏塵黃

浴船

北方風力勁板燥自收縮舟人潤澤之五日一休沐綆汲灌連
筒跳珠盈萬斛滌以青竹帚拭之白霜縠厥名爲浴船此風亦
不俗權當碧油淋甯畏秋陽暴聲疑涼雨來清音聽漸促似斷
仍復連浙瀝雜噴瀑一例催詩成挑鐙散巾幅

津淀喜值陳轅使

文駿

邀酌席上卽贈

高齋懸榻習常聞一笑掀髯又值君良友丰裁初霽月勞人蹤
迹度江雲挑鐙借讀朝京報煮酒追談滅滑軍不羨南皮公讌
盛堆盤鮓菜倍殷勤

由西沽登陸晚至楊村仍擬下榻清涼庵道人告知寺

僧

西沽稅駕已云齊
茶筌書囊次第攜
馬乳堆盤鄉味美
羸綱漫野柳陰低
熱官趨府偏逢夏
涼雨脂田不滿犁
腰笏僧廊成底事
放衙聲裏伴禪棲

茶村大風

野曠縱風驕
旌旗影動搖
翠涼禾盡偃
雪湧浪空跳
俊想神鷹鷲
雄宜代馬調
風雲思猛士
端數霍票姚

重過馬頭驛記去歲六月與十弟松亭會於旅舍今督
輸北歸十弟出守汾州悵然有作

碾渦依舊繞茅堂
風急汾陰散雁行
縱道彭城是飄泊
挑燈猶喜得聯牀

宦轍從來少定蹤
琴川鳬嶺節移重
天公有意憐坡穎
得告商

州或再逢

清涼庵雨後

雨過天光淨高林滿夕陽驅車畏炎炙懸榻愛清涼

六月初七日慈雲寺消暑

麟麟繞寺止車聲老衲低眉合十迎我借屨提消熱惱僧緣卿
相炫題名香林鵲鴿皆禪意茆屋茶瓜亦世情彌勒當門大歡
喜繡衣驄馬看朝京

重過芥園

風柳出牆翠高與畫樓齊當驛愁僧俗臨流易酒攜餘霞蓮駐
影深碧竹畱題隔院鐘魚靜無人覺夢迷

芥園旁佛院

入門生靜想苔徑任敲斜揮扇風當竹籠詩雨暗紗鄰僧疏似

筍殘客淡於茶繩榻閒容借天親本一家

同懷弟法良校刊

男崇福謹校重刊